

四庫全書

經部

欽定四庫全書

經部一

易附錄纂注

易類

提要

臣等謹案易附錄纂注十五卷元胡一桂撰
一桂字庭芳號雙湖婺源人景定甲子領鄉
薦試禮部不第教授鄉里以終事迹具元史
儒學傳是編以朱子本義為宗取文集語錄
之及於易者附之謂之附錄取諸儒易說之

合於本義者纂之謂之纂注其去取別裁惟以朱子為斷元史稱其受易源流出於朱子殆以啟蒙翼傳及是書歟陳櫟稱一桂此書於楊萬里易傳無半字及之今檢其所引櫟說信然蓋宋末元初講學者門戶最嚴而新安諸儒於授受源流辨別尤甚萬里易傳雖遠宗程子而早工吟詠與范成大陸游齊名不甚以講學為事故雖嘗薦朱子拒韓侂冑

而慶元黨禁獨不列名一桂蓋以詞人擯之
未必盡以其書也乾隆四十六年十月恭校

上

總纂官

臣紀昀

臣陸錫熊

臣孫士毅

總校官

臣

陸費墀

欽定四庫全書

易附錄纂註卷一

元胡一桂撰

周代名也易書名也其卦本伏羲所畫有交易變
易之義故謂之易其辭則文王周公所繫故繫之
周以其簡策重大故分為上下兩篇經則伏羲之
畫文王周公之辭也并孔子所作之傳十篇凡十
二篇中間頗為諸儒所亂近世晁氏始正其失而
未能盡合古文呂氏又更定著為經二卷傳十卷
乃復孔氏附錄王後來重之邪抑伏羲已自畫了
之舊云天圖則有八卦便有六十四卦伏羲已有
邪看先天圖則有八卦便有六十四卦伏羲已有
六畫矣如何曰周禮三易經卦皆八其別皆六十
有四便見不是文王重又曰伏羲已上但有此六
畫而无文字可傳到得文王周公乃繫之以辭錄

問交易變易如何曰陰陽有箇流行底有箇定位底一動一靜互為其根便是流行底寒往暑來是也分陰分陽兩儀立焉便是定位底天地上下四方是也易有兩義一是變易便是流行底一是交易便是對待底義引人曰變易如陰變而陽陽變而陰老陰變少陽老陽變少陰之類正是筮占之法交易如陽交於陰陰交於陽之類卦圖上謂天地定位山澤通氣雷風相薄水火不相射八卦相錯是也坤象辭文王作爻辭周公作卦皆先儒從來焦地說且得依他謂爻辭為周公作者爻辭中多說文王不應是文王自說也銖古文周易經傳十二篇東萊呂氏所定某嘗以為易經本為卜筮而作皆因吉凶以示訓戒故其言雖約而所包甚廣夫子作傳亦畧舉其一端以見凡例而已然自諸儒分經合傳之後學者便文取義往往未及玩心全經遞執傳之一端以為定說於是一卦一爻僅為

一事而易之為用反有所局而無以通乎天下之
故若是者某益病之是以三復伯恭之書而有發
焉非特為其章句之近古而纂註孔氏曰卦者掛
已也書漳州所刊古易後纂註也言懸掛物象
以示人也蔡氏曰卦者事物之質也原事物之始
要事物之終以為質也又者效也效事物之時而
也動

三三

乾乾

上乾

元亨利貞

六畫者伏羲所畫之卦也三者
奇也陽之數也乾者健也陽之

性也本註乾字三畫卦之名也下者內卦也上者外卦
也經文乾字六畫卦之名也伏羲仰觀俯察見陰陽有
奇偶之數故畫一奇以象陽畫一偶以象陰見一陰一
陽有各生一陰一陽之象故自下而上再倍而三以成
八卦見陽之性健而其成形之大者為天故三奇之卦
名之曰乾而擬之於天也三畫已具八卦已成則又三

倍其畫以成六畫而於八卦之上各加八卦以成六十
四卦也此卦六畫皆奇上下皆乾則陽之純而健之至
也故乾之名天之象皆不易焉元亨利貞文王所繫之
辭以斷一卦之吉凶所謂彖辭者也元大也亨通也利
宜也貞正而固也文王以為乾道大通而至正故於筮
得此卦而六爻皆不變者言其占當得大通而必利在
正固然後可以保其終也此聖人所以作易教
人卜筮而可以開物成務之精意餘卦放此
三陰三陽如何曰乾一而實坤二而虛乾只是一箇物事
充實偏滿天之包內皆天之氣坤便有開闔人傑天自
是一地自是二凡物皆然蓋天之形雖包乎地之外而
其氣實透乎地之中地雖是一塊物事在天之中實虛
容得天許多氣乾靜專動直大生都是一底意思大而
无間斷故曰大生坤則靜翕動闢便是兩箇物事其翕
也兩箇之聚其闢也兩箇之開這中間便容得天之氣
所以說廣生又曰陰虧而不盈陽盈而不虧此兩箇方

附錄陽

做得一箇蟬天地間无非一陰一陽之理有理則有象有象則數便在其間蓋所謂數者祇是氣之分限節度處得陽必奇得陰必偶凡物皆然故聖人以之畫卦也鉢天之性情則是一箇健健故不息使天有一時息地須落下去緣他運轉周流无一時息故局得地在中間今只於地信得他是斷然不息卦辭未見取象之意其成形之大者為天及擬之於天二句恐當於大傳言之下文天之象不易之句亦然坤放此曰纔設此卦時便有此象了故於此預言之後面卦辭中亦有兼象說者不得不預言也道夫乾坤只是卦名乾只是箇健坤只是箇順純是陽所以健純是陰所以順至健為天至順為地所以後來取象乾便是天坤便是地淵問六十四卦名曰卦之未畫也因觀天地自然之法象而畫及既畫也一卦自有一卦之象象謂有箇形似也故聖人即其象而命之名以爻之進退言則如剝復之類以形之肖似言則如井鼎之類問不知是伏羲名抑文王所立

曰不可考銖問卦下之辭為彖辭何也曰此只是彖辭
孔子曰知者觀其彖辭則思過半矣彖斷也陸氏音中
語所謂彖之經也大哉乾元以下孔子釋經之辭亦謂
之彖所謂彖之傳也同上正字不能盡貞之義須用連
正固說其義方全正字也有固字意但不分明終是欠
闕正如孟子所謂知斯二者弗去是也知斯是正意弗
去是固意道夫易中多言貞如利貞貞吉利永貞之類
皆是要人守貞時舉或謂又有所謂不可貞者如何曰
也是這意思只是不可纂註程子曰乾天也天者天之
以為貞而固守之道夫纂註程子曰乾天也天者天之
也健而無息之謂乾夫天專言之則道也天且弗違是
也分而言之則以形體謂之天以主宰謂之帝以功用
謂之鬼神以妙用謂之初九潛龍勿用初九者卦下陽爻
之神以性情謂之乾初九潛龍勿用初九者卦下陽爻
下而上故以下爻為初陽數九為老七為少老變而少
不變故謂陽爻為九潛龍勿用周公所繫之辭以斷一

爻之吉凶所謂爻辭者也潛藏也龍陽物也初陽在下
未可施用故其象為潛龍其占曰勿用凡遇乾而此爻
變者當觀此象而玩附錄七八九六所以為陰陽之老
其占也餘爻放此少者其說本於圖書定於四
象其歸奇之數亦因揲而得之耳以圖書論之虛中為
太極奇偶各二十為兩儀而為四象者圖之一合六二
合七三合八四合九書之一含九二含八三合七四含
六以畫卦言之自太極生兩儀一為陽二為陰陽之上
生一陽謂之太陽生一陰謂之少陰陰之上生一陽謂
之少陽生一陰謂之太陰四象既立太陽居一而含九
少陰居二而含八少陽居三而含七太陰居四而含六
以揲著論之參天兩地而倚數奇陽體圓其法徑一圍
三而用其全故少之數三偶陰體方其法徑一圍四而
用其半故多之數二歸奇積三三為九則其過揲者四
九而為三十六矣歸奇積二二三為六則其過揲者四
而為二十四矣歸奇積兩三一二而為八則其過揲者

四八而為三十二矣歸奇積一三兩二而為七則其過
揲者四七而為二十八矣又曰七八九六一四二三所
以流行經緯乎陰陽之間而別其老少以辨其錯綜而
吉凶定或專以一三五為九二四為六則雖合於積數
之九六至于七八則有不可得而通者矣著卦考誤曰
陽進陰退者九六為老七八為少然陽極於九則退八
而為陰陰極於六則進七而為陽凡占所以用九六而
不用七八蓋取其變也答方初九潛龍勿用是自家未
當出之時須韜晦方始无咎若於此而不能韜晦必須
有咎賀孫易如一箇鏡相似看甚物來都能照得如所
謂潛龍只是有箇潛龍之象自天子至於庶人看甚人
來都使得孔子說龍德而隱不易乎世以下便就事上
指說了然會看底會得卦爻本意却不妨當此時居此
位作此人也須知得他是假托說是包含說假托說不
惹著那事包含說是說箇象在箇裏而无所不包也銖
又曰初九潛龍勿用只是取象戒占者之辭辭者遂去

上面生義理以初九當潛龍勿用初九是纂註程子曰
簡甚麼如何會勿用試討箇人來看箇
也故假象以顯義乾以龍為象龍之為物靈變不測故
以象乾道變化陽氣消息聖人進退初九在一卦之下
為始物之端陽氣方萌聖人側微若龍之潛隱未可自
用當養晦以俟時蔡氏曰初位也九爻也初二三四五
上為位之陰陽九六為爻之陰陽又曰氣消息九二見
自下而上故畫卦自下始又曰潛象初龍象九二見
龍在田利見大人二謂自下而上第二爻也後放此九
所利見故其象為見龍在田其占為利見大人九二雖
未得位而大人之德已著常人不足以為利見大人九二雖
之變者但為利見此人而已蓋亦謂在下之大人也此
以爻與占者相為主賓自為一例若有見龍之德則為
利見九五在附錄見龍在田利見大人有德者亦謂之
上之大矣

得此爻則吉義剛其他爻象占者常之唯九二見
龍人常不得所以只得把爻做主占者做客淵 纂註

程子曰田地土也出見地上其德已著以聖人言之舜
之佃漁時也利見大德之君以行其道君亦利見大德

之臣以共成其功天下利 九三君子終日乾乾夕惕若
見大德之人以被其澤

厲无咎

九陽爻三陽位重剛不中居下之上乃危地也
然性體剛健有能乾乾惕厲之象故其占如此

君子指占者而言言能憂懼附錄九三此爻才剛位危
如是則雖處危地而无咎也 須著乾乾夕惕若厲

方可无咎若九二則以剛居中位易處了故凡剛而處
危疑之地皆當乾乾夕惕若厲則无咎也此爻大意只

是如此祖道厲无咎是一句它後面有此例如頻復厲
无咎是也厲多是陽爻說淵无咎是上不至於吉下不

至于凶正恰好處燁易之為書廣大悉備人皆可得而
用初无聖凡之別以某觀之毋問聖人與凡庶但當此

時便當恁地若止以舜當之九三君德已著為危疑之地則千百年間只有箇舜禹用得也淵問九三不言象何也曰九三陽剛不中居下之上有強力勞苦之象不可言龍故特指言乾乾惕若而已言有乾乾惕厲之象也德明九三不言象亦不可曉若說龍時亦難以重剛之地處他所以說君子乾乾夕惕只此意淵纂註蔡氏曰乾乾行事不息也下愚謂乾又皆言龍獨三乾終而上乾繼之故曰乾乾不言龍蓋初二為地地則龍之下位五上為天則龍之上位三四為人位則非龍之所據三乃人道之首故繫之君子而以德言四將離乎人位故可以躍言矣況六爻不言乾而三獨言乾乾蓋乾乃陽之性龍特陽之象不言其象而兩言其性謂之九四或躍在淵无咎或者疑而未定之辭躍非龍可乎九四或躍在淵无咎者无所緣而絕於地特求飛耳淵者上空下洞深昧不測之所龍之在是若下於田或躍而起則向乎天矣九陽四陰居上之下改革

欽定四庫全書

易經卷一

之際進退未定之時也故其象如附錄田是平所在縱
此其占能隨時進退則无咎也
深處不可測躍得便上天去不得依舊在淵裏皆不可
測不似九二安穩此時進退不得皆不由我只聽天時
了銖或問胡安定將乾九四為儲君不知可否曰看易
不可恁地易只是古人卜筮之書如五雖主君位而言
然亦有不可專主君位言者天下事有那一箇道理自
然是有若只將九四為儲位說則古人未立太子者不
成虛却此一爻如一百八十四件事邪去偽纂註程子
八十四爻乃止三百八十四件事邪去偽纂註程子
之歷試九五飛龍在天利見大人如剛健中正以居尊位
時也
人之位故其象如此而占法與九二同特所利見者在
上之大人爾若有其位則為利見九二在下之大人也
附錄太祖一日問王昭素曰九五飛龍在天利見大人
常人何可占得此卦昭素曰何害若臣等占得則

陛下是飛龍在天臣等利見大人是利見陛下也說得最好鉢通論二五兩爻此兩爻當以所占之人之德觀之若已是有人九二之德占得九二爻則為利見九五大德之君若常人无九二之德占得此則只為利見九二之大人爾已為九五之君而有九五之德占得九五爻則為利見九二大德之臣若九二之人占得之則為利見此九五大德之人各隨所占之人以爻與占者相為主賓也鉢兩箇利見大人向來人都說不通不知易本是卜筮之書天子自有天子利見大人處大臣自有大臣利見大人處羣臣自有羣臣利見大人處士庶人自有士庶人利見大人處當時何纂註蔡氏曰聖人既得曾有甚麼人對甚麼人說賀孫纂註天位則利見在下大德之人與共成天下之事上九亢龍有悔上者最上天下同利見大德之君也上九亢龍有悔一爻之名亢者過於上而不能下之意也陽附錄悔上九云亢龍有極於上動必有悔故其象占如此附錄悔若占得此爻

必須以亢滿為戒如這般爻最是易之大義易之為書
大抵於盛滿時致戒蓋陽氣正長必有消退之漸自是
理勢如此又云當盛極之時便須慮其亢如當堯之時
須交付與舜否則堯之後天下事未可知又云康節所
以見得透看他說話多以盛滿為戒如云只喜成微
醺不喜成酩酊又云康節多於消長之交看賀孫纂
註程子曰九五者位之極中正者得時之極過此則亢
矣上九至於亢極故有悔也有過則有悔惟聖人知
進退存亡而無過則不至於悔也徐氏曰堯用九見羣
老而舜攝極則變變則通此无悔之道也
龍无首吉用九言凡筮得陽爻者皆用九而不七蓋
諸卦百九十二陽爻之通例也以此卦純陽
而居首故於此發之而聖人因繫之辭使遇此卦而六
爻皆變者即此占之益六陽皆變剛而能柔吉之道也
故為羣龍无首之象而其占為如是則吉也春秋傳曰
乾之坤曰見羣龍无首吉蓋即純坤卦辭牝馬之貞先

迷後得東北附錄用九不用七且如得純乾卦皆七數

喪朋之意面所以只占上面彖辭用九蓋是說變淵凡說文字須有情理用九當如歐公說方有情理蓋為是卜筮言所以須著有陽已盛如羣龍然龍之剛猛尤在首故見其无首則吉大意只是要剛而能柔自人君至士庶皆須如此若說為天下先便只人主方用得以下更使不得恐不如

此破伯豐問如何便是先迷後得東北喪纂註蔡氏曰朋之意曰只是无首所以言牝馬之貞

龍也六爻皆老陽則變而之坤矣首先也坤先迷故不可為首

三三坤上坤元亨利牝馬之貞君子有攸往先迷後得

主利西南得朋東北喪朋安貞吉三者偶也陰之數也坤者順也陰之性也

註中者三畫卦之名也經中者六畫卦之名也陰之成
形莫大於地此卦三畫皆偶故名坤而象地重之又得
坤馬則是陰之純順之至故其名與象皆不易也牝馬
順而健行者陽先陰後陽主義陰主利西南陰方東北
陽方安順之為也貞健之守也遇此卦者其占為大亨
而利以順健為正如有所往則先迷後得其主於利往
西南則得朋往東北則喪附錄坤卦利牝馬之貞不可
朋大抵能安於正則吉也附錄坤卦利牝馬之貞不可
主利却當如此絕句必大問牝馬取其柔順行健之象
坤順而言健何也曰守得這柔順亦堅確故有健象柔
順而不堅確則不足以配乾矣銖君子有攸往何也曰
此是虛句意在下旬伊川解云君子所行柔順而利且
貞恐非也蓋言君子有所往先迷後得主利也銖大槩
是陰減陽一半就前後言沒了前一截就四方言沒了
東北一截陽却是全體淵問西南得朋東北喪朋何也
曰陰不比陽陰只理會得一半不似陽兼得陰故无所

不利陰半用故得於西南喪於東北先迷後得亦然
問得朋喪朋曰占得坤卦從西南方得其朋從東北方
失其朋西南陰方東北陽方坤北乾減半輝乾主義坤
主利占得這卦便主利底事不是坤道主利萬物乃是
此卦占得時主有利淵安貞之吉他這分段只到這裏
若更妄作以求全時便凶了在人也當如此淵陰體柔
躁只為他柔所以躁躁是那欲動而不得動之意剛則
便動矣柔躁自不能守所以說安貞吉同上問牝馬之
貞曰乾卦元亨利貞便都好故云利永貞到坤只一半
好故云利牝馬之貞則是亦有不利者又曰西南得地
與類行自是好東北纂註程子曰乾坤德同而貞體異
不得地自然喪朋當纂註乾以剛固為貞坤以柔順為
貞又曰陰從陽者也待唱而和陰而先陽則為迷錯居
後乃得其常也蔡氏曰乾貞剛健專固坤貞柔順承從
又曰先迷陰元首也愚謂彖辭文王所作也西南得
後得主利陰從陽也朋東北喪朋後天八卦之位也

至哉文王之作易也其當西伯之時美里之囚邪味安
貞吉之辭文王之心盡於此矣今觀自利牝馬貞而下
反覆致戒无非所以謹守為臣之分使凡居坤位者一
守之以貞也萬世而下可以想見文王之心且可為不
安貞而占**初六履霜堅冰至**六陰爻之名陰數六老而
者之戒矣**初六履霜堅冰至**八少故謂陰爻為六也霜
陰氣所結盛則水凍而為冰此爻陰始生於下其端甚
微而其勢必盛故其象如履霜則知堅冰之將至也夫
陰陽者造化之本不能相无而消長有常亦非人所能
損益也然陽主生陰主殺則其類有淑慝之分焉故聖
人作易於其不能相无者既以健順仁義之屬明之而
无所偏主至其消長之際淑慝之分則未嘗不致其扶
陽抑陰之意焉蓋所以贊化育而參天地者其旨**附錄**
深矣不言其占者謹微之意已可見於象中矣
陰陽有以動靜言者有以善惡言者如乾元資始坤元
資生則獨陽不生獨陰不成造化周流須是並用如履

霜堅冰至則一陰之生便如一般道理這道理在人如何看
直看是一般道理橫看是一般道理所以謂之易道夫
履霜堅冰不著占自分曉占者目前未見有害却有未
萌之禍所宜戒謹也砥通論乾初九爻如得乾卦上五
爻不變而初爻變告人以履霜之漸也顯子纂註蔡氏曰霜
得坤初爻變告人以履霜之漸也顯子纂註蔡氏曰霜
也履象初霜象六堅冰陰氣盛極也霜之積則必有堅
冰至戒辭也諸爻曰足曰趾曰拇曰履皆取在下而象
初陰盛上象冰六二直方大不習无不利柔順貞固坤
有定坤之方也德合无疆坤之大也六二柔順而中正
又得坤道之純者故其德內直外方而又盛大不待學
習而无不利占者有附錄之氣而生物故其直止是一
其德則其占如是也
定輝坤是純陰一卦諸爻皆不中正五雖中亦以陰居
陽唯六二居中得正為坤之最盛者故以象言之則有

是三者之德而不習无不利占者得之有是則吉文廟
六二直方大坤卦中唯這一爻最精粹蓋五雖尊位却
是陽位破了體四重陰而不中三又不正唯此爻得中
正所以就這說箇直方大此是說坤卦之本體然而本
意却是教人知道這爻有這箇德不待習學而无不利
人占得這爻時若能直能方能大則亦不習无不利却
不是要發明坤道淵問不習无不利或以為此是成德
之事或以為學者須時習然後至於不習曰不是如此
聖人作易只是說此爻中有此象若占得此爻便應此
事有此用未說到時習至於不習與成德之事在學者
固當如此然聖人作易未有此意在某纂註徐氏曰生
說易所以與先儒不同正在於此錄

回撓非直乎賦形而六三含章可貞或從王事无成有

終六陰三陽内含章美可貞以守然居下之上不終含
藏故或時出而從上之事則始雖无成而後必有終

爻有此象故戒占者附錄六三便夾些陽了陰則渾是有此德則如此占也
以言含章若無陽何由有章含章為是有陽半動
半靜之爻若六四則渾是柔了所以括囊淵錄纂註
徐氏曰成謂專成無成謂陰承陽但當盡臣道不可有所專成也有終陰之事也陽不足於後代其終者陰也
三下卦之終故亦以終言又曰三與五同功而異位三居下卦之上故又有從王事之象劉氏曰三五皆陰爻
陽位故三曰含六四括囊无咎无譽括囊言結囊口而章五曰文在中
之名謹密如是則无咎而亦无譽矣六四重陰不附錄中故其象占如此蓋或事當謹密或時當隱適也
問重陰不中何以見其有括囊之象曰陰而又陰其結塞不開則為括囊矣道夫坤六四不止言大臣事在位者便當去未仕
者便當隱必大仕
六五黃裳元吉
黃中色裳下飾六五以陰居尊中順之德

欽定四庫全書

易經卷一

充諸內而見於外故其象如此而其占為大善之吉也
占者德必如是則其占亦如是矣春秋傳南蒯將叛筮
得此爻以為大吉子服惠伯曰忠信之事則可不然必
敗外強內溫忠也和以率貞信也故曰黃裳元吉黃中
之色也裳下之飾也元善之長也中不忠不得其色下
不共不得其飾事不善不得其極且夫易不可以占險
三者有闕筮雖當未也後附錄人因之以明教因其疑
蒯果敗此可以見占法矣
以示訓中間都是正吉不魯有不用如黃裳元吉大率是為君
子設非小人盜賊所得竊取而用如黃裳元吉須是居
中在下方始會大吉不然則大凶賀孫通論乾九五爻
大率乾是做坤是守乾如活龍相似氣馘猛烈故九五
便言飛龍在天文言解得活潑潑地到坤便說得善了
只說黃裳元吉文言只說黃中通理正位居體而已必
大乾之九五自是剛健底道理坤之六五自是柔順底
道理各隨它陰陽自有一箇道理其為九六不同所以

在那五處亦不同這箇五纂註蔡氏曰黃象五裳象六

守中而居下則元吉謂守其分也五尊位也陰者臣道

也婦道也臣居尊位昇莽是也猶可言也婦居尊位女

也故有黃裳之戒而不盡言也上六龍戰于野其血玄

黃陰盛之極至與陽爭兩敗俱傷附錄坤六爻雖有重

守收斂畏謹底意思砥通論乾上九爻子耕問乾上九

只言亢坤上六却言戰何也曰乾无對待只有乾而已

故不言坤坤則不可无乾陰體不足常虧欠若无乾便

沒上截大抵陰陽二物本则无陰只是陽盡處便是陰

易附錄纂註

七

也陰陽既爭則皆不能無傷
故又有其血玄黃之象也
用六利永貞
用六言凡得

六而不八亦通例也以此卦純陰而居首故發之遇
此卦而六爻俱變者其占如此辭蓋陰柔不能固守變

而為陽則能永貞矣故戒占者以利永貞即附錄乾通論
乾之利貞也自坤而變故不足於元亨云

二用九用六當從歐公為揲著變卦之凡例蓋陽爻
百九十二皆用九而不用七陰爻百九十二皆用六而

不用八也特以乾坤二卦純陽純陰而居篇首故就此
發之又當因其說而推之竊以為凡得乾而六爻純九

得坤而六爻純六者皆當直就此爻占其所繫之辭不
必更看所變之卦左傳蔡墨說可以見其一隅也答虞

大中乾吉在元首坤利在永貞這只說二用變卦乾吉
在元首言卦之本體元是六龍今變為陰頭面雖變渾

身却只是龍只是一元頭底龍相似坤利在永貞這却
却不得見他元亨只得永貞坤本卦固有元亨變卦却

无淵後漢魏伯陽參同契曰二用无久位周流行六虛
二用者用九用六也六虛者即初二三五四上六久位
也言二用雖无久位而常周流乎乾坤六爻之間也
通論乾坤大旨乾道奮發而有為坤道靜定而有守佐
乾卦連致知格物誠意正心都統了坤卦只是說箇持
守柔順正固而已坤卦是箇无頭底物事事都不能
為首只是循規蹈矩依而行之乾父坤母意亦不見如
云先迷後得先迷无首也後得後則有獲也乾則不言
所利一坤則利牝馬之貞每不同所以履節云乾无十
坤无一乾至九止奇數也坤自二始偶數也或云乾无
十者有坤以成之坤无一者有乾以首之
曰然間又曰乾從知處說坤從守處說淵

三三

震下
坎上

屯元亨利貞勿用有攸往利建侯

震坎皆三
畫卦之名

震一陽動於二陰之下故其德為動其象為雷坎一陽
陷於二陰之間故其德為陷為險其象為雲為雨為水

屯六畫卦之名也難也物始生而未通之意故其為字象革穿地始出而未中也其卦以震遇坎乾坤始交而遇險陷故其名為屯震動在下坎險在上是能動乎險中能動雖可以亨而在險則宜守正而未可遽進故筮得之者其占為大亨而利於貞但未可遽有所往爾又初九陽居陰下而為成卦之主是能以賢下人得民而可君之象故筮立附錄彖辭一句蓋取初九一爻之義君者遇之則吉也附錄為成卦之主一陽居二陰之下有以賢人為民歸往之象故宜立君故象曰以貴下賤大得民也易只三處言利建侯屯兩言之豫一言之皆言立君左氏分明有立君之說衛公子元遇屯則可見矣但他又說名元是有元之象或問元者善之長曰公利字多為占者設蓋是活人方有利不利若是卦畫何利不利之有如屯利建侯乃是占得此卦者之利晉文公曾占得此卦屯豫皆有此辭果能得國若常人見之

亦隨高下自有箇主宰底道理但古者卜立君卜大篡

遷卜大封是事體重者故爻辭以其重者言之必大篡

註程子曰萬物始生鬱結未通故為盈塞愚謂屯卦

有互體之坤故取建侯象國語司空季子為初九磐桓

利居貞利建侯動磐桓難進貌屯難之初以陽在下又居

之象然居得其貞故其占利於居貞又本成卦之主以

陽下陰為民所歸侯之象也故其象又如占者如

是則利建附錄爻辭通論一卦所謂侯者乃屬他人即

以為侯也乃其自己纂註徐氏曰或問利建侯彖曰不寧宜急爻

也道夫自當審固根本相時而動乃能濟屯不容不緩道蓋並

行而不容愚謂屯卦惟初九一爻最重故卦辭
相悖也所謂利貞利建侯惟初九爻當之
六二屯

如遭如乘馬班如匪寇婚媾女子貞不字十年乃字
分班

布不進之貌字許嫁也禮曰女子許嫁笄而字六二陰
柔中正有應於上而乘初剛故為所難而遭回不進然

初非為寇也乃求與已為婚媾爾但已守貞故不之許
至於十年數窮理極則妄求者去正應者合而可許矣

爻有此象故纂註徐氏曰愚聞之師曰易之道有已正
因以戒占者纂註而他爻取之以為邪者有已凶而他

爻得之以獲吉者屯之初非不正也而二近之
則為寇旅之上非不凶也而五承之得譽命
六三即

鹿无虞惟入于林中君子幾不如舍往吝
陰柔居下不
中不正上无

正應妄行取困為逐鹿无虞陷入林中之象君子見幾
不如舍去若往逐而不舍必致羞吝戒占者宜如是也

纂註

虞只是虞人六三陰柔在下而居陽位陰不安於

林中求官爵者求之不舍而往是致吝之道這道理若人做

事如求官爵者求之不已便是取吝之道求財利者求

之不已亦是取

吝之道賀孫

取

六四乘馬班如求婚媾往吉无不利

陰柔

居屯不能上進故為乘馬班如之象然初九守附錄問

正居下以應於已故其占為下求婚媾則吉也

四求婚媾此婚疑指初九之陽婚媾是陰何陽亦可

言曰婚媾通指陰陽但程傳謂六四往求初九之婚媾

則恐其未必愚謂本義云下求婚媾是指初九在下來

然也銖與之求四為婚媾求者在彼往者在我故吉不

而女先行以是為吉无不利者乎

九五屯其膏小貞吉

大貞凶

險中雖有六二正應而陰柔才弱不足以濟初

九得民於下衆皆歸之九五坎體有膏潤而不得施為
屯其膏之象占者以處小事則守貞猶可獲吉以處大
事則雖正亦纂註蔡氏曰屯者物始生之時初與五皆
不免於凶
弗及之矣程子曰人君之屯膏澤有所不下是威權去
已也威權去已而欲驟正之求凶之道魯昭公高貴鄉
公之事是也故小貞則吉小貞漸正之道若盤庚周宣
脩德用賢復先王之政諸侯復朝以道馴致為之不暴
也又非恬然不上六乘馬班如泣血漣如陰柔無應處
屯之終進无
為若唐僖昭也
所之憂懼而已附錄通論諸卦屯是陰陽未通之時蹇
是流行之中有蹇滯困則窮矣
故其象如此
孫愚謂說卦震坎稱馬蓋本諸此曰鼻足曰美脊以
初中二陽名屯坎上震下故爻多馬象二乘初上
乘五四應初亦云乘若三爻乘馬皆稱班如而上獨泣
者以時當屯難宜班如而不可速往然二四皆有正應

可歸上獨窮極下
又无應所以泣也

三三

艮坎
上

蒙亨匪我求童蒙童蒙求我初筮告再三瀆

瀆則不告利貞

艮亦三畫卦之名一陽止於二陰之上
故其德為止其象為山蒙昧也物生之

初蒙昧未明也其卦以坎過艮山下有險蒙之地也內
險外止蒙之意也故其名為蒙亨以下占辭也九二內
卦之主以剛居中能發人之蒙者而與六五陰陽相應
故遇此卦者有亨道也我二也童蒙幼稚而蒙昧謂五
也筮者明則人當求我而其亨在人筮者暗則我當求
人而亨在我人求我者當視其可否而應之我求人者
當致其精一而扣之而明者之養蒙
附錄問蒙之地蒙
與蒙者之自養又皆利於以貞也
山下已是窮極險處又遇險前後不得故於此蒙昧也
蒙之意是指心下鶻突輝問分人我說筮與乾九二九

五利見大人占同否曰某作如此說粗勝近世人硬褒
一往事說得來窒礙費力銖視其可否而應之者蓋視
其來求我之發蒙者有初筮之誠則告之再三煩瀆則
不告之也致精一而叩之者蓋我求人以發蒙則當盡
初筮之誠而不可纂註徐氏曰初筮主九二言再三主
有再三之瀆也銖纂註上九言卦有內外內卦初筮外
卦再筮二當初卦之初六發蒙利用刑人用說桎梏以
中上居再筮之三也
往吝以陰居下蒙之甚也占者遇此當發其蒙然發之
則致羞吝矣戒附錄卦辭有平易底有難曉底利用刑
占者當如是也附錄人用脫桎梏粗說時如今人打棒
也須與他說了桎梏方可一向枷他便是以纂註曰刑
往吝這只是說治蒙者當寬慢蓋法當如此
桎梏皆九二包蒙吉納婦吉子克家九二以陽剛為內
坎象

九二包蒙吉納婦吉子克家

九二以陽剛為內
卦之主統治羣陰

當發蒙之任者然所治既廣物性不齊不可一槩取必而爻之德剛而不過為能有所包容之象又以陽受陰為納婦之象又居下位而能任上事為子克家附錄卦之象故占者有其德而當其事則如是而吉也附錄中說剛中最好看剛故能包蒙不剛則方且為物所蒙剛而不中亦不能包蒙如九過剛而不中所以為辟蒙此一卦緊要是九二一爻為主所以治蒙者只在兩箇陽爻而上九過剛故只以九二為主而二與五應亦助得五去治蒙大抵蒙卦除了初爻統說治蒙底道理其餘三四五皆是蒙者所以惟九二一爻為治蒙之主時舉纂註蔡氏曰婦五也以剛居內言六三勿用取女見金

夫不有躬无攸利

六三陰柔不中不正女之見金夫而不能有其身之象也占者遇之則其

取女必得如是之人无所利矣金夫蓋以金賂已而挑之若魯秋胡之為者

附錄

問不有躬曰在乎以

立已為先應事為後而今人平日講究所以治國平天下之道而自家身已全不曾理會得若能理會自家身已雖與外事若茫然不相接然明德纂註蔡氏曰金夫在這裏了新民只現成推將去賀孫纂註二也程子曰三正應在上舍而從二是女之見金夫也女之從人當由正禮乃見人之多金說而從之不能有其身者也无所往而愚謂勿用取无攸利實戒占者之言若六三利矣之人自占得此則知其見棄於人者若是亦

可內省而

六四困蒙吝

既遠於陽又无正應為困於蒙之象占者如是可羞吝也能求

剛明之德而親

纂註

蔡氏曰困讀如困而不學之困徐近之則可免矣氏曰陷二柔之中无得乎開明之

道困於蒙

六五童蒙吉

柔中居尊下應九二純一未發者也故吝以聽於人故其象為童蒙而其

占為如是

愚謂童蒙艮少男象卦辭童蒙亦指五言則吉也以童蒙之五應剛中之二太甲成王之於

伊尹周

公是也上九擊蒙不利為寇利禦寇

以剛居上治蒙過剛故為擊蒙之象

然取必太過攻治太深則必反為之害惟得其外誘以全其真純則雖過於嚴密乃為得宜故戒占者如此凡

事皆然不止為誨人也

附錄

蒙卦上九雖小不利然卦爻亦自好蓋上九以剛陽居上擊去蒙蔽只要

恰好不要太過太過於彼有傷而我亦失其所以擊蒙之道如人合喫十五棒若只決它十五棒則彼亦无

辭而足以禦寇若再加五棒則太過而反害人矣為寇者為人之害也禦寇者止人之害也如人疾病醫者用

藥對病則彼足以驅病而我亦得為醫者之道若藥不對病則反害他人而我亦失為醫者之道所以象曰利

用禦寇上下順也惟如此纂註徐氏曰上過剛不中又則上下兩順而无害間居過高之位在下者既

昏蒙而在上者又高亢情意不接彼此扞格乃以為瀆而至於擊蒙也

三三

坎上

需有孚光亨貞吉利涉大川

需待也以乾遇

剛遇險而不遽進以陷於險待之義也孚信之在中者
也其卦九五以坎體中實陽剛中正而居尊位為有孚
得正之象坎水在前乾健臨之將涉水而不輕進之象
故占者為有所待而能有信則光亨矣若又得正則吉
而利涉大川正固无所不利而涉川附錄之問乾陽上進
尤貴於能待則不欲速而犯難也附錄之物前遇坎
險不可遽進以陷於險故為需曰遇此時節當隨遠隨
近寧耐以待之直至需於泥已甚狼當矣然能敬慎亦
不致敗至於九五需得好只是又難得這般時節當此
時只當安以待之爾至上六居險之極又有三陽並進
六不當位又處陰柔亦劉壽翁曰五剛實在中有
只得敬以待之則吉矣纂註孚也柔不能陷光亨貞吉
也利涉大川愚謂卦辭取涉川象凡八需訟同人蠱
剛健不陷也大畜益渙中孚需乾方遇坎健足以行

故云利涉訟三乾已過坎健无所施故云不利涉二卦

取乾坎象又訟與同人三三互巽及有離象蠱三與大畜

三三互震皆取木象益三三兼取震巽木象中孚三取巽木行

兌澤象渙三取巽木行坎水象而二卦又皆互震木象

又自蠱而下卦體或四爻或五爻皆有虛舟之象焉以

是知文王取涉川象大槩有見於乾坎震巽中孚之兌

同人之離至若大畜之艮非所取義初九需于郊利用

也爻取涉川象凡四已見卦圖中恒无咎郊曠遠之地未近於險之象也而初九陽剛又

恒无咎有能恒於其所之象故戒占者能如是則无咎

也纂註程子曰君子之需時也安靜自守志雖有需而

者不能安二需于沙小有言終吉沙則近於險矣言

其恒也九二需于沙小有言終吉語之傷亦災害之

小者漸進近坎故有此象剛中能纂註程子曰坎為水

九三需于泥致寇至

泥將陷於險矣寇則害之大者九三去險愈近而過剛不中故其象

如纂註

蔡氏曰泥迫水矣寇坎也

六四需于血出自穴

血者殺傷之地穴者險陷

之所四交坎體入乎險矣故為需于血之象然柔得其正需而不進故又為出自穴之象占者如是則雖在傷地而終附錄問程傳謂穴物之所安如何曰穴是陷處得出也附錄喚做所安處不得分明有箇坎陷也一句柔得正了需而不進故能出於坎陷四又是坎纂註蔡體之初有出底道理到那上六則索性陷了淵纂註氏曰血穴皆坎象三九五需于酒食貞吉酒食宴樂之具剛進逼故有傷九五需于酒食貞吉言安以待之九

五陽剛中正需于尊位故有此

附錄

需只是待當此之象占者如是而貞固則吉也時別无作為只有

箇待底道理然又

纂註

徐氏曰貞吉者得需之正而吉須是貞方吉淵不然宴酣无度非正也凶可

知愚謂酒上六入于穴有不速之客三人來敬之終

吉

陰居險極无復有需有陷而入穴之象下應九三九

禦而能順之有敬之象占者當陷險中附錄通論需

於非意之來敬以待之則得終吉也

福州劉昭信易說云見險而止為需見險而不止為訟

能通其變為隨不能通其變為蠱近解多引之個冬曰

能安其分則為需不能安其分則為訟此是說對卦淵

三訟有孚窒惕中吉終凶利見大人不利涉大

川訟爭辨也上乾下坎剛坎險上剛以制其下下險

易附錄纂註

子

而得中之象上九過剛居訟之極有終極其訟之象九五剛健中正以居尊位有大人之象以剛乘險以實履陷有不利涉大川之象故戒占者必附錄爭辯攻責也責其短而訟之自訟則反之於身亦若此箇纂註丘行九二正應在五五亦陽故為室塞之象淵

字從言從公言出於公則為初六不永所事小有言終訟不公則為誣為詐非訟也

吉

陰柔居下不能終附錄此爻是陰柔之人不會十分訟故其象占如此

底事但只畧去訟之才辨得纂註毛伯玉曰所事爭辨明便止所以曰終吉也輝之事也有言訟訴之

言也不永謂九二不克訟歸而逋其邑人三百戶无責柔小亦柔也

九二陽剛為險之主本欲訟者也然以剛居柔得下之中而上應九五陽剛居尊勢不可敵故其象占如此邑

人三百戶邑之小者言自處卑約纂註徐氏曰歸而遁
以免災患占者如是則无咎矣
无災眚所以示屈服之意也苟遁避不敵猶處大邑雖
曰退聽迹尚可疑如都城百難足以偶國賊武仲據防
請後宜愚謂位柔故不克訟處二陰之間故六三食
理也哉有歸遁小邑之象不訟而遁故无咎六三食

舊德貞厲終吉或從王事无成

也食猶食邑之食言所享也六三陰柔非能訟者

故守舊居貞則雖危而終吉然或出而從上之附錄
事則亦必无成功占者守常而不出則善也

无成功似與象辭從上吉也之意不協又與坤六三文
言亦不協是只作占辭解所以如此否曰易中經傳不

同如此處多且兼存之然經意是本傳辭是纂註程子
第二節話淵食舊德句貞句厲句終吉句淵纂註曰舊

德謂處愚謂三坎九四不克訟復即命渝安貞吉即
其素分體有食象

也命正理也。渝變也。九四剛而不中，故有訟象。以其居柔故，又為不克而復就正理。渝變其心安處於貞之象。占者如是，附錄復即命渝言復就命而變其不順之命，則吉也。易辭只是元排幾句在此，伊川作變其不。安貞者為安貞作一句讀，恐不甚自然。銖九五訟元吉。陽剛中正，以居尊位，聽訟而得其平。附錄此爻便似坤者也。占者遇之訟而有理，必獲伸矣。附錄六二爻有占无象，蓋爻便是象。上九或錫之鞶帶，終朝三褫之。鞶帶訟元吉，便是占。淵上九或錫之鞶帶，終朝三褫之。鞶帶之飾，褫奪也。以剛居訟，極終訟而能勝之，故有錫命受服之象。然以訟得之，豈能安久？故又有終朝三褫之象。其占為終訟无理，而或取勝，然其所附錄總論六爻問得終必失之。聖人為戒之意深矣。附錄觀訟一卦之體只是訟不可成，初只不永所事，二不克訟，三守舊居正，非能訟者，四不克訟而能復就正理。渝變心志安處。

於正五聽訟元吉上雖有繫帶之錫而不免有終朝之
旒首尾皆是不可訟之意故彖曰訟不可成也曰然銖
纂註馮氏曰或者未必之辭訟雖獲勝所喪已多設有
之不可終極也

三三

坎下

坤上

師貞丈人吉无咎

坤師

兵衆

也下

坎水

坤地

古者

寓兵

險

於農

伏至

險於

大順

藏不

測於

至靜

之中

又卦

惟九

二

一

陽居

下卦

之中

為將

之象

上五

陰順

而從

之為

衆

之象

九二

以剛

居下

而用

事六

五以

柔居

上而

任之

為

人君

命將

出師

之象

故其

卦之

名曰

師大

人長

老之

稱

用師

之道

利於

得正

而任

老成

之人

附錄

吉无

咎謂

如

乃得

吉而

无咎

戒占

者亦

必如

是也

附錄

吉无

咎謂

如

做

出來

好方

得无

罪咎

若做

得不

好雖

是好

事也

則有

咎无

咎吉

謂如

一件事

元是

合做

底自

家做

出來

又

好

於農伏至險於大順藏不測於至靜之中又卦惟九二
一陽居下卦之中為將之象上五陰順而從之為衆
之象九二以剛居下而用事六五以柔居上而任之為
人君命將出師之象故其卦之名曰師大人長老之稱
用師之道利於得正而任老成之人附錄吉无咎謂如
乃得吉而无咎戒占者亦必如是也附錄吉无咎謂如
做出來好方得无罪咎若做得不好雖是好事也則有
咎无咎吉謂如一件事元是合做底自家做出來又好

欽定四庫全書

易經卷一

如所謂戰則克祭則受福戰而臨事懼好謀成祭而恭
敬齊肅便是无咎克與受福便是吉如師之道既已正
了又用丈人率之如此則是都纂註蔡氏曰丈人二
做得是便是吉了更有甚咎淵纂註也吉无咎斷辭初

六師出以律否臧凶

律法也否臧謂不善也晁氏曰否
字先儒多作不是也在卦之初為

師之始出師之道當謹其始以律則吉
不臧則凶戒占者當謹始而守法也

九二在師中吉

无咎王三錫命

九二在下為衆陰所歸而有剛中之德
上應於五而為所寵任故其象占如此

愚謂九二為成卦之主卦辭丈
人吉无咎惟二當之王指五言六三師或與尸凶與

謂師徒撓敗與尸而歸也以陰居陽才弱志
剛不中不正而犯非其分故其象占如此附錄川訓

與尸為衆主如何曰從來有與尸血刃纂註丘行可曰
之說看來只是兵敗與尸而歸之義破纂註與尸而歸

趙括長平之戰是也坎六四師左次无咎左次謂退舍也陰柔不中

為輪輿也坤為衆尸也其象如此全師以纂註程子曰現可而退賢於六三遠矣故其占如此

之常也度不能勝而完師以退愈於覆敗遠矣可退而退乃為咎也易發此義以示後世其仁深矣案

春秋傳曰凡師一宿為舍再宿為信過信為次左次舍而宿也與次于郎之次同兵法前為右後為左故上

將軍居右偏將軍居左則知師以右為重左蓋不用之地也四左次與明夷四左腹同坤體之下也六五

田有禽利執言无咎長子帥師弟子輿尸貞凶六五用師之主

柔順而中不為兵端者也敵加於已不得已而應之故為田有禽之象而其占利以搏執而无咎也言語辭也長

子九二也弟子三四也又戒占者專於委任若使君子任事而又使小人參之則是使之輿尸而歸故雖貞而

欽定四庫全書

卷一

亦不免於凶也附錄問易爻取義如師之六五長子帥師乃是

假設之辭也言若弟子興尸則凶矣問此例纂註曰程子

恐與家人言言而繼以婦子嘻嘻同曰然淵纂註曰五

興師之主故言興師任將之道蠻夷猾夏寇賊姦宄為

生民之害若禽獸入田侵害稼穡於義宜獵取之如此

而動乃得无咎若輕動以毒天下其咎大矣執言奉辭

也明其罪以討之也若秦皇漢武皆窮山林以索禽獸

者也非田有禽也任將之道當以長子帥師弟子非長

也自古任將不專而致覆敗者如晉荀林父邲之戰唐

郭子儀相州上六大君有命開國承家小人勿用師之

之敗是也終順

之極論功行賞之時也坤為土故有開國承家之象然

小人則雖有功亦不可使之得有爵土但優以金帛可

也戒行賞之人於小人則不可用此附錄先生說舊時

占而小人遇之亦不得用此爻也只作論功行

賞之時不可及小人今思量理去不得他既一例有功
如何不看他看來開國承家一句是公共得底未分別
君子小人小人勿用則是更勿用他與之謀議計畫耳
漢光武能用此道自定天下後一例論功行封其所以
用之在左右者則鄧禹耿弇賈復數人他不與焉因問
云古人論功行封真箇裂土與之守非如後世虛帶爵
邑也若使小人人參其間則誠有病弊曰勢不容不封他
但聖人別有以處之如舜封象則使吏治其國若是不
人亦自有以處之也此義
方思量得未曾改入本義

三三

坎坤上下

比吉原筮元永貞无咎不寧方來後夫凶

比

輔也九五以陽剛居上之中而得其正上下五陰比而
從之以一人而撫萬邦以四海而仰一人之象故筮得
之者則當為人所親輔然必再筮以自審有元善長永
貞固之德然後可以當衆之歸而无咎其未比而有所

不安者亦將皆來歸之若又遲而後至則此交已固彼來已晚而得凶矣若欲比人則亦以此而反觀之爾

附錄問比卦是人君為人所比之象曰也不必拘若三家村中推一箇人作頭首是為人所比也須自審

自家才德可為之否所以原筮元永貞也有聞後夫不

必如伊川說左襄二十五年齊崔武子卜娶妻卦云八

于其宮不見其妻凶人以為凶他云先夫已當之矣此

云先夫則彼云後夫正是一樣語陽便是夫陰便是婦

破後夫凶言九五既為衆陰所歸若後面更添一箇陽

來則必凶古人如袁紹劉馥劉繇劉備之事可見兩雄

不並棲纂註徐氏曰夫五剛也後夫謂後乎夫上也上

之義淵纂註居卦終比五獨後也比道貴先比而獨後

則失所當愚謂六十四卦惟蒙比以筮言蒙貴初而

比而凶矣比貴原者蓋發蒙之道當視其初筮之專

誠顯比之道當致其原筮而謹審又二為蒙主而當下

卦故曰初五為比主而當上卦故曰原所以不同也

初六有孚比之无咎有孚盈缶終來有它吉

比之初貴乎有信則

可以无咎矣若其充實則人有他吉也附錄終來有它說將來似顯比

愚謂有他指五言五非正應故言有他蓋初與四皆陰无應而五顯比在上惟積誠意以比五終來必得比而

吉六二比之自内貞吉

柔順中正上應九五自内比而得其貞吉之道也占者如是

則貞而吉矣六三比之匪人

陰柔不中正承柔應皆陰所比皆非其人之象其占大凶不言

可知附錄問比之匪人曰初應四四是外比於賢為比

矣人惟六三應上上為比之六四外比之貞吉

以柔居柔外比九五

為得其貞吉之道也占者如是則貞而吉矣九五顯比王用三驅失前禽邑

人不誠吉

其比而無私如天子不合圍開一面之網來

者不拒去者不追故為用三驅失前禽而邑人不誠之

象蓋雖私屬亦喻上意不相警備以求必得也凡此皆

吉之道占者附錄田獵之禮置旃以為門刈草以為長

如是則吉也

附錄

田獵者自門驅而入禽獸向我出

者皆免惟驅而入者皆獲故以前禽比去者不追獲者

比來則取之大意如此治聖人於人來者不拒去者不

追如何一賀孫如有聞無聲言其自不相告誠又如歸

自不如賀孫

如有聞無聲言其自不相告誠又如歸

市者不止芸者纂註蔡氏曰前禽謂上也上獨後此

不變相似淵

纂註蔡氏曰前禽謂上也上獨後此

愚謂五陰爻皆稱比之比乎五也九五獨稱顯比為眾

陰所比也用三驅而取順喻下四陰失前禽而舍逆喻

下四陰失前禽而舍逆喻

上一上六比之无首凶陰柔居上无以比下凶之道也

上一上六比之无首凶

陰柔居上无以比下凶之道也

纂註

徐氏曰首先也无首不先也衆皆比五上獨後之

言无首凶則凡比所當比而懷私愚謂徐說與本義

顧戀不能早從而至於凶者必矣微異然以六爻觀

之自九五一爻稱顯比外餘五爻皆稱比之辭初比

而无咎二四比之貞吉皆以其比五也獨三比之匪人

而傷上比之无首而凶是三上自相為比而不比五也

如是則上六无首凶正與彖辭後夫凶應亦足以發本

義未發之旨或謂前禽指三與上三居內卦之前而比

之匪人上居外卦之前而比之无首皆為失前禽之象

亦通故
并備之

三三

乾下

小畜亨密雲不雨自我西郊

巽亦三畫卦之名一陰伏於二

陽之下故其德為巽為入其象為風為木小陰也畜止

之義也上巽下乾以陰畜陽又卦惟六四一陰上下

五陽皆為所畜故為小畜又以陰畜陽能繫而不能固
亦為所畜者小之象內健外巽二五皆陽各居一卦之
中而用事有剛而能中其志得行之象故其占當得亨
通然畜未極而施未行故有密雲不雨自我西郊之象
蓋密雲陰物西郊陰方我者文王自我也文王演易於
美里視岐周為西方正小畜之時也筮者得之則占亦
如其附錄問此卦是人上說且就陰陽上看分明巽畜乾
象云附錄可專就人上說且就陰陽上看分明巽畜乾
陰畜陽故謂之小若配之人事則為小人畜君子也得
為臣畜君也得為因小小事畜止也得不可泥定事說
時舉小畜但能畜得九三一爻而已九三是近他底那
兩爻自牽連上來淵小畜亨是說陽緣畜他不佳故陽
得自亨橫渠言易為君子謀不為小人謀凡言亨者是
說陽到得說陰處便分曉說道小人吉亨字便是下面
剛中而志行乃亨淵問密雲不雨自我西郊曰此是以
巽畜乾巽順乾健畜他不得故不能雨凡雨者陰氣盛

凝結得密故溫潤下降為雨且如飯甑蓋得密了氣鬱
不通四面方有濕汗今乾上進一陰止他不得所以象
中云上往也是指乾欲上進之象到上纂註蔡氏曰密
九畜極則散遂為既雨既處矣時舉纂註雲四也戎
亦謂四郊陰方雲自西而東陰先倡也故雲雖密而
不雨程子曰陽倡而陰和順也故和若陰先陽倡不順
也故不和不和則不能成雨雲雖密而不雨者自我
西郊故也據四而言故云自我畜陽者四畜之主也
愚謂陰陽和洽則散而為雨陰少則陽氣泄而不收小
畜一陰畜五陽是也陰多則陽氣鬱而不達小過四陰
包二陽是也故皆不能成雨初九復自道何其咎吉卦下
自二至四互兌故稱西郊初九復自道何其咎吉卦下
乾體本皆在上之物志欲上進而為陰所畜然初九體
乾居下得正前遠於陰雖與四為正應而能自守以正
不為所畜故有進復自道之附錄問此爻與四相正應
象占者如是則无咎而吉也附錄為四所畜者乃云復

自道何邪曰易有不必泥爻義看者如此爻只平看自

好復與復卦之復不同復卦言已前不見了這陽如今

復在此復自道是復他本位從九二牽復吉而九二漸

道路上去如无往不復之復淵九二牽復吉而九二漸

進於陰以其剛中故能與初九牽連九三與說輻夫妻

而復亦吉道也占者如是則吉矣九三與說輻夫妻

反目應但三亦欲上進然剛而不中迫近於陰而又非正

說輻之象然以志剛故又不能平而與之爭故為夫附

妻反目之象戒占者如是則不得進而有所爭也附

錄先生說此爻因云被他畜止不得進必與有爭自家

好然能以剛自守則雖纂註蔡氏曰夫三也妻四也三

得此爻而凶不應矣錄纂註呢四而非正反為柔制故

至反六四有孚血去惕出无咎以一陰畜衆陽本有傷

目反六四有孚血去惕出无咎

害憂懼以其柔順得正

虛中巽體二陽助之是有孚而血去惕出之象也

愚謂血陰

傷象惕多懼象下迫於三故象如此占者九五有孚

如富以其鄰巽體三爻同力畜乾鄰之象也而九五居

擊固用富厚之力而以其鄰之象以猶春秋以某附錄

師之以言能左右之也占者有孚則能如是也

問本義云巽體三爻同力畜乾鄰之象也據程傳則曰

以一陰畜五陽曰以統體言之固是以一陰畜五陽然

就九五而言則下與四比上與上連為鄰之象謂巽三

爻同力畜乾却見得自上畜下之意分明淵問小畜以

一陰而畜五陽而九五乃云富以其鄰是與六四之陰

并力而畜下三陽不知九五何故反助陰邪曰九五上

九同巽之體故助之也銖總論泰謙爻富以其鄰言有

富厚之力而能用其鄰不富以其鄰言不待富厚之力

易附錄集注

三

而能用其鄰淵上九既雨既處尚德載婦貞厲月幾望君子征

凶畜極而成陰陽和矣故為既雨既處之象蓋尊尚陰德至於積滿而然也陰加於陽故雖貞亦厲然陰既

盛而抗陽則君子亦不可以附錄小畜雖是陰畜陽到有行矣其占如此為戒深矣附錄極處和而為雨畢竟

陰制陽不順所以雖貞亦厲既雨既處言便做畜得住了做得雨後這氣畢竟便透出散了德積是說陰德

婦人雖貞亦危月幾滿便虧君子到此纂註晁氏曰昔亦行不得這是那陰陽皆不利底象淵纂註不雨者今

既雨矣昔尚往者今既處矣尚德載不至于脫輻也婦貞厲不至於反目也畜道之大成也程子曰婦貞厲謂

以陰畜陽以柔制剛婦若貞固守此危厲之道也安有婦制其未臣制其君而能安者乎丘行可曰妻者齊也

三反目則稱妻言相敵也婦者順也上既雨則稱婦言相順也總論六爻蔡氏曰小畜下三爻受畜者也上三

文為畜者也四柔下畜三剛本難也而得五與合志故
畜得佳五又得四為畜主四五相與而後能畜至上九
則小畜之愚謂既雨畜極而通象既處上象婦巽象
道成矣婦之所尚在於德之能載今乃居上而以

畜制為事當小畜之時雖為得正亦危道矣月陰象幾
望陰浸盛而敵陽此時君子亦不可以有行也尚德載
婦貞厲此為妻占月幾望君子
征凶此為夫占君子對婦言也

三三

乾上

履虎尾不咥人亨

兌亦三畫卦之名一陰見
於二陽之上故其德為說

其象為澤履有所躡而進之義也以兌遇乾和
說以躡剛強之後有履虎尾而不見傷之象附錄卦
以陰躡陽是隨後躡他如踏他脚跡相似所以云履虎
尾是隨後履他尾故於卦之三三爻發虎尾義便是陰
去躡他陽纂註蔡氏曰兌有虎象三為兌愚謂三言
背脊後處纂註終故曰尾此又一說也履虎尾是

以三履四以乾剛強為虎而四為尾也四言履虎尾是

以兌為虎而三為尾也又兌位西乾位西北由西而北

然正履乾後以柔履剛是亦為履虎尾之象初九素履

往无咎素履者在下居履之初未為物遷率其纂註曰初

處至下素在下者也陽剛之才可以上進若安其卑下

之素而往則无咎矣夫人不能自安於貧賤之素則其

進也乃貪躁而求動求去乎貧賤非欲有為也既得其

進驕溢必矣故往則有咎賢者則安履其素其處也樂

其進也將有為也故得其進則有為而无不善乃守其

素履者也安履其素而往者非苟利也獨行其願耳若

欲貴之心與行道之心交九二履道坦坦幽人貞吉剛

戰于中豈能安履其素也

在下无應於上故為履道平坦幽獨守貞附錄道即路

之象幽人履道而過其占則貞而吉矣

附錄也伊川

說履道坦
纂註程子曰九二居柔寬裕得中其所履坦

亦必幽靜安恬之人處
六三眇能視跛能履履虎尾

人凶武人為于大君
乾必見傷害故其象如此而占者

凶又為剛武之人得志而肆暴
纂註蔡氏曰眇跛爻柔

也徐古為曰卦有兌五體有異離離為目異多白眼故

有眇能視象巽為股兌為毀折故有跛能履象兌終有

虎尾象兌為口有咥人象互體巽為躁卦愚謂武人

柔為成卦之主而統五剛有武人為大君之象或曰六

三陰柔非武人之象不知陽類多是寬和仁厚底人陰

主殺陽之氣溫厚陰之氣嚴凝也九四履虎尾愬愬終

吉

然以剛居柔故能不戒懼而得終吉

愚謂卦爻之辭

三卦辭不咥人亨九四愬愬終吉獨六三咥人凶者蓋

說而履乾剛之後非決行不顧者故不咥人亨所以爻言

三正當兌口以柔爻而臨剛位和說之體不具所以咥

人凶四位雖不正然以剛履柔剛不至九五夬履貞厲

於強暴所以能戒懼而終吉故不同也九五夬履貞厲

九五以剛中正履帝位而下以兌說應之凡事必行无

所疑礙故其象為夬決其履雖使得貞亦危道也故其

占為雖貞而附錄夬決也夬履是做得忒快雖合履底

危為戒深矣附錄也有危厲淵叔重問彖言剛中正履

帝位而不疚此是指九五而言然爻則云夬履貞厲與

彖相反何也曰九五是以剛居上下臨柔說之人故決

然自為而无所疑不自纂註程子曰五以陽剛乾體居

知其過於剛耳時舉纂註至尊之位任其剛決而行

者也。知此則雖得正猶危厲也。古之聖人居天下之尊
明足以照剛足以決勢足以專然而未嘗不盡天下之
議雖蒞蕘之微必取乃其所以為聖也。履帝位而光明
者也。若自任剛明決行不顧雖使得正亦危道也可固
守乎有剛明之才苟專自任上九視履考祥其旋元吉
猶為危道況剛明不足者乎。上九視履考祥其旋元吉
視履之終以考其祥。周旋无虧則得附錄視履考祥居
元吉占者禍福視其所履而未定也。附錄履之終視其
所履而考其祥。做得周備底則大吉若是半截時无由
考得其祥。後面半截却不好未可知。旋是那團旋來却
到那起頭處淵。

三三

坤乾上

泰小往大來吉亨

泰通也為卦天地交而二氣通故為泰正月之卦也

小謂陰大謂陽言坤往居外乾來居內又自歸妹來則
六往居四九來居三也占者有陽剛之德則吉而亨矣

初九拔茅茹以其彙征吉

三陽在下相連而進拔茅連茹之象征行之吉也占者陽

剛則其征吉矣郭璞洞林讀至彙字絕句下卦放此

附錄

拔茅茹者物象也以九其彙者人也道夫

二包荒用馮河不遐遺朋亡得尚于中行

九二以剛居柔在下之中

上有六五之應主乎泰而得中道者也占者能包容荒穢而果斷剛決不遺遐遠而不昵朋比則合乎此爻中

行之附錄

包荒使用馮河不遐遺便朋亡意只如此念成纂註蔡氏曰荒遠也

謂勇者包荒所包者遠也用馮河勇者亦用也不遐遺謂自近至遠也朋亡謂不獨用其朋類也包荒與不遐

遺似而不遐遺實也用馮河與朋亡似而朋亡廣也其於地則无所不周於人則无所不用所以為泰也尚與

尚公主之尚同中行五也泰之六九三无平不陂无往爻惟此以剛居中故備泰之道

不復艱貞无咎勿恤其孚于食有福將過乎中泰將極

恤憂也孚所期之信也戒占附錄問泰卦无平不陂无
者艱難守貞則无咎而有福附錄往不復與城復于隍
因言否泰相乘如此聖人因以垂戒曰此亦事勢之必
然治久必亂亂久必治天下无久而不變之理子善遂
言天下治亂皆生於人心治久則人心放肆故亂因以
生亂極則人心恐懼故治由此起曰固是生於人心然
履其運者必有變化持守之道可也如明皇開元之治
自是好了若但能把捉不至如天寶之放肆則後來亦
不應如此狼狽銖因言觀聖人立象係辭當好時便
有戒懼收斂底意當不好時便須有艱難守貞底意微
首徹尾不過敬而已卦中无全好者亦无全不好者大
率敬則好不敬則不好先生領之銖勿恤其孚只作一
句讀字只是信此言勿恤後來信與不纂註蔡氏曰孚
信義剛于食有福如食舊德之食破

食享也居三之時艱苦剛貞不可以時之將陂而怠其
心乃可无咎勿恤其孚又不可以陰之必復而動其心
邱行可曰孚指六四不戒以孚之孚言不可以三陰之
將復而動其慮惟嚴於自守以防之則庶幾長享所有
之福矣徐古為曰小人之所以勝君子者非乘其怠則
攻其隙艱則无怠之可乘貞則无隙之可攻如此則可
以无咎可以勿憂其孚矣或曰陰陽交運否泰相仍時
勢然也雖艱貞勿恤如之何曰平陂往復者天運之不
能无艱貞勿恤者人事之所當盡天人有一接之天運以
其交履其會者必有變化持守之道若一接之天運以
為无預於人事則聖
人之易可无作矣
六四翩翩不富以其鄰不戒以孚
已過乎中泰已極矣故三陰翩然而下復不待富而其
類從之不待戒令而信也其占為有小人合交以害正
道君子所當戒也陰虛陽實附錄不富以其鄰言不待
故凡言不富者皆陰爻也

鄰也纂註徐氏曰先儒有言從善如登從惡如崩言為

固升亦必引翼扶持而後進陰性本下不待六五帝乙

招麾呼號而相與就下已有不可禦之勢矣

歸妹以祉元吉

以陰居尊為泰之主柔中虛已下應九

得此爻占者如是則有祉而元吉矣凡經愚案泰六

以古人為言如高宗箕子之類者皆放此五與歸妹

六五爻同有帝乙歸妹之辭或曰泰三四爻互易則為

歸妹泰之五即歸妹之五也故其辭同如无妄大畜說

牛損益說龜夬姤說臂无膚既濟未濟說鬼方此皆是

反對卦爻取義无妄之三即大畜之四損之五即益之

二夬之四即姤之三既濟之三即未濟之四是一例也亦通故併記之上六城復于隍勿

用師自邑告命貞吝

泰極而否城復于隍之象戒占者

不免於附錄城隍邑皆土纂註程子曰掘隍土積累以

泰及泰之終將反于否如城土頽圯復反于隍也徐氏

曰古之人君有處泰之道既泰忽安逸而不戒卒至於

喪師敗國窮守一邑而播告之脩不能及遠雖貞

固自保卒貽千古之羞者蓋不知此爻之義也

三三坤上否之匪人不利君子貞大往小來否閉塞也

也正與泰反故曰匪人謂非人道也其占不利於君子

之貞道蓋乾往居外坤來居內又自漸卦而來則九往

居四六來居三也或疑之匪人三字衍文纂註劉氏曰

由比六三而誤也傳不特解其義亦可見纂註否塞之

時雖不利君子之貞而君子之貞不可无也守此不變

時之否道之亨也故曰國有道不變塞焉國无道至死

不變然後初六拔茅茹以其彙貞吉亨三陰在下當否

足為君子初六拔茅茹以其彙貞吉亨之時小人連類

而進之象而初之惡則未形也故戒其貞
則吉而亨蓋能如是則變而為君子矣
附錄拔茅茹
這是吉凶未判時若能於此改變時小人
便做君子君子小人只是箇貞不貞淵
六二包承小

人吉大人否亨

陰柔而中正小人之吉道也故包容承順乎君

是則吉大人則當安守其否而後道亨
蓋不可以彼包承於我而自失其守也
附錄包承也是
承順底意思學蒙橫渠說易為君子謀不為小人謀蓋
自太極一判而來便已如此了曰論其極是如此然小
人亦具此理只是他自反悖了君子治之不過即其固
有者以正之而已易中亦有時為小人謀如包承小人
吉大人否亨言小人當否之時能包承君子纂註蔡氏
則吉但此雖為小人謀乃所以為君子謀也
包
者爻之柔承者位中
愚謂指大人為五正與五爻大
而應也大人五也
人相合蓋二與五應而包承之

五不惑其包承自守不失

六三包羞

以陰居陽而不中

則身雖否而道自亨也

附錄

包羞是有意傷善而

以其未能也故為包羞之象然

附錄

未能之意他六二尚

多羞恥淵六三所以不能害君子然

附錄

亦是被他陽壓了但

包羞而已包羞是他做得不好

九四有命无咎疇離祉

否過中矣將濟之時也九四以陽居陰不極其剛故其

占為有命无咎而疇類三陽皆獲其福也命謂天命

附錄

否已過中上三爻是說君子言君子有天命而无

得一箇幸會方能

纂註

徐氏曰陰往陽來天之常道否

轉禍為福文蔚

已過中泰復來也離麗也否九

四有命即泰九三无平不陂无往不復之

義言陰陽往來泰否反復天運固如此也**九五休否大**

人吉其亡其亡繫于苞桑

陽剛中正以居尊位能休時之否大人之事也故此爻之

占大人遇之則吉然又當

附錄

問看否泰二卦見得泰无不否否无不泰當泰

戒懼如繫辭傳所云也
將否之時若是有手段底則稍遲得曰自古由治而入
亂者易由亂而入治者難治世稍不支梧便入亂去亂
時須是大人休否方得學蒙銖問其亡其亡繫于苞桑
曰有戒懼危亡之心則便有苞桑係固之象蓋能戒懼
危亡則如係苞桑堅固不拔矣如此說則象占纂註程
乃有收殺非是其亡其亡而又係于苞桑也銖纂註子
曰大人當位能以其道休息天下之否循致於泰猶未
離於否也故有其亡之戒不可便為安肆當深慮遠戒
常虞否之復來曰其亡矣其亡矣其繫于苞桑謂為安
固之道如維繫于苞桑也漢王允唐李德裕不知此戒
所以致上九傾否先否後喜以陽剛居否極能傾時之
禍敗

附錄

人得志時然大抵易為君子謀且如否內三爻是小

此三雖做得些箇也不濟事到四便說君子得時否漸

次反泰底道理五之苞桑上之傾否到這裏便傾了否

做泰淵陰之與陽自是不可相无者今以四時寒暑而

論若是无陰陽亦做事不成但以善惡及君子小人而

論聖人直是要消盡了惡去盡了小人蓋亦抑陰進陽

之義某於坤卦亦曾畧發此意今有一樣人議論謂君

子小人相對小人不可大故去他則反激其禍且如舜

舉皋陶湯舉伊尹不仁者遠所謂去小人非必盡滅其

類只是君子道盛小人自化雖有些少无篡註程子曰

狀處亦不敢發出來豈必勦滅之乎文蔚纂註物理極

而必反故否極則泰上九否既極矣否道傾而變也先

極否也後傾喜也否傾則泰矣後喜也又曰反危為安

易亂為治必有陽剛之才而後能故否之

上九則能傾否屯之上六則不能變屯也

三三

離上

同人于野亨利涉大川利君子貞

離卦亦三畫

陰麗於二陽之間故其德為麗為文明其象為火為日
為電同人與人同也以離遇乾火上同于天六二得位
得中而上應九五又卦惟一陰而五陽同與之故為同
人于野謂曠遠而無私也有亨道矣以健而行故能涉
川為卦內文明而外剛健六二中正而有應則君子之
道也占者能如是則亨而又可涉險然必其所同合於
君子之道
乃為利也
纂註
蔡氏曰野曠野之地乾象初九同人
于門无咎
同人之初未有私主以剛在下上附錄一
无係應可以无咎故其象占如此
父皆具二義吉者苟不如此則凶者苟不如此則吉
如同人于門須是出自門去與人同則无咎若以人從
欲則凶
纂註
蔡氏曰門二也同人之始出門即遇二故有此
必大
遠近廣狹之情故无咎進即遇二故有此

象丘行可曰兩戶為門陰畫偶有門之象同人隨之初九節之九二皆前遇偶故謂之門一扇為戶陽畫奇有戶之象節之初九亦前遇奇

六二同人于宗吝

宗黨也

故謂之戶戶一而門二也
中且正然有應於上不能大如同而附錄時把陰為主如有
係於私吝之道也故其象占如此
同人於是也然此一陰雖是一卦之主又却柔弱做主不得
得砥銖問六二與九五葉剛中正上下相應可謂盡善
却有同人于宗吝與先號咷之象曰以其太好的者時
位相應意趣相合只知款密却无至公大同之心未免
係於私故有吝觀二人同心其利斷金同心之言其臭
如蘭固是他好處猶有失以其係於私睭而不能同也
大凡悔者自凶而趨吉
吝者自吉而趨凶銖
纂註
蔡氏曰宗謂二與
五本應故曰宗
九三伏

戎于莽升其高陵三歲不興

剛而不中上无正應欲同於二而非其正懼九五之

見攻故附錄九三只是伏于高陵之草莽中三歲不敢
有此象出與九四乘其墉皆為剛盛而高三歲不敢
二懼五見攻故升高伏戎欲敵之五剛不可奪故三歲
不興而象曰不能行也銖問三四皆有爭奪之義何也
曰只是爭六二一久凡易之情近而不相得則凶六二
與九五相應三以剛居剛則便迷而不反四以剛居柔
便有反側底道理初上則在事纂註程子曰卦惟一陰
外不相干涉所以無爭必大
以中正與五應三以剛強欲奪而同之然理不直義不
勝故不敢顯發伏藏兵戎于林莽中懷惡而內負不直
故又畏懼時升高陵以顧望如此至於三歲之久終不
敢興此又深見小人之情狀然不曰凶者以不敢發故
未至於愚謂戎兵戎離象三居上卦之下有伏象
凶也居下卦之上有升高陵象位三有三歲象九

四乘其墉弗克攻吉

剛不中正又無應與亦欲同於六
二而為三所隔故為乘墉以攻之

象然以剛居柔故有自反而不克攻之
象占者如是則是能改過而得吉也
纂註 蔡氏曰壙

近五之地乘其壙才剛欲
九五也弗克攻志弱也
九五同人先號咷而後笑大

師克相遇

而五剛中正二以柔中正相應於下同心者也
而為三四所隔不得其同然義理所同物不

得而間之故有此象然六二柔弱而三四
剛強故必用大師以勝之然後得相遇也
附錄 銖問二

為三四所隔故先號咷
師克相遇則後笑曰然
上九同人于郊无悔
居外无應

然亦可以无悔故其象占如此郊在野
之內未至於曠遠但荒僻无與同爾
附錄 同人大于野

我之意同于郊是无可與同
蔡氏曰國外曰郊
郊外曰野雖在卦

上猶未出乎
愚嘗疑此爻之旨而以諸爻例觀之初
卦也故曰郊
二五上皆稱同人獨三四不言同而曰

伏戎不興乘墉弗克攻此則无與之同者也二之同宗而吝五之師克而同一不免於吝一不免於用師則於至公自然之道尚有可議者若初之同人于門上之同人于郊郊對門而言卦之首末可見曰无咎則同人之初已无疵之可咎曰无悔則同人之終又无過之可悔此皆同人之善者也今本義以為无可與同以其无應而言耳然上虽无應之可同而又辭實有同人之義況初九一爻亦无應此例可推姑記其說于此

三三

乾下離上

大有元亨

大有所有之大也離居乾上火在天上无所不照又六五一陰居尊

得中而五陽應之故為大有乾健離明居尊愚謂易應天有亨之道占者有其德則大善而亨也以陽為大凡卦稱大皆以陽得名大有以一陰統五陽大畜以一陽畜三陽大過四陽過盛於中大壯四陽壯長於下皆名之初九无交害匪咎艱則无咎雖當大有之時然曰大也初九无交害匪咎艱則无咎以陽居下上无係

應而在事初未涉乎害者也何咎之有然附錄易之書

亦必艱以處之

則无咎戒占者宜如是也

大抵教

人戒謹恐懼无有以爲易而處之者雖至纂註蔡氏曰

易之事亦必以艱難處之

然後无咎憫

纂註

交即應

之謂五之交如是也大有所去五遠而非應无交也

故有害之者害非已致故曰匪咎艱難處之其咎可无

徐氏曰先師從橫渠之說蓋六五柔得尊位爲大有之

主或應或近未見其有害者故六五曰厥孚交如二應

於五三亨於五

四與上近五遠而无交者惟初而已獨

无得乎五是以无交而有害也世之君子固有當時之

盛乃獨窮而在下

不獲乎上患難之來有所不免九二

亦惟修身補過以俟之耳是不失此爻之義也

大車以載有攸往无咎

剛中在下得應乎上爲大車以

咎矣占者必有此纂註蔡氏曰大車二也載謂載五也

德乃應其占也

剛健居中而應五故有大車以

德乃應其占也

纂註

剛健居中而應五故有大車以

載之象 九三公用亨于天子 小人弗克

亨春秋傳作亨謂朝獻也古者亨通

之亨亨獻之亨烹飪之烹皆作亨字九三居下之上公侯之象剛而得正上有六五之君虛中下賢故為亨于天子之象占者有其德則其占如是小附錄古文无享人无剛正之德則雖得此爻不能當也

附錄亨字亨烹

只通用如公用亨于天子解作亨字便不是學蒙此亨字已有左氏所引可證如隨之王用亨于西山亦是祭

享之享愚案春秋傳曰晉文公將納王使卜偃筮之无疑遇大有之睽曰吉遇公用亨于天子之卦戰

克而王享吉孰大焉則九四匪其彭无咎

彭字音義未詳程傳曰盛

是卜偃時已讀為享矣

貌理或當然六五柔中之君九四以剛近之有僭偏之嫌然以其處柔也故有不極其盛之象而得无咎戒占者宜如纂註程子曰九四居大有之時已過中矣是大是也

是也

之道匪其彭則得无咎謂能謙損不處其太盛也彭盛多貌詩載行人彭彭行人盛多之狀大明駟驥彭彭

言武王戎馬之盛也六五厥孚交如威如吉大有之世柔順而中

九二之賢而上下歸之是其孚信之交也然君道貴剛太柔則廢當以威濟之則吉故其象占如此亦戒辭也

纂註程子曰虛中為孚信之象當大有之時人心安易若專尚柔順則陵慢生矣故必威如則吉既以柔

和孚信接下衆志說從又以威嚴愚謂六五位剛上使之畏善處有者也吉可知矣故有威如之象上

九自天祐之吉无不利大有之世以剛居上而能下從六五是能履信思順而尚賢也

滿而不溢故附錄五之交孚信也而上能履之謙退不其占如此附錄居思順也志從於五尚賢也天之所

助者順人之所助者信所以有自天祐之吉无不利之象若元繫辭此數句此爻遂无收殺以此見聖人讀易

見久辭有不分明處則於
繫辭傳說破如此類是也

三三

艮下坤上

謙亨君子有終

謙者有而不居之義止乎內而順乎外謙之意也山至高

而地至卑乃屈而止於其下謙之象也占者如附錄便

是則亨通而有終矣有終謂先屈而後伸也

能亨又為君子纂註徐氏曰君子有終主九三而言九有終之象淵

曰有終又諸卦初六謙謙君子用涉大川吉以柔處下三爻多言終

君子之行也以此涉難何往不纂註程子曰自處至謙濟故占者如是則利以涉川也

涉險難亦无患害况居愚謂前有互體之六二鳴謙平易乎何所不吉也坎故以大川言

貞吉

柔順中正以謙有聞貞而附錄鳴謙在六二又言且吉者也故其占如此

須得其貞則吉蓋六二以陰處陰所以戒他要貞謙而不貞則近於邪佞上六之鳴却不同處謙之極而有聞則失謙本意蓋謙本不要人知況在九三勞謙君子有

終吉

卦唯一陽居下之上剛而得正上下所歸有功勞而能謙尤人所難故有終而吉占者如是則如其

應纂註

程子曰古之人有當之者周公是也貞當天之大任上奉幼弱之主謙恭自牧變變如畏然

可謂有勞愚謂三居互體坎中故稱勞說卦亦曰坎而能謙矣勞卦也九三以一陽爻為成卦之主故爻

辭與六四不利撝謙

柔而得正上而能下其占无不利矣然居九三之上故戒以更

當發揮其謙以示纂註

程子曰撝施布之象如人手之不敢自安之意也動息進退必施其謙蓋居

多懼之地人在

六五不富以其鄰利用侵伐无不利

以

居尊在上而能謙者也故為不富而能以其鄰之象蓋從之者衆矣猶有未服者則利以征之而於他事亦无不利人有是德附錄伐行師曰老子言大國以下小國則如其占也勝矣孫子曰始如處女敵國則取大國言抗兵相加者大抵謙自是用兵之道只退謙亦極矣自宜人人服之也蓋自初六積到六五上六謙亦極矣自宜人人服之尚更不服則非人矣故利用侵伐也又曰坤上六鳴謙為地為衆凡說國邑征伐處多是因坤文蔚利用行師征邑國

謙極有聞人之所與故可用行師然以其質柔而无位故可以征已之邑

國而附錄

上六取象行師有坤處多言師如泰上六城復于隍勿用師之類坤為土土為國故云征

邑國也砥

愚謂謙一卦六爻下三爻皆吉而无凶上三爻皆利而无害易中吉利罕有若是純全者謙之

效固如此然艮體稱吉而坤體稱利者靜則多吉順則多利也

三三

震上

豫利建侯行師

豫和樂也人心和樂以應其上九四一陽上下應之其

志得行又以坤遇震為順以動故其纂註蔡氏曰侯震卦為豫而其占利以立君用師也

有君道故屯利建侯亦取震象師坤也易言用師皆取坤象丘行可曰屯有震无坤則言建侯而不言行師謙

有坤无震則言行師而不言初六鳴豫凶陰柔小人上建侯此合震坤成卦故兼之

主事故不勝其豫而以自鳴凶之道也故其占如此卦之得名本為和樂然卦辭為衆樂之義爻辭除九四與

卦同外皆為自樂纂註程子曰鳴六二介于石不終日所以有吉凶之異

貞吉

豫雖主樂然易以溺人溺則反而憂矣卦獨此爻中而得正是上下皆溺於豫而獨能以中正自守

其介如石也其德安靜而堅確故其思慮明審不俟終
日而見凡事之幾微也大學曰安而後能慮慮而後能
得意正如此占者纂註蔡氏曰坤體居中靜之至者又
如是則貞而吉矣纂註與四无係介然自守不流於豫
石者安靜之象故取以為象程子曰豫之時獨能以中
正惟六二中正无應為自守之象當豫之時獨能以中
正自守可謂特立之操是其節介于石之堅也介于石
其介如石也人於豫樂心說之故遲遲遂至於耽戀不
能已二以中正自守其介如石其去之速不俟終日故
貞正而吉也處豫不可安且久也久則溺矣如二可謂
見幾而作者也張舜六三盱豫悔遲有悔盱上視也陰
文曰互體艮有石象六三盱豫悔遲有悔不中正而近
於四為卦主故六三上視於四而下溺於豫宜有悔
者也故其象如此而其占為事當速悔若悔之遲則必
有悔附錄盱豫悔言觀著六四之豫便當速悔遲時便
也附錄有悔淵問上視於四而下溺於豫未曉曰趨

時附勢以得富貴而九四由豫大有得勿疑朋盍簪

四九

自以為樂者也道夫

卦之所由以為豫者也故其象如此而其占為大有得

然又當至誠不疑則朋類合而從之矣故又因而戒之

簪聚也附錄由豫猶言由頤淵四以震體之陽為陰主

又速也附錄如大臣轉天下之危為安上無為而下佚

樂故曰纂註徐氏曰大剛也一剛而得五柔故曰大有

豫學蒙纂註得居位非正故有疑朋謂眾柔邱行可曰

盍合也簪聚也簪筭屬所以聚髮也卦六五貞疾恒不

五柔爻皆斷一剛爻獨連故以簪為象六五貞疾恒不

死當豫之時以柔居尊沈溺於豫又乘九四之剛眾不

附而處勢危故為貞疾之象然以其得中故又為恒

不死之象即象而纂註程子曰權之所主眾之所歸皆

觀占在其中矣纂註在於四四陽剛得眾非耽惑柔

弱之君所能制乃柔弱不能自立之君受制於專權之

臣也居得君位貞也受制於下疾也六居尊位權雖失

而位未亡故云貞疾恒不上六冥豫成有渝无咎

以陰柔居

豫極為昏冥於豫之象以其動體故又為其事雖成而能有渝之象戒占者如是則能補過而无咎所以廣遷善之纂註總論六爻丘行可曰豫以九四一爻為主其門也由豫以衆陰由已而豫也在他又皆以不從四為善初應則鳴豫凶三比則盱豫悔五乘則貞疾恒不死上同震體亦不免於冥豫而後有渝焉惟六二一爻陰柔中正與四无係獨能介于石不終日而貞吉豫之不可溺也如此徐氏曰豫有三義曰和豫曰逸豫曰備豫象所言和豫也六爻所言逸豫也豫備不虞卦爻无此義傳曰重門擊柝以待暴客益取諸豫此備豫也

三三

震下

隨元亨利貞无咎

隨從也

困卦九來居初又自噬嗑

變言之本自

九來居五而自未濟來者兼此二變皆剛來隨柔之義以二體言之為此動而彼說亦隨之義故為隨已能隨物物來隨已彼此相從其通易矣故其占為元亨然必利於貞乃得无咎若所隨不貞則雖大亨而不免於有咎矣春秋傳穆姜曰有是四德隨而无咎我皆无之豈隨也哉今案四德雖非本義然其下云云深得占法之意纂註程子曰隨之道可以致大亨也君子之道為衆

其道則可以致大亨也凡人君之從善臣下之奉命學者之從義臨事而從長皆隨也隨之道利在於貞正隨得其正然後能大亨而无咎初九官有渝貞吉出門交失其正則有咎矣豈能亨乎初九官有渝貞吉出門交有功卦以物隨為義爻以隨物為義初九以陽居下為震之主卦之所以為隨者也既有所隨則有所偏主而變其常矣惟得其貞則吉又當出門以交不附錄私其隨則有功也故其象占如此亦因以戒之附錄

問官是主字之義是一卦之主首變得貞便吉不貞便凶曰是如此又曰這是變了只是要出門交便有功砥

纂註

蔡氏曰門二也徐氏曰二居中得正初隨之而不失其正則有功也程子曰人心所從多所親愛者

也常人之情愛之則見其是惡之則見其非故妻孥之言雖失而多從所憎之言雖善而為惡也苟以親愛而隨之則是私情所與豈合正

六二係小子失丈夫

初陽在下

而近五陽正應而遠二陰柔不能自守以附錄係小子須正應故其象如此凶吝可知不假言矣

附錄

失丈夫

程傳纂註程子曰二應五而比初隨先於近柔不能固是淵纂註守故為之戒云若係小子則失丈夫也初陽

在下小子也五正應在上丈夫也二若志六三係丈夫係於初則失九五之正應是失丈夫也

失小子隨有求得利居貞

丈夫謂九四小子亦謂初也三近係四而失於初其象與

六二正相反四陽當任而已隨之有求必得然非正應故有不正而為邪媚之嫌故其占如此而又戒以居貞也纂註程子曰四亦无應无隨之者近得三之隨必與非理枉道以隨於上苟取愛悅以遂所求乃小子邪諂趨利之為也故云利居貞自處於正則所謂有求而必得者乃正事九四隨有獲貞凶有孚在道以明何咎以剛居上之下與五同德故其占隨而有獲然勢凌於五故雖貞而凶唯有孚在道而明則上安而下從之可以无咎也占者當九五孚于嘉吉陽剛中正下應中正時之任宜審此戒九五孚于嘉吉是信于善也占者如是其吉上六拘係之乃從維之王用亨于西山居隨之宜矣固結而不可解者也誠意之極可通神明故其占為王用亨于西山亨亦當作祭享之享自周而言岐山在西

凡筮祭山川者得之 愚謂當隨之世陰柔不能自立
其誠意如是則吉也 必附陽而後能有立故三陰爻
皆言係取依係於人而能立之象
如是則一卦取陰隨陽之義為多

三三

巽上艮

蠱元亨

利涉大川

先甲三日後甲三日

蠱壞

有事也其卦艮剛居上巽柔居下上下不交下卑巽而
上苟止故其卦為蠱或曰剛上柔下謂卦變自賁來者
初上二下自井來者五上上下下自既濟來者兼之亦剛
上而柔下皆所以為蠱也蠱壞之極亂當復治故其占
為元亨而利涉大川甲日之始事之端也先甲三日辛
也後甲三日丁也前事過中而將壞則可自新以為後
事之端而不使至於大壞後事方始而尚新然更當致
其丁寧之意以監其前事之失而不使至於速壞聖人
之戒附錄上頭底只管剛下頭底只管要柔又只巽順
深矣附錄事事不向前下卑巽而上苟止安得不蠱舊

聞趙德莊如此說必大皿蟲為蠱言器中盛那蟲教它
自相併便是積畜到那壞爛底意思一似漢唐之衰弄
得來到那極弊則將復治故言元亨淵纂註程子曰既蠱則
亨蓋極弊則將復治故言元亨淵纂註有復治之理自
古治必因亂亂則開治理自然也則能致元亨也甲數
之首事之始也治蠱之道當思慮其先後三日推原先
後為救弊可久之道先甲謂先於此究其所以然也後
甲謂後於此慮其將然也一日二日至於三日言慮之
深推之遠也究其所以然則知救之之道慮其將然則
知備之方善救則前弊可革善備則後利可久此古
之聖王所以新天下而垂後世也後之治蠱者不明聖
人先甲後甲之誠慮淺而事近故勞於救亂而亂不革
功未成而初六幹父之蠱有子考无咎厲終吉幹如未
弊已生矣初六幹父之蠱有子考无咎厲終吉之辭枝
葉之所附而立者也蠱者前人已壞之緒故諸爻皆有
父母之象子能幹之則飭治而振起矣初六蠱未深而

事易濟故其占為有子則能治蠱而考得无咎然附錄

亦危矣戒占者宜如是又知危而能戒則終吉也

問有子考无咎與意承考之考皆是指父在父在而得

云考何也曰古人多通言如康誥大傷厥考心可見錄

纂註程子曰子幹父蠱之道能堪其事則為有子而考

處卑而尸尊事自當九二幹母之蠱不可貞上應六五

兢畏則可以終吉

子幹母蠱而得中之象以剛乘柔而治其附錄幹母之

壞故又戒以不可堅貞言當巽以入之也

是纂註程子曰子之於母當以柔巽輔導之使得於義

植纂註不順而致敗蠱則子之罪也從容將順豈无道

乎若伸已陽剛之道遽然矯拂則傷恩所害大矣安能

入乎在乎屈已下意巽順將承使之身正事治而已故

曰不可貞謂不可貞固盡其九三幹父之蠱小有悔无

剛直之道如是乃得中道也

大咎

過剛不中故小有悔纂註程子曰三以陽處剛而

巽體雖剛過而不為无順順事親之本也又居得正故无大過以剛陽之才克幹其事雖以剛過而有小小之悔終无大過咎也然有六四裕父之蠱往見吝以陰居小悔已非善事親也

六四裕父之蠱往見吝

以陰居

有為寬裕以治蠱之象也如是則蠱將附錄三四兩爻日深故往則見吝戒占者不可如是也附錄三四兩爻最分明九三有悔而无咎由凶而趨吉也六四雖目下无事然却終吝由吉而趨凶也元祐間劉華老劉器之之徒必欲盡去小人却是未免有悔至其他諸公欲且寬裕无事莫大段整頓不知目前雖遮掩拖延得過後面憂吝却多可以纂註劉壽翁曰強以立事為幹急而見聖人之深戒錄纂註委事為裕事弊而裕之弊益甚矣蓋六四體艮之止而又位俱柔夫貞固足以幹事今止者急柔者懦怠且懦皆增益其蠱者也持是以往吝

道也安能治蠱邪

六五幹父之蠱用譽

柔中居尊而九二承之以德以此幹蠱可致聞

譽故其象占如此

纂註

程子曰五居尊位以陰柔之質下應九二陽剛之臣而倚任之然已實陰柔故

不能為創始開基之事承其舊業則可矣故為幹父之蠱夫創業垂統之事非剛明之才則不能繼世之君雖

柔弱之資苟能任剛賢則可以為善繼而上九不事王成令譽也太甲成王皆以臣而用譽者也

侯高尚其事

剛陽居上在事之外故為此附錄

不事王

侯无位

之地如何出得來便幹箇甚麼柄問占與戒皆在其中曰有此事則其占如此又戒其必如此乃可也若得此

象而不能從則有凶矣當此時節若能斷然不事王侯高尚其事不半上落下或出或入則其志貞可法則矣

只為人不能如此也

纂註

徐氏曰陽剛居上下無應與又居艮體在事之外故為不事王侯高尚其

事之象程子曰賢人君子不偶於時而高潔自守不累於世務則自善其身尊高敦尚其事守其志節而已士之自高尚亦非一道有懷抱道德不偶於時而高潔自守者有知止足之道退而自保者有量能度分安於不求知者有清介自守不屑天下之事獨潔其身者所處雖有得失小大之殊皆自高尚其事者也總論六爻蔡氏曰蠱者壞極而有事也前事既壞後事必飭猶父沒則子當繼之故取家事為象然為家之道貴剛柔得中過於剛則悔過於柔則吝故九三有悔六四見吝也初六九二六五上九或位剛爻柔或位柔爻剛剛柔相濟皆得治蠱愚謂蠱以父母取象者家之蠱乃前人已之道者也壞之事卦之蠱由巽艮而成則巽艮有父母致蠱之象矣爻則逐爻取義故皆以子幹蠱為言上獨不取子象者以幹至五而用譽无復蠱之可幹故又取不事王侯之象諸爻中幹父者凡四幹母者惟一又見母道巽順猶為未害父乃止而不為其弊有不可勝

言者

三三

坤兌上下

臨元亨利貞至于八月有凶

臨進而凌逼於物也二陽浸長

以逼於陰故為臨十二月之卦也又其為卦下兌說上坤順九二以剛居中上應六五故占者大亨而利於貞

然至于八月當有凶也八月謂自復卦一陽之月至于遯卦二陰之月陰長陽遯之時也或曰八月謂夏正八

月於卦為觀亦臨之反附錄問臨字不特是上臨下之對也又因占而戒之

臨曰然學蒙問八月有兩說孰長曰前說是周正八月後說是夏正八月恐文王繫卦時只用周正紀之不可

知也纂註蔡氏曰臨與遯反臨為建丑之月則遯為建

未之月也自臨之初爻至遯之二爻在卦經八爻於月經八月剛柔皆變臨盡消矣故曰至于八月有凶程子曰二陽方長於下陽道嚮盛之時聖人豫為

之戒曰陽雖方盛至於八月則其道消矣是有凶也
率聖人為戒必於方盛之時方盛而慮衰則可以防其
滿極而圖永久若既衰而後戒亦无及矣自古天下安
治未有久而不亂者蓋不能戒於盛也方其盛而不知
戒故狃安富則驕侈生樂舒肆則綱紀壞忘初九咸臨
禍亂則釁孽萌是以浸淫不知亂之至也

貞吉

之卦唯二陽偏臨四陰故二爻皆有咸臨

九二咸臨

吉无不利

剛得中而勢上進故其占為貞吉

六三甘臨无攸利既憂

之无咎

陰柔不中而居下之上為以甘說臨人之象其占固无所利然能憂而改之則无咎也勉人

遷善為附錄

三近二陽也去臨他如小人在上位纂註却把甘言好語臨在下之君子砥

蔡氏曰爻柔而位不正兌體而迫於剛故以甘說邪佞而臨乎二也然剛長以正又豈甘說邪佞之所利也能

順剛長之正理憂懼知變不六四至臨无咎處得其位

為甘說之態雖咎亦不長也

相臨之至宜附錄初相臨得切至故謂之至砥六五知

无咎者也

臨大君之宜吉乃以柔居中下應九二不自用而任人上

六敷臨吉无咎而居卦之上處臨之終敦厚於臨吉附錄

上六敦臨自至臨積累至極處有敦篤之義艮上九亦

謂之敦艮復上六不好了所以只於五爻謂之敦復居

臨之時二陽得時上進陰不敢與之爭而志與之應象

易附錄纂註

兕

柔也三甘臨四至臨五知臨上敦臨此
上臨下柔臨剛也上下相臨所謂與也

三三

坤下巽上

觀盥而不薦有孚顒若

觀者有以中正示人而為人所仰也九五

居上四陰仰之入內順外巽而九五以中正示天下所以為觀盥將祭而潔手也薦奉酒食以祭也顒然尊敬之貌言致其潔清而不輕自用則其孚信在中而顯然可仰戒占者當如是也或曰有孚顒若謂在下之人信而仰之也此卦四陰長而二陽消正為八月之卦而名卦繫辭更取他義亦扶陽抑陰之意附錄問盥而不薦只是取未薦之時誠意渾全而未散今乃云觀盥而不薦何也曰祭祀无不薦者此是假設來說薦是用事了盥是未用事之初云不薦者言常持得這誠敬如盥之意常在若薦則是用出用出則纔畢便過了无復有初意矣詩云心乎愛矣遐不謂矣中心藏之何日忘之楚詞云愛君子兮不敢言正是此意說出這愛

見其則都无事可把持矣惟其不說但歲在中心所以常
則是聖人在上視聽言動皆當為天下法而不敢輕亦
猶祭祀之時致其潔清而不敢輕用否曰然憫伊川云
人君正其表儀以為下民之觀當莊嚴如始盥之初勿
使誠意少散如既薦之後某看觀卦意思不是如此觀
義自說聖人至德出治天下自然而化更不待用力而
下莫不觀感而化故取義於盥意謂積誠信之至但是
盥滌而不待乎薦享有孚已自顯若故彖曰下觀而化
也賀孫問四陰長而二陽消正八月之卦而名卦繫辭
不取此義何也曰只為九五中正以觀示天下事都別
了以此見易不可執一看所謂不可為典要唯變所適
也銖問觀陰盛而不言凶咎何也曰此卦取義不同蓋
陰雖盛而於九五之君乃當正位故只取為觀於下之
義而不取陰盛之象也時舉問觀觀之義曰自上示下
曰觀去聲自下觀上曰觀平聲故卦名之觀去聲六爻

之觀皆愚謂此卦四陰長二陽消名卦繫辭雖取他
平聲個義而初則稱小人且致戒於君子五上皆稱

君子无咎崇陽抑初六童觀小人无咎君子吝卦以觀
陰之意又尤可見

據九五為主也又以觀瞻為義皆觀乎九五也初六陰
柔在下不能遠見童觀之象小人之道君子之羞也故

其占在小人則无咎六二闕觀利女貞陰柔居內而觀
君子得之則可羞矣

女子之貞也故其占如此纂註徐氏曰闕門中視也陰
大夫得之則非所利矣

為應前為三四所蔽六三觀我生進退也六三居下之
所見不明闕觀之象

上可進可退故不觀九五而獨觀已所六四觀國之光
行之通塞以為進退古者宜自審也

利用賓于王六四最近於五故有此象纂註程子曰觀
其占為利於朝覲仕進也

五以陽剛中正居尊位聖賢之君也四切近之觀見其道故云觀國之光觀見國之盛德光輝也不指君之身而云國者在人君而言豈止觀其行一身乎當觀天下之政化則人君之道德可見矣利用賓于王聖明在上則懷抱才德之人皆願進於朝輔戴之以康濟天下四既觀見人君之德國家之治光華盛美所宜賓于王朝古者有賢德之人則人君賓禮九五觀我生君子无咎之故士之仕進於朝則謂之賓九五觀我生君子无咎象也故戒居此位得此占者當觀已所行必其陽剛中正亦如是焉上九觀我生君子无咎上九陽剛居尊位則得无咎也上九觀我生君子无咎之上雖不當事任而亦為下所觀故其戒辭略與五附錄其生謂言行事同但以我為其小有主賓之異耳附錄為之見於外者答呂光祖砥問觀我生觀其生之別曰我者彼我對待之言是以彼觀此觀其生是以此自觀六三之觀我生

進退者事君則觀其言聽計從治民則觀其政教可行
膏澤可下可以見自家所施之當否而為進退九五之
觀我生如觀風俗之熾惡臣民之從違可以觀自家所
施之善惡上九之觀其生則自就自家視聽言動應事
接物處自觀個觀我是自觀如視履考祥底語勢觀其
亦是自觀却從別人說易中其字不說別人只是自家
如乘其墉之類個九五上九君子无咎蓋於君子有陽
剛之德故无咎小人无此德自不當得此爻銖總論六
爻問觀六爻一爻勝似一爻豈所據之位愈高則所見
愈大邪曰上二爻意思自別下四爻是以所據之位愈
近則所見愈親
切意思學蒙

三三

震下離上

噬嗑亨利用獄

噬齧也嗑合也噬合也物有間者齧而合之也為卦上下兩陽而

中虛頤口之象九四一陽間於其中必齧之而後合故
為噬嗑其占當得亨通者有間故不通齧之而合則亨

通矣又三陰三陽剛柔中半下動上明下雷上電本自
益卦六四之柔上行以至於五而得其中是知以陰居
陽雖不當位而利用獄蓋治獄之道唯威與明而
得其中之為貴故筮得之者有其德則應其占也
纂註
程子曰聖人以卦象而比於天下之事在口則為有物
隔而不得合在天下則為有強梗或讒邪間隔其間故
不得合也當用刑法小則懲誠大則誅戮以除去之然
後天下之治得成矣至於一國一家至於萬事所以不
合者皆由有間愚謂易六十四卦彖辭惟噬嗑取象
也無間則合矣於獄者以上下兩陽而中虛有獄之
象九四一陽間於其中有獄囚之象明照而初九屨校
威震動必察情噬之使噬有利用獄之象也初九屨校
滅趾无咎初上无位為受刑之象中四爻為用刑之象
初在卦始罪薄過小又在卦下故為屨校滅
趾之象止惡於初故得无纂註蔡氏曰屨履也校械也
咎占者小傷而无咎也

以行者初象滅趾謂受刑於初所傷者小也止惡於初則小懲大戒罪過止息而不行故无咎六二噬

膚滅鼻无咎

祭有膚鼎蓋肉之柔脆噬而易嗑者六二中正故其所治如噬膚之易然以柔乘剛

故雖甚易亦不免於傷滅其纂註曰噬膚鼻體之中正鼻占者雖傷而終无咎也

者也乘剛非六二所六三噬腊肉遇毒小吝无咎

腊肉謂獸

腊全體骨而為之者堅韌之物也陰柔不中正治人而不為噬腊肉遇毒之象占雖小吝然時當噬嗑於義

為无咎附錄腊肉遇毒則是所噬者堅韌難合六三以陰咎也附錄柔不中正而遇此所以遇毒而小吝然此亦

是合當治者但難治耳九四噬乾肺得金矢利艱貞吉治之雖小吝終无咎也

肺肉之帶骨者與截通周禮獄訟入鈞金束矢而後聽之九四以剛居柔得用刑之道故有此象言所噬愈堅

而得聽訟之宜也然必利於艱附錄得金矢荆公已嘗
難貞固則吉戒占者宜如是也引周禮鈞金之說
個問不知古人獄要鈞金束矢之意如何曰這不見得
想是詞訟時便令他納此救他无切要底事不敢來又
問如此則不問曲直一例出此則實有冤枉者亦懼而
不敢訴矣曰這却須是大切要底事如平常事又別有
所纂註程子曰在噬愚案周禮秋官大司寇以兩造
在兩禁民獄入鈞金三日乃致于朝然後聽之注訟
以兩劑禁民獄入鈞金三日乃致于朝然後聽之注訟
謂以財貨相告者造至也使訟者兩至既兩至使入束
矢乃治之不至不入束矢則是自服不直者也必入束
矢者取其直也古者一弓百矢束矢其百矢與獄謂相
告以罪名者劑今券書使獄者各齎券書既兩券書使
入鈞金又三日乃治之重刑也不券書不入金則是亦
自服不直者也必入金者
取其堅也三十斤曰鈞

六五噬乾肉得黃金貞厲无

咎

噬乾肉難於膚而易於脂肺者也黃中色金亦謂鈞

有此象然必貞厲乃得附錄總論四五兩爻問九四利

无咎亦戒占者之辭也貞六五貞厲皆有艱難

貞固危懼之意故皆為戒占者之辭曰亦是爻中元有

此道理大抵纔是治人彼必為敵不是易事故雖時位

卦德得用刑之宜亦須纂註蔡氏曰貞位正也厲乘剛

以艱難貞固處之誅惡極罪大山之道也故其象

不至乎上九何校滅耳凶何負也過極之陽在卦之上

過也此如纂註總論六爻蔡氏曰噬之用在中故中四爻為

噬受噬故爻无噬辭丘行可曰初過小而在下故屢校

滅趾為用獄之始上惡極而怙終故何校滅耳為用獄

之終中四爻治獄之人然卦才剛柔不同噬之難易亦

異二以柔居柔於象為噬膚易噬者也五以柔居剛剛

柔得中於象為噬乾肉比噬膚則難矣三柔中有剛肉
藏骨之象故曰噬腊肉比乾肉又難也四剛中有柔骨
聯肉之象故曰噬乾肺肺則骨大於腊噬之最難者也
此中四爻之別也然二滅鼻三過毒四艱貞五貞厲者
言治獄之道當致愚謂以全體言九四為一卦之閒
謹而不可輕也則受噬者在四象辭利用獄是刑
四也以六爻言則受噬者在初上故初上皆受刑四反
為噬之主與三陰爻同噬之象爻取象有不同如此爻
中稱腊稱乾皆離象
故說卦曰離為乾卦

三三

艮離上

賁亨小利有攸往

賁飾也卦自損來者柔自
三來而文二剛自二上而

文三自既濟而來者柔自上來而文五剛自五上而文
上又內離而外艮有文明而各得其分之象故為賁占
者以其柔來文剛陽得陰助而離明於內故為纂註徐
亨以其剛上文柔而艮止於外故小利有攸往纂註氏

曰有質必有文質者本也文者所以責飾之也責以剛
柔往來交錯為文而成卦而剛大柔小乾剛為質於內
而柔來文之本剛得柔大者通矣又六二中正得位无
往不通故亨坤柔為質於外而剛往文之本柔得剛小
者利初九責其趾舍車而徒剛德明體自責於下為舍
非道之車而安於徒步之
象占者自處纂註程子曰趾取在下而所以行也君子
當如是也脩飾之道正其所行守節處義其行
不苟義或不當則舍車輿而寧徒六二責其須二以陰
柔居中
正三以陽剛而得正皆无應與故二附三而纂註程子
動有責須之象占者宜從上之陽剛而動也
隨頤而動者也動九三責如濡如水貞吉一陽居二陰
之間得其責
止惟係於所附九三
而潤澤者也然不可溺纂註蔡氏曰三陷二柔之中有
於所安故有永貞之戒坎象故曰濡如坎剛中心

亨故永貞吉

六四賁如皤如白馬翰如匪寇婚媾

皤白也馬人所乘人

白則馬亦白矣四與初相賁者乃為九三所隔而不得遂故皤如而其往求之心如飛翰之疾也然九三剛正

非為寇者也乃求婚媾爾故其象如此

附錄

此爻无所賁飾其馬亦白也言无飾之象如此學蒙

愚謂馬震坎象皆取互體指九三言也翰如言九三求六四之心如飛翰之疾也

六五賁于丘

園東帛戔戔吝終吉

六五柔中為賁之主敦本尚實得賁之道故有丘園之象然陰性吝

意人而如此雖可羞吝然禮奢寧儉故得終吉附錄敦

本尚實莫是反朴還淳之義曰賁取賁飾之義他今却來賁田園為農圃之事當賁之時若是鄙吝然却得終

吉吉則有喜故象云有喜也破六五是止體上比於九漸漸到極處若一向賁飾去亦自不好須是收斂方得

破問或以菱菱為盛多貌曰非也菱菱者淺小義凡淺
字菱字皆從菱字人陳菱菱是狹小不足之意六居尊
位却如此數本尚儉便似嗇吝如衛文公漢文帝雖是
吝却終吉此在賁卦有反本之義到上九便白賁和東
帛之類愚案子夏傳云東帛五疋上九白賁无咎賁
都沒了為東三玄二纁象陰陽也
反本復於无色善補附錄賁飾之事太盛則有咎所以
過矣故其象占如此
當然也

三三坤下
艮上
剥不利有攸往
剥落也五陰在下而方生一
陽在上而將盡陰盛長而陽

消落九月之卦也陰盛陽衰小人壯而君子病又內坤
外艮有順時而止之象故占得之者不可以有所往也

初六剥牀以足蔑貞凶
剥自下起滅貞則凶
故其占如此
纂註
蔡氏曰牀

者人之所安其體則上實下虛故取以象剥足在下又取以象初蔑无也貞正也謂上剛初去上最遠剥滅于下而自失其正故曰蔑貞陽

六二剥牀以辨蔑貞凶

牀辨

幹也進附錄問剥之初與二蔑貞凶是以陰蔑陽以小而上矣

與君子當之則凶為復陰與小人亦自為凶曰自古小人蔑害君子終亦有凶但此爻象只是說陽與君子之

凶纂註

孔氏曰辨謂牀身之

六三剥之无咎

衆陰方剥

應之去其黨而從正无咎之纂註程子曰三處剥之道也占者如是則得无咎

為无咎如東漢呂強

是六四剥牀以膚凶

陰禍切身故不復言

六五貫魚以

宮人寵无不利

魚陰物宮人陰之美而受制於陽者也五為衆陰之長當率其類受制於陽故

有此象而占者如纂註程子曰剝及君位剝之極也其是則无不利也

以開小人遷善之門五羣陰之主也魚陰物故以為象五能使羣陰順序如貫魚然反獲寵愛於在上之陽如

宮人則无不利也一陽在上衆陰有順從之道故發此義張舜元曰柔得尊位衆陰以次相傳有后以宮人備

數進御於君之象南軒張子曰五雖君位而卦有陰為主不取君義者坤剝遯明夷歸妹旅也非人君所處

故无上九碩果不食君子得輿小人剝廬一陽在上剝君義

生君子在上則為衆陰所載小人居之則剝極於上自失所覆而无復碩果得輿之象矣取象既明而君子小

人其占不同聖人附錄九之象謂一陽在上如碩大之情益可見矣

果人不及食而獨留於上如君子在上而小人皆載於下則是君子之得輿也然小人雖載君子乃欲自下而

剝之則是自剝其廬耳蓋唯君子乃能覆蓋小人而小人
必賴君子以保其身今小人欲剝君子則君子亡而小
人亦无所容其身如自剝其廬也且看自古小人欲害
君子害得盡後國破家亡其小人曾有存活得者否故
聖人象曰君子得輿民所載也小人剝廬終不可用也
若人占得此爻則為君子之所為者必吉而為小人之
所為者必凶矣其象如此而理在其中却不是因欲說
道理而後說象也時舉陰到這裏時把他這些陽都剝
了此是自剝其廬舍无安身處衆小人托一君子為庇
覆若更剝了是自剝其廬舍便不成剝了淵總論剝復
二卦自觀至剝三十日剝方盡自剝至坤三十日復方
成坤三十日陽漸長至冬至方是一陽第二陽方從此
生去陰剝每日剝三十分之一月方長得成一月方剝得盡陽長每
日長三十分之一月方長得成一月方剝得盡陽長每
二時亦每時中漸漸剝全一日方剝得三十分之一陽
長之漸亦如此長黃餘舉冬至子之半先生曰正是及

子之半方成一陽子之半後第二陽方生虞復之云恰似月弦望便見得陰陽生逐漸如此陰不會一上刺陽不會一纂註謂蔡氏曰君子謂剛也與者在下載上之物上長寓纂註謂衆柔也主剛而言則一剛在上而乘衆柔故有君子得與之象小人衆柔也盧者在上庇下之物謂剛也主柔而言則衆柔下進而刺剛故有小人刺盧之象程子曰諸陽消剝已盡獨有上九亦變則純陰矣碩大之果不見食將有復生之理上九亦變則純陰矣然陽无可盡之理變於上則生於下無間可容息也聖人發明此理以見陽與君子之道不可亡也或曰剝盡則為純坤豈復有陽乎曰以卦配月則坤當十月以氣消息言則陽剝為坤陽來為復陽未嘗盡也剝盡於上則復生於下故十月謂之陽月恐疑其無陽也陰亦然聖人不言耳案朱子云陽无可盡之理說得甚精且以卦配月剝九月坤十月復十一月安得謂之無盡嘗陽已生又坤純陰陽氣闕了三十日安得謂之無盡嘗

細考之這一陽不是忽地生出纔交立冬便萌芽下面
有些氣象了上面刺一分下面便萌芽一分上面刺二
分下面便萌芽二分積累到那復處方成一陽坤初六
便是陽已萌了或問陽无可盡之理變於上則生於下
无間可容息竊意變於上則生於下乃剥復相因之理
畢竟須經由坤坤純陰无陽如此陽有斷絕也何以能
生於復曰凡陰陽之生一爻當一月須是滿三十日方
滿得那腔子做得一畫成今坤卦非是无陽始生甚微
未滿那腔子做一畫未成非是坤卦純陰便无陽也然
此亦不是深奧事但伊川欠幾句說漸消漸長之意故
令人做一箇大事看道夫問陰亦然聖人不言耳今以
夫乾始推之可見但所謂聖人不言者何如曰聖人所
以不言者這便是一箇參贊裁成之道蓋抑陰而進陽
長善而消惡用君子而退小人這便可見此理自是恁
地雖堯舜之世岂无小人但有聖人壓在
上面不容他出而有為耳豈能使之无邪

三三

震下坤上

復亨出入无疾朋來无咎反復其道七日來

復利有攸往

復陽復生於下也剥盡則為純坤十月之卦而陽氣已生於下矣積之踰月然後一

陽之體始成而來復故十有一月其卦為復以其陽既往而復反故有亨道乃內震外坤有陽動於下而以順上行之象故其占又為已之出入既得无疾朋類之來亦得无咎又自五月始卦一陰始生至此七爻而一陽來復乃天運之自然故其占又為反復其道至於七日當得來復又以剛德方長故其占又為利有攸往也反復其道往而復來來而復往之附錄陽无驟生之理如意七曰者所占來復之期也

附錄

陽无驟生之理如冬至前十月中氣

是小雪陽已生三十分之一分到得冬至前幾日須已生到二十七八分到至日方成一晝不是昨日全无今日一旦便都復了大抵剥盡處便生如列子所謂運轉无已天地密移疇覺之哉凡一氣不頓進一形不頓虧

亦是不覺其成不覺其虧蓋陰陽浸消浸長人之一身
自少及老亦莫不然賀孫如人胞胎十月具方成箇兒
子植從十月積起至冬至成一文不成一陽是陡頓生
亦須以分毫積起且天運流行本无一息間斷豈解一
月无陽且如木之黃落時萌芽已生了不特如此木之
冬青者必先萌芽而後舊葉方落若論變時天地无時
不變如楞嚴經第二卷首段所載非惟一歲有變月亦
有之非惟月有變日亦有之非惟日有變時亦有之但
人不知耳此說亦是義剛問復一陽動於下而云朋來
无咎何也曰方一陽生未有朋類必竟是陽長將次漸
進以其為君子之道故亨通而无咎也
七日只取七義猶八月有凶只取八義
剝上出而為坤八謂由坤下入而為復又曰陽自建午
之月漸消漸剝至建子之月而為復在卦經七爻於時
經七月故曰七日來復不言月而言愚謂出入朋來
日者猶詩所謂一之日二之日也復義无疾无咎

亨義七日來復論陽之長也猶八月有凶論陽之消也
七八皆取爻義論其消曰月者幸其消之遲論其長曰
日者幸其初九不遠復无祇悔元吉一陽復生於下復
長之速也初九不遠復无祇悔元吉之主也祇抵也入
居事初失之未遠能復於善不抵於附錄出入天時是
悔大善而吉之道也故其象占如此附錄此心豈如難
犬易追尋請看屏上初爻吉便識名齋用意深復齋偶
題復雖一陽生然而與衆陰不相亂如人之善端方萌
雖小而不為衆惡所遏底意思學蒙問一陽復在人言
之只是善端萌處否曰以善言之是善端方萌處以惡
言之昏迷中有悔悟向善意便是復如睡到忽然醒覺
時亦是復氣象又如人之沈滯道不得行到極處忽少
亨通雖未大行已有可行之兆亦是復纂註程子曰復
這道理千變萬化隨所在无不渾淪淳纂註為反善之
義失而後有復不失則何復之有唯失六二休復吉柔
之不遠而復則不至於悔大善而吉也

中正近於初九而能下附錄初爻為仁之體六二爻能

之復之休美吉之道也下之謂下附於仁者學莫

便於近乎仁既得仁者而親之資其善以六三頻復厲

自益則力不勞而學美矣故曰休復吉

无咎以陰居陽不中不正又處動極復而不固屢失

屢復之象屢失故危復則无咎故其占又如此纂

註程子曰復善而屢失故云厲无咎不可以頻失而戒其

復也頻失則為危屢復何六四中行獨復四處羣陰之

咎過在失而不在復也應為與衆俱行而獨能從善之象當此之時陽氣甚微

未足以有為故不言吉然理所當然吉凶非所論也董

子曰仁人者正其義不謀其利明其道六五敦復无悔

不計其功於剥之六三及此爻而見之

以中順居尊而當復之時纂註蔡氏曰敦厚也坤象雖

敦復之象无悔之道也與初无繫而處位得中

能自厚於復者故无悔

上六迷復凶有災眚用行師終有大敗以

其國君凶至于十年不克征

以陰柔居復終終迷不復之象凶之道也故其占如

此以猶附錄

是過而能改則亦有无往而不凶若三歲猶是有

箇期限到十年便是无說了破總論一卦萬物職職其

生不窮孰其尸之造化為工陰闔陽開一動一靜於穆

无疆全體妙用奚獨於斯潛陽壯陰而曰昭哉此天地

心蓋翕无餘斯闔之始生意翕然具此全美其在于人

曰性之仁斂藏方寸包括无垠有茁其萌有惻其隱于

以充之四海其準曰惟茲今眇綿之間是用齋戒掩身

閉關仰止義圖稽經協傳敢贊一辭以詔无倦復卦贊

昔者聖人作易以擬陰陽之變於陽之消於上而息於

下也為卦曰復復反也言陽之既往而來反也夫大德

敦化而不窮豈假夫既消之氣以為方息之資也哉亦

見其絕於彼而生於此而因以著其往來之象爾唯人亦然太和保合善端无窮所謂復者非曰追夫已放之心而還之錄夫已棄之善而屬之也亦曰不肆焉以駢於外則本心全體即此而存固然之善自有所不能已爾嗚呼聖人於復之卦所以贊其可以見天地之心而又以為德之本者其不以此歟復齊記通論復姤二卦朱光遍炎字微陰眇重淵寒威閉九野陽德昭窮衆文明昧謹獨昏迷有開先幾微諒難忽善端本綿綿掩身事齋戒及此防未然閑闕息商旅絕彼柔道牽感興詩問陰何以比小人曰有時如此平看之則都好以類言之則有不好然亦只是皮不好骨子却好大抵發生都則是一箇陽氣只是有消長陽消一分下面陰生一分又不是討箇陰來即是陽消處便是陰故陽來謂之復復者是本來物事陰來謂之姤姤是偶然相遇變孫先生云看來天地中間此氣升降上下當分為六層十一月冬至自下而第一層生起直到第六層上至天為四

月陽氣變生足便消下面陰氣便生只是這一氣升降
循環不已往來乎六層之中也或問月令中天氣下降
地氣上騰此又似天地之氣相交合否曰只是這一氣
陽極則陽消而陰生陰極則陰消而陽生天氣下降便
是冬至復卦之時陽氣在下而生起故云下降或曰如
此則陰是消於上而陽生於下都不見得天氣下降曰
也須一轉則陽氣在下故從下生也今以天運言之則
一月日自運一匝然又有那大轉底時候蓋天本是箇
大底物須大著心看不可拘一不通也通論復艮二
卦復卦便是一大翻轉底艮卦艮卦便是兩箇翻轉復
卦復是五陰下一陽艮是二陰上一陽陽是動底物事
陰是靜底物事凡陽在下便是震動底意思在上則沒
去處了只得止故纂註程子曰災天災自外來嗇已過
曰艮其止賀孫纂註由內作蔡氏曰迷迷失也位亢
而獨遠乎剛不能自復者也南軒張子曰易之爻辭鮮
有如是之詳其凶鮮有如是之極者而獨於復之上六

言之蓋自亡家覆國反道敗德无所不在其源蓋起於一念之微不能制遏之爾夫以陰柔之才去本之遠所謂人欲肆而天理滅者故有大敗終凶之戒總論六爻丘行可曰復六爻有動而即復者初之不速復是也有屢失屢復者六三之頻復是也有終身不復者上六之迷復是也有資人而復者三之休復下仁四之獨復從道是也有不資人而復者六五之敦復自考是也初為明睿之君子知過則改上也二四為樂善之賢者舍己從人次也六五為不踐跡之善人自厚其身又其次也六三為改過不勇之人復而失失而復抑又其次也上六則物慾沈滯本心喪失下愚不移者也尚何復之可言哉民斯為下矣

三三

震下

乾上

无妄元亨利貞其匪正有眚不利有攸往无

實理自然之謂史記作无望謂无所期望而有得焉者其義亦通為卦自訟而變九自二來而居於初又為震

主動而不妄者也故為无妄又二體震動而乾健九五
剛中而應六二故其占大亨而利於正若其不正則有
眚而不利附錄无望字出春申君傳正合无妄之災无
有所往也妄之疾亦見得古人相傳尚識得當時
此意也鉢无妄是箇不指望偶然底卦忽然而有福忽
然而有禍如人方病忽勿藥而愈是所謂无妄也據諸
爻名義合作无望不知孔子何故說歸无妄憫直卿云
說實理字又說自然字便有精處在且如天命流行祇
有箇自然底道理不期然而不能不然者也天下雷行
物與无妄是一自然之理无妄一卦雖云禍福之來也
无常然自家所守者不可以不利於貞不可以彼之无
常而吾之所守亦為之无常也若所守匪正則有眚矣
眚即災也看來微有不同爾災是偶然生於彼者眚是
過誤致然書曰眚災肆赦春秋曰肆大眚皆以其過誤
而赦之也個眚是過誤纂註程子曰動以天為无妄動
災便直是自外來砥

誠也至誠天之道也天之化育生生不窮各正其性命
乃无妄也人能合无妄之道則所謂與天地合其德也
无妄有大亨之理利貞法无妄之道利在貞正失正
則妄也雖无邪心苟不合正理則妄也乃邪心也
九无妄往吉
往以剛在內誠之主也如是而纂註徐氏曰
位而動為无妄之主動以六二不耕獲不菑畬則利有
正者如是而行何往非吉
攸往
柔順中正因時順理而无私意期望之心故有不
耕獲不菑畬之象言其无所為於前无所冀於後
也占者如是則附錄看來只是也不耕也不獲只見成
利有所往矣
耕獲了自有一般時節都不須作為欲嘗謂此爻乃自
始至終都不營為而偶然有得之意耕獲菑畬率事之
始終而言也當无妄之世事益有如此者若以義言則
聖人之无為而治學者之不要人爵而人爵從之皆是

也大抵此爻所謂无妄之禍也。六三无妄之災或繫之牛

行人之得邑人之災

得卦之六爻皆无妄者也。六三處不

行人牽牛以去而居附錄六三便是无妄之災或繫之

者反遭詰捕之擾也。占辭然吉凶以貞勝有雖得凶而不可避者縱貧賤窮

困死亡却无悔咎故橫渠云不可纂註劉壽翁曰六三

避咎趨吉一以貞勝者是也。愚謂牛離象初至四似

所謂匪正者也故有災然出離繫艮止義二至四互

於意料之外故曰无妄之災。陽剛乾體下无應與可

邑人良止象九四可貞无咎

固守而无咎不可以有

為之九五无妄之疾勿藥有喜

乾剛中正以居尊位而

占也

下應亦中正无妄之至

也如是而有疾勿藥而附錄問九五陽剛中正以居尊
自愈矣故其象占如此但聽其自爾久則自定所以勿藥
曰此是不期而有大抵无妄一卦固是无妄但亦有无故
有喜而无疾也大抵无妄一卦固是无妄但亦有无故
非意之事故聖上九无妄行有眚无攸利也上九非有妄
人因象示戒錄上九无妄行有眚无攸利也上九非有妄
極而不可行爾故其象占如此

三三

艮上

大畜利貞不家食吉利涉大川

大陽也以艮

大者也又以內乾剛健外艮篤實輝光是以能日新其
德而為畜之大也以卦變言此卦自需而來九自五而
上以卦體言六五尊而尚之以卦德言又能止健皆非
大正不能故其占為利貞而不家食吉也又六五下應
於乾為應乎天故其占又為利涉大川附錄先生論大
也不家食謂食祿於朝不食於家也

某作本義欲將文王卦辭只大綱依文王本義畧說至其所以然之故却於孔子彖辭中發之且如大畜利貞不家食吉利涉大川只是占得大畜者為利貞不家食而吉利於涉大川至於剛上尚賢等處乃孔子發明各有所主爻象亦然如此則不失愚謂利貞指九三言文王本意又可見孔子之意錄也故爻惟九三有利貞之辭不家食吉利涉大川即利有攸往之義卦辭惟九三爻當之大畜以艮上乾得名而自利貞以下則皆取乾上進行健之義大抵易窮則變畜極則通名卦所主雖在於畜而卦辭則不專取畜義斯其所以為易也

初九有厲利已

乾之三陽為艮所止故內外之卦各取其義初九為六四所止故其占往則有

危而利於止也

九二輿說輶

九二亦為六五所畜以此象也

九

三良馬逐利艱貞日閑輿衛利有攸往

三以陽居健極上以陽居畜極

極而通之時也又皆陽爻故不相畜而俱進有良馬逐之象焉然過剛銳進故其占必戒以艱貞閑習乃利於有往也曰當附錄時舉問九六為正應皆陰皆陽則為畜九三與上九皆陽皆欲上進故但以同類相求也又曰上九已通達无礙只是滔滔去九三過剛銳進故戒以艱貞閑習蓋初二兩爻皆為所畜獨九二一爻自進爾銖良馬遂可謂通快矣然必艱難貞正又且日閑與衛然後利有攸往故若恃馬之纂註蔡氏曰凡剛進而壯而忘艱貞之戒則必不利矣纂註上遇柔則利遇剛則不利如大壯之四曰藩決不羸大畜之三曰良馬逐皆前過乎柔也大壯之初曰征凶三曰羝羊觸藩羸其角大畜之初曰有厲愚謂良馬乾象說卦稱乾利已皆前過夫剛也為馬益括此爻之例也六四

童牛之牯元吉

童者未角之稱牯施橫木於牛角以防其觸詩所謂牯衡者是也止於未角之

時為力則易大善之吉也故其象占如纂註程子曰人此學記曰禁於未發之謂豫正此意也

纂註

程子曰人

初則易既盛而後禁則扞格而難勝故上之惡既甚則雖聖人救之不能免違拂下之惡既甚則雖聖人治之不能免刑戮莫若止於初

愚案詩傳云扞格施於牛角所以止觸也周禮封人

云凡祭飾其牛牲設其楅衡是也牛離象三至上以離童民象牯良止義大畜之六四在无妄則為六三故无妄稱或繫之牛而大畜稱童牛

六五續豕之牙吉

陽已進而

止之不若初之易矣然以柔居中而當尊位是以得其機會而可制故其象如此占雖吉而不言元也

纂

註程子曰豕剛躁之物而牙為猛利若強制其牙則用力勞而不能止其躁猛雖繫之維之不能使之變也若續去其勢則牙雖存而剛躁自止其用如此所以吉也君子法續豕之義知天下之惡不可以力制也則察

其機持其要塞絕其本原故不假刑法嚴峻而惡自止也王氏曰豕去勢曰續蓋壯豕曰豷攻其特而去之曰

續上九何天之衢亨

何天之衢言何其通達之甚也畜極而通豁達无礙故其象占如此

附錄

讀書須是先看一件了然後再看一件若是畜積處多忽然爆開來自然所得者大易所謂何天之

衢亨是也人傑通論大畜之旨小畜以巽之柔順而畜

三陽畜他不住大畜則以艮畜乾畜得有以力所以喚作

大畜淵總論六爻大畜下三爻取自畜而不進上三爻

取畜彼而不使進然四能止六於初故為力易五陽已

進而止之則難但以柔居尊得其機會

可制故亦吉但不能如四之元吉爾錄

三三

震下艮上頤貞吉觀頤自求口實

頤口旁也口食物以自養故為養義為卦

上下二陽內含四陰外實內虛上止下動為頤之象養之義也貞吉者占者得貞則吉觀頤謂觀其所養之道

自求口實謂觀其所以養

附錄

問本義所養之道與養身之術皆得貞則吉也

學聖賢之道則為正黃老申商則為非凡見於脩身行義皆是也所養之術則飲食起居者是也學蒙頤須是貞則吉何以觀其貞不貞蓋觀頤是觀其養德是貞不貞自求口食是又觀其養身是貞不貞淵初九

舍爾靈龜觀我朵頤凶

靈龜不食之物朵垂也朵頤欲食之貌初九陽剛在下足以不

食乃上應六四之陰而動於纂注徐氏曰頤卦全體內欲凶之道也故其象占如此柔外剛有龜象朵動也頤頤也朵頤下動震象又曰靈龜以靜為養朵頤以動為養也舍爾靈龜而觀我朵頤者失其靜養之道而溺於動養愚謂爾我若作四與初言謂初自六二顛之欲也舍爾之靈龜反觀我而朵頤也

頤拂經于丘頤征凶

求養於初則顛倒而違於常理求養於上則往而得凶丘土之高者

上之附錄直卿云頤之六爻只是顛拂二字求養於下
象也則為顛求食於上則為拂六二比初而求上
故顛頤當為句拂經于丘頤為句征凶則其占辭也六
三拂頤雖與上為正應然畢竟是求於上以養已所以
有拂頤之象故雖貞亦凶也六四顛頤固與初為正應
然是賴初之養以養人故雖顛亦吉六五拂經則是比
於上所以有拂經之象然是賴上九之養以養人勉謂
人所以居貞而吉但不能自養不可涉大川爾
所讀六二爻句雖與本義不同然證之以五爻拂經亦
通若二之顛頤與四同拂經與五同而吉凶異者此入
係兩卦體蓋頤養之道以安靜為无失二動體故顛拂
而凶四五靜體故雖顛拂亦吉震三爻凶艮三爻吉可
見矣丘頤指六三拂頤貞凶十年勿用无攸利陰柔不
上艮為山象
處動極拂於頤矣既拂於頤
雖貞亦凶故其象占如此
纂註徐氏曰十者數之終

用无所往而利也

六四顛頤吉虎視眈眈其欲逐逐无咎

柔居上而

得正所應人正而賴其養以施於下故雖顛而吉虎視眈眈下而專也其欲逐逐求而繼也又能如是則无咎

矣附錄錄錄問其欲逐逐如何曰求養於下以養人必當繼繼求之不厭乎數然後可以養人而不窮不

然則所以養人者必无繼矣所以四而賴養於初纂註蔡氏亦是顛倒但是求養以養人所以雖顛而吉錄錄纂註

曰艮體靜止是能靜六五拂經居貞吉不可涉大川六

以待養於初故吉陰柔不正居尊位而不能養人附錄六五居貞吉正如

反賴上九之養故其象占如此洪範用靜吉用作凶所以不可涉大川六五不能養人反賴上九之養是

已拂其常矣故守常則吉而涉險阻則不可也錄五陰柔之才但守貞則吉纂註通論豫六五丘行可曰豫五故不可以涉患難倘纂註不言豫以豫悅之權由乎四

也頤五不言頤以頤養之權由乎上也五君位也豫頤
六五不能自有其權者以弱而迫於強臣故也故頤五
承剛故雖拂經而居貞則吉豫上九由頤厲吉利涉大

川也六五賴上九之養以養人是物由上九以養
也位高任重故厲而吉陽剛在上故利涉川纂註丘

可曰養人之權在五而已居其上為衆所歸位高
任重易失之專故必以危厲處之而後得吉也

三三

巽上

大過棟撓利有攸往亨

大陽也四陽居中過
盛故為大過上下二

陰不勝其重故有棟撓之象又以四陽雖過而二五
得中內巽外說有可行之道故利有所往而得亨也附

錄問大過既棟撓是不好了又如何利有攸往曰彖辭
可見棟撓是以卦體本末弱而言卦體自不好了却

因剛過而中巽而說行如此初六藉用白茅无咎當大
所以利有攸往乃亨也砥

時以陰柔居巽下過於畏慎而无咎附錄有過慎之意

此是大過之初所纂註馮氏曰藉以初言茅以九二枯

楊生稊老夫得其女妻无不利其象占如此稊根也榮

於下者也榮於下則生育之功也夫雖愚謂楊木多傍

老而得女妻猶能成生育之功也水而生巽木近

兌澤故有楊象當大九三棟桡凶棟之象也九三以剛

居剛不勝其重愚謂九三以剛居剛本无桡象而云

故象桡而占凶不勝其重故桡者非謂九三自不勝

其重指初言耳又以全體觀之三四為棟三在四下亦

有傾桡之象彖稱棟桡獨九三當之三其致桡之由者

歟九四棟隆吉有他吝而占吉然下應初六以柔濟之

則過於柔矣故入纂註蔡氏曰他謂初也四位高初柔戒以有他則吝也
四與初應或牽於柔亦愚謂三四為棟四在九五枯吝道也故曰有他吝
三上有棟隆之象

楊生華老婦得其士夫无咎无譽
過極之陰故其象占

皆與愚謂老婦上也士夫五也華英也生華榮於上二反也取上得柔象非五求上乃上求五故无咎然

婦老如此无足稱矣故无譽
乃二之反故二五象占皆相反
上六過涉滅頂凶无咎

處過極之地才弱不足以濟然於義為无附錄象曰不咎矣蓋殺身成仁之事故其象占亦如此

某謂東漢諸人不量淺深至於殺身亡家此是凶然而其心何罪故不可咎也賜總論一卦問大過卦曰大過

陽剛過盛不相對值之義故六爻中无全吉者除了初六是過於畏慎无咎外九二雖无不利然老夫得女妻

畢竟是不相當所以象言過所以相與也九四雖吉而又
有他吝九五以士夫為老婦所得但能无咎亦不為全
吉至於上六過涉滅頂凶无咎則是事雖凶而義則无
咎也銖通論大小過程先生說此為大過即是常事之
大者耳使如說權即經之意都是多說了蓋大過是事
之大過小過都是事之小過大過便如堯舜之揖遜湯武
之征伐這都是常人做不得底事唯聖人做得故謂之
大過是大過人底事小過便如行過乎恭喪過乎哀用
過乎儉事之小過得些子底常人皆能之若當大過之
時做大過底事當小過之時做小過底事當過而過理
也豈可謂大過不是事之過只是事之平常乎大過之
事聖人極是不得已處且如堯舜之有朱均豈不欲多
立賢輔以立其子然理到這裏做不得只得如此湯武
之於桀紂豈不欲多方恐懼之使之悔過自省然理到
這裏做不得只得放伐而後已皆是事之不得已處只
著如此做故雖過乎事而不過乎理也輝又曰易傳道

天不中无不常聖人有小過无大過看來亦不消如此
說聖人既說有大過直是有此事須云大過亦是常理
始得又曰四陽在中如何是大過二陽
在中又如何是小過這兩卦曉不得
以上言柔過乎上故有減頂之象凶亦多矣總論六爻
馮氏曰易大抵上下畫停者從中分反對為象非內外
相應之例也頤中孚小過皆然而此卦尤明三與四對
皆為棟象上隆下撓也二與五對為枯楊之象上華下
穉也初與上為過涉減頂也愚謂過有過多之意大小
白茅而上為過涉減頂也則以陰陽言大過陽多於
陰而稱大小過陰多於陽而稱小然大過以四陽在中
言小過以四陰在外言者以陽自內而過者為主陰自
外而過者為客亦內陽外陰之微意又嘗細觀之大過
兌巽之合陰卦多陽者也小過震艮之合陽卦多陰者
也不以三畫卦論陰陽
者蓋主全體為言爾

三三

坎下

習坎有孚維心亨行有尚

也習重習也坎險陷

陰中外虛而中實也此卦上下皆坎是為重險中實附
為有孚心亨之象以是而行必有功矣故其占如此
錄問橫渠云博學於文只要得習坎心亨何也曰見得
這事理透了處斷便無疑行之又果決便是習坎心
亨凡事皆如此且以看文字一節論之如到那一處見
這說又好見那說又是如此有得如彼又不通便是險
阻處到這裏須討一路去方透便是習坎心亨個又云
不特看文字且如學這一件物事未學時心裏不曉既
學得了心裏便通曉得這一件事若這纂註程子曰陽實
一事曉不得於這事上心便黑暗
孚信維心亨維其心誠一故能亨通至誠可以通金石
蹈水火何險難之不可亨也行有尚謂以誠一而行則
能出險有可嘉尚謂有功
初六習坎入于坎窞凶
柔居

重險之下其陷益纂註程子曰窞坎
深故其象占如此

得處重險之中未能自出故為有險之象
然剛而得中故其占可以求小得也
愚謂小指陰言一剛

居中兩陰附比故
有求小得之象
六三來之坎坎險且枕入于坎窞勿

用
枕以陰柔不中而履重險之間來往皆險前險而後
枕其陷益深不可用也故其象占如此枕倚着未安

之附錄來之自是兩字各有所指謂下來亦坎上往亦
意坎之往也進退皆有險也銖險且枕只是前後

皆是枕便如
枕頭之枕砥
下坎將終而上坎繼之故有此象
六

四樽酒簋貳用缶納約自牖終无咎
晁氏云先儒讀樽
酒簋為一句貳用

缶為一句今從之
執虛豆右執挾七周旋而貳是也九五尊位六四近之

在險之時剛柔相際故有但用薄禮益以誠心進結自
牖之象牖非所由之正而室之所以受明也始雖艱阻
終得无咎故附錄樽酒簋飯一句自是說文如此破又
其占如此附錄曰今人硬作貳簋其實无貳簋之實
陸德明自注斷人自不曾去看如所謂貳乃是周禮大
祭三貳之貳是副貳之義此不是某穿鑿却有古本若
自強為一說无來歷不是聖賢言語矣蓋卿不由戶而
自牖以言艱險之時不可直致也季札納約自牖雖有
向明之意然非是路之正淵或問其次致曲與易中納
約自牖之意亦畧相似納約自牖是因人之明而導之
致曲是因己之明而推之是如此否曰是時舉終无咎
者始雖不甚好然於義理无害故終亦无咎无咎者善
補過之九五坎不盈祗既平无咎陽剛中正居尊位而
謂也銖九五坎不盈祗既平无咎陽剛中正居尊位而
其時亦將出矣附錄祗字他无說處看來只得作抵字
故其象占如此附錄解後卦亦然不盈是未平但將來

必會平二與五雖是陷于險中畢竟是陽會動陷上六
他不得如有孚如維心亨如行有尚皆是也砥

係用徽纆寘于叢棘三歲不得凶

以陰柔居險極附錄
故其象占如此

徽纆釋文云三股曰徽
兩股曰纆皆索名錄

纂註

徐氏曰徽纆叢棘皆坎象
程子曰上六以陰柔居險

之極陷之深者也取牢獄為喻如係縛之徽纆自寘于
叢棘之中陰柔而陷之深其不能出矣故云至於三歲
之久不得免也其凶可知
知叢棘如今之棘寺云

三三

離下
離上

離利貞亨畜牝牛吉

離麗也陰麗於陽其象
為火體陰而用陽也物

之所麗貴乎得正牝牛柔順之物也
故占者能貞則亨而畜牝牛則吉也
多說做麗也有兼說明處也有單說明處是離之體
麗是麗着底意思離字古人多用做麗着說然而物相

離去也只是這字富貴不離其身東坡說道刺箇不字便是這意古來自有這般兩用底字且如亂字又喚做治淵問離卦是陽包陰占利畜牝牛便也是宜畜柔順之物否曰然砥

纂註

程子曰離麗也明也取其

陰麗於上下之陽則為附麗之義取其中虛則為明義其象為火為日

愚謂文王於坤取牝馬象於離

取牝牛象固自不同也後之言象者但見說卦乾為馬坤為牛於是坤之馬反欲求之乾離之牛反欲求之坤未免膠泥而有不通者豈知夫子於說卦取象又自有

所見本不必盡同於先聖豈可以夫子之象為文王周

公之**初九履錯然敬之无咎**以剛居下而處明體志欲

象哉之則无咎矣戒**纂註**徐氏曰履在下之象錯然交雜之

占者宜如是也貌居離之始才剛而妄動識淺而未明所履乖錯未得其當烏能

六二黃離元吉

黃中色

无咎惟能敬慎則其咎可免也

中而得其正故附錄惟六二一爻柔麗乎中而得其正其象占如此

得其正特借中愚謂二中正故元吉五中而九三日

而包正耳時舉不正故雖吉而不可謂之元九三日

昊之離不鼓缶而歌則大耋之嗟凶重離之間前明將

不安常以自樂則不能自處附錄叔重問曰昊之離曰

而凶矣戒占者宜如是也死生常理也若不能

安常以自樂則不免有嗟戚又問生之有死猶晝之必

夜故君子常觀日昊之象以自處曰人固知常理如此

只是臨時自不纂註蔡氏曰日離象昊昞也下體之極

能安耳時舉明將衰也鼓缶而歌當衰而樂也

大耋之嗟當衰而哀也夫有盛必有衰有始必有終有

生必有死理之常也明智君子亦惟順其常而已不樂

則哀皆為生死動其心而愚謂記七十曰耋左傳云

不能順其常者也故凶天子以伯舅耋老是也

九四突如其來如焚如死如棄如後明將繼之時而九

如附錄九四有假凌六五之象故曰突如其來如離為

死而棄也破焚如纂註程子曰九四離下體而升上體

弗戢自焚之意淵纂註繼明之初剛躁而不中正突如

其來失善繼之道又承六五陰柔之君有剛威陵爍之

勢氣焰如焚故曰焚如四之所行不善如此必被禍害

故曰死如衆所六五出涕沱若戚嗟若吉麗乎中然不

棄絕故曰棄如六五出涕沱若戚嗟若吉麗乎中然不

得其正而迫於上下之陽故憂懼纂註程子曰六五有

如此然後得吉戒占者宜如是也文明之德然以

柔居上在下无助獨附麗於剛強之間危懼之勢也惟

其明也故能畏懼之深至於出涕憂慮之深至於戚嗟

所以能保其吉也總論二五爻鄭東谷曰二五皆以柔

麗剛二之辭安五之辭危者二得位五失位也失位則

危知危則吉總論坎離蔡氏曰坎之時用在中二五皆

卦之中也五當位而二不當位故五為勝離之時用在

中二五皆卦之中也二當位而五不當位故二為勝上九王用出征有嘉折首獲

匪其醜无咎

剛明及遠威振而刑不濫无咎之道也故其象占如此

附錄

總論坎離坎象

為陰水體陽而用陰蓋三畫卦中陽而外陰者也離象為火水體陰而用陽蓋三畫卦中陰而外陽者也時舉

其根於陽也火外明而內暗以其根於陰也周子太極圖陽動之中有黑底陰靜之中有白底是也


纂註蔡氏

橫渠曰陰陽之精互藏其宅正此意也砥五也上以陽剛居五之上處離之極剛明可以及遠五

惟用之出征則有嘉美之功折取也首猶魁也醜類也然出征之道不可恃剛太過惟折取其魁首執獲其非

類而已所謂殲厥渠魁脅從罔治也故无咎又曰離為

甲冑戈兵故
有征伐之象



易附錄纂註卷一

欽定四庫全書

經部

易附錄纂註卷二

詳校官內閣學士臣瑞保

通政使司副使臣莫瞻菴覆勘

總校官進士臣朱鈐

校對官中書臣王鍾泰

謄錄監生臣閻學洙

欽定四庫全書

易附錄纂註卷二

元 胡一桂 撰

三三 艮下 咸亨利貞取女吉

咸交感也兌柔在上艮剛在下而交相應入艮止

則感之專兌說則應之至又艮以少男下於兌之少女男先於女得男之正婚姻之時故其卦為咸其占亨

而利貞取女則吉蓋感有必通之理纂註程子曰咸感然不以貞則失其亨而所為皆凶矣

咸有皆義男女交相感也物之相感莫如男女而少復其焉凡君臣上下以至萬物皆有相感之道物之相感

則有亨通之理君臣能相感則君臣之道通上下能相感則上下之志通以至父子夫婦親戚朋友皆情意相

感則和順而亨通事物皆然故咸有亨之理也利貞相感之道利於正也不以正則入於邪惡矣如夫婦之淫

姦君臣之媚說上下之以邪僻皆相感之以不正也取
女吉以卦才言也柔上剛下二氣感應以相與止而說

男下女以此義取初六咸其拇取象感於最下咸以人身
女則得正而吉也初六咸其拇取象感於最下咸以人身

象也感之尚淺欲進未能故不言吉凶此附錄咸皆是
卦雖主於感然六爻皆宜靜而不宜動也

義問內卦艮止也何以皆說動曰艮雖是止然咸有交
感之義都是要動所以都說動卦體雖說動然纔動便

不吉動之所以不吉者六二咸其腓凶居吉腓足肚也
以其內卦屬艮故也

自動躁妄而不能固守者也二當其處又以陰柔不能
固守故取其象然有中正之德能居其所故其占動凶

而靜纂註徐氏曰咸體宜靜二柔不九三咸其股執其
吉也

隨往吝意下二爻皆欲動者三亦不能自守而隨之往
隨往吝意下二爻皆欲動者三亦不能自守而隨之往

則吝矣故其九四貞吉悔亡憧憧往來朋從爾思

九四居股

之上脰之下又當三陽之中心之象咸之主也心之感物當正而固乃得其理今九四乃以陽居陰為失其正而不能固故因占設戒以為能正而固則吉而悔亡若憧憧往來不能正固而累於私感則但其朋類從之不及復能及附錄往來有自然之理惟正靜為主則吉而悔遠矣附錄亡至於憧憧則私意為主而思慮之所及者朋從所不及者不從矣是以事未至則迎之事已過則將之全掉脫不下今人皆患於無公平之心所以事物之來少有私意雜焉則陷於所偏重矣木之往來是感應合當底憧憧是私感應自是當有只是不當私感應爾淵問往來是心中憧憧然往來猶言往來于懷否曰非也曰這只是對那日往則月來月底說那箇是自然之往來此憧憧者是加私意不好底往來憧憧只是加一箇忙迫底心不能順自然之理猶言助長正心與計

獲相似方往時又便要來方來時又便要往只是一箇
忙又曰憧憧是一心方欲感它一心又欲它來應如正
其誼便欲謀其利明其道便欲計其功又如赤子入井
之時此心方休惕要去救它又欲它父母道是好這便
是憧憧底病個聖人未嘗不教人思只是不可憧憧纂
這便是私了感應自有箇自然底道理何必思它淵纂
註蔡氏曰四當心位不曰感其心者感通之道如天地
聖人无不感通者亦惟此理之公無係於物云爾有
心則拘矣故不言心程子曰聖人感天下之心如寒暑
雨暘无不通无不應者亦貞而已矣貞者虛中無我之
謂也貞一則所感无不通若往來憧憧然用其私心以
感物則思之所及者能感而動所不及者不能感也是
其朋類則從其思也以有係之私心既主於一隅一事
豈能廓然無所不通乎定性書曰天地之常以其心普
萬物而無心聖人之常以其情順萬物而無情故君子
之學莫若廓然而大公物來而順應也朱子曰廓然大

公便不是懂懂物來順應便不是朋從
爾思此只是比而不周周而不比之意
九五咸其脢无
悔脢背肉在心上而相背不能感物而無私繫九五適
當其處故取其象而戒占者以能如是則雖不能感
物而亦可纂註蔡氏曰脢無所感上六咸其輔頰舌
以無悔也纂註者無所感故無悔
舌皆所以言者而在身之上上六以陰居說之終處咸
之極感人以言而無其實又兌為口舌故其象如此凶
咎可附錄總論六爻咸上一畫如人口中三纂註總論
知蔡氏曰咸感也感通之理具于人之一心唯能存其寂
然不動之體則感而無不通矣故無心者不能感而用
心者不能咸感也初之拇二之腓三之股上之輔頰舌
皆用於心以動為感者也五之脢無心而不能感者也
故皆不得咸感之正惟四當心位可得咸感之正者然
有心於致感則所感非光大之感也故又以懂懂之思

戒為

三三

巽下震上

恒亨无咎利貞利有攸往

恒常久也為卦震剛在上巽柔在下

震雷巽風二物相與巽順震動為巽而動二體六爻陰陽相應四者皆理之常故為恒其占為能久於其道則亨而無咎然又必利於守貞則乃附錄恒非一定之謂為得所常久之道而利有所往也附錄恒畫則必夜夜而復畫寒則必暑暑而復寒若一定則不常也其在人冬日則飲湯夏日則飲水可以仕則仕可以止則止今人道合便從明日不合則去又如孟子辭齊王之金而受薛宋之饋皆隨時變易故可以為常也道夫如君尊臣卑分固不易然上下不交也不得父子固是親然所謂命士以上父子皆異宮則又有變焉惟其如此所以為恒論其體終是常然體之常所以為用之變用之變所以為體之常砥能常而後能變及其變也常亦只

在其纂註程子曰恒而能亨乃无咎也恒而不可以亨非中獨纂註可常之道也為有咎矣夫所謂恒謂可恒久之

道非守一隅而不知變也故利於有往惟其有往故能恒也一定則不能常矣徐氏曰聞之師曰恒有二義有

不易之恒有不已之恒利貞者不易之恒也利有攸往者不已之恒也合而言之乃常道也倚於一偏則非道

矣初六浚恒貞凶无攸利初與四為正應理之常也然初居下而在初未可以深有

所求四震體而陽性上而不下又為二三所隔應初之意異乎常矣初之柔暗不能度勢又以陰居巽下為巽

之主其性務入故深以常理求之浚恒之纂註程子曰象也占者如此則雖貞亦凶而无所利矣纂註世之責

望故素而致悔咎九二悔亡以其久中故得亡也九三

不恒其德或承之羞貞吝位雖得正然過剛不中志從於上不能久於其所故為不

恒其德或承之羞之象或者不知其何人之辭承奉也
言人皆得奉而進之不知其所自來也貞吝者正而不
恒為可羞吝申附錄承如承奉之承如人九四田无禽
戒占者之辭

以陽居陰久非其位故為此象占者纂註蔡氏曰四為
田无所獲而凡事亦不得其所求也
中好變者也以好變之心應浚恒之初必不能相
有也故曰无禽田者奔馳无常所故取以為象六五

恒其德貞婦人吉夫子凶

以柔中而應剛中常人不易
正而固矣然乃婦人之道非

夫子之宜也故附錄問婦人從一而終以順為正夫子
其象占如此則制義者也若從婦道則凶曰固

是如此然須看得象占分明六五有恒其德貞之象占
者若婦人則吉夫子則凶所謂吉凶者非爻之能吉凶
爻有此象而占者視其德而有吉凶耳且如此爻不是
既為婦人又為夫子只是有恒其德貞之象而以占者

之德為吉上六振恒凶振者動之速也上六居恒之極
凶耳

過動又陰柔不能固守居上非其所纂註總論六爻蔡
安故有振恒之象而其占則凶也

一體而含二義蓋將自其不易者而觀之則窮天地亘
古今而不可變也自其不已者而觀之則寒暑晝夜而

其變未常已也故知不易者則拘常而過求乎常故凶上柔居
皆不得恒之正也初柔拘常而過求乎常故凶上柔居

終三四位不正皆偏乎不已者也或厭常或亂常故凶
且吝惟二五居中幾於得恒之正者然五位雖剛而爻

柔故不能制義而凶二爻雖剛而位柔僅能久中无悔
而皆非有得乎恒之正也語恒之正其惟彖乎總論咸

恒二卦程子曰天地萬物之本夫婦人倫之始所以
經首乾坤下經首咸繼以恒也蔡氏曰上篇首乾坤言

天地氣化之道下篇首咸恒言男女形化之道氣形之
分雖有兩端究其所自則一原耳形化即氣化也使形

化或息則氣化復作矣積土之草木聚水之蟲魚皆自然而生者也又曰咸少男在少女之下以男下女是男女交感之義恒長男在長女之上男尊女卑夫婦居室之常道也論交感之情則少為深切論尊卑之叙則長當謹正故兌艮為咸而震巽為恒也

三三

艮上

遯亨小利貞

遯退避也為卦二陰浸長陽當退避故為遯六月之卦也陽雖

當遯然九五當位而下有六二之應若猶可以為君子能二陰浸長於下則其勢不可以不遯故其占為君子能遯則身雖進而道亨小人則利於守正不可以浸長之故而遂侵迫於陽也小謂陰柔小人也此卦之占與否之初二兩附錄遯字雖是逃隱大抵亦取遠去之意所久相類附錄以六爻在上漸遠者愈善也學蒙問小利貞是見其浸長故戒令其貞正且以寬君子之患然亦是它之福曰是如此與否初二兩爻義相似砥初

六遯尾厲勿用有攸往遯而在後尾之象危之道也占

可免附錄遯尾厲這時節去不逮了所以危纂註蔡氏

剛退也以柔居下見剛者遯亦從而遯凡從物者必居

後故曰尾不當遯而遯故厲勿用有攸往以其質居其

時不可六二執之用黃牛之革莫之勝說以中順自守

遯之志也占者附錄此言象而占在其中六二纂註蔡

固守亦當如是亦有此德也說吐活反

曰執固結之義程子曰黃中色牛順愚謂遯以四陽

物革堅固之物如執係之以牛革也之遯得名初遯

則厲二不言遯三四五上皆言遯是陰爻无取於遯之

義也二以近三陰陽相得固結而不可解所以六二言

執而九三言係未見其有遯之義也今本義謂九三係

二有必遯之志愚非敢求異也姑記其說如此

遯有疾厲畜臣妾吉

下比二陰當遯而有所係之象有疾而危之道也然以畜臣妾則吉

蓋君子之於小人惟臣妾則不附錄徐氏曰係戀也三必其賢而可畜爾故其占如此附錄比乎二宜遯而係故曰係遯遯之為義宜遠小人以陽附陰有所係戀不能遠害故有疾柔將剝剛故有危臣妾謂三係戀之私恩懷小人女子之道也故以畜九四好遯君子吉小人臣妾則吉施於大事則不可也九四好遯君子吉小人否下應初六而乾體剛健有不能絕之以遯之象也唯自克之君子能之而小人不故占者君子則吉而小人附錄否方九纂註徐氏曰好猶情好契好也四否也附錄反錄九纂註文剛位柔故又設小人之戒

九五嘉遯貞吉

剛陽中正下應六二亦柔順而中正附遯之嘉美者也占者如是而貞則吉矣

錄

問九五以剛陽中正漸向遯極故為嘉美未是極處故戒以貞正則吉曰是如此便是剛當位而應處是

去得恰好時節小人亦未嫌自家只是自家合去莫見
小人嫌却與相接而不去便是不好所以戒它貞正
始得上九肥遯无不利以剛陽居卦外下无係應遯之

此肥者寬裕纂註蔡氏曰遯者陽避陰君子所以遠小
自得之意人貴速不貴遲貴遠不貴近上九去

柔最遠高而无應剛而能
決遯之速者也故无不利

三三

乾下

大壯利貞

大謂陽也四陽盛長故為大壯二
月之卦也陽壯則占者吉亨不假

言但利在初九壯于趾征凶有孚

趾在下而進動之物
也剛陽處下而當壯

時壯于進者也故有此象居下而

纂註徐氏曰趾在下
初象三剛在前

壯于進其凶必矣故其占又如此

愚謂必字

九二貞吉

以陽居陰

未可進也趾進則進

釋有孚義

已不得其

正矣然所處得中則猶可因以不失其正故
戒占者使因中以求正然後可以得吉也
九三小人

用壯君子用罔貞厲羝羊觸藩羸其角
過剛不中當壯之時是小人用

壯而君子則用罔也罔无也視有如无君子之過於勇
者也如此則雖貞亦危矣羝羊剛壯喜觸之物藩籬也

羸困也貞厲之纂註慮蔡氏曰用壯无禮之勇也用罔不
占其象如此

乎剛固守乎此以為正則危矣大壯三四爻有兌象
兼三爻看亦有兌象兌為羊羝羊喜用其角而觸者藩

四也羸拘縲纏也進則為九四貞吉悔亡藩決不羸
四所困故以羝羊羸角為象

壯于大輿之輹
貞吉悔亡與咸九四同占藩決不羸承

馬四前二陰則藩決矣壯于大輿之輹亦可進
之象也以陽居陰不極其剛故其象占如此
附錄通論

二四爻九二貞吉只是自守而不進九四却是可有進之象此卦爻之好者蓋以陽居陰不極其剛而前過二陰有藩決之象所以為進非如九二
前有三四二陽隔之不得進也
錄
纂註
蔡氏曰九四剛決柔壯之正者也位不當故有悔得正而吉其悔可亡藩五也決開也以剛決柔易而无困也輟在車之下所用以行者下乘
六五喪羊于易无悔
卦體似兌有羊象馬外柔而內
剛者也獨六五以柔居中不能抵觸雖失其壯然亦无所悔矣其象如此而占亦與咸九五同易容易之意言忽然不覺其亡也或作驢場
附錄
此卦多說羊是兌之場亦通漢食貨志場作易
屬蔡季通曰這箇是夾註底兌卦兩
纂註
徐氏曰六五為剛所決故曰喪羊畫當一畫淵
然以柔居中易而无拒故无悔

上六羝羊觸藩不能退不能遂无攸利艱則吉

壯終動極故觸

藩而不能退然其質本柔故又不能遂其進也其象如此其占可知然猶幸其不剛故能艱以處則尚可以得吉附錄上六取喻甚巧蓋壯終動極無可去處如羝羊也進之理但求進不已則吉如大畜九三利艱貞之艱其事而不敢求進不已則吉如大畜九三利艱貞之艱說如何曰當如大畜例通論諸卦問大壯本好爻中取却不好睽本不好爻中取却好如六五對九二處非其位九四對上九本非相應都成好爻不知何故曰大壯便是過了纔過便不好却是易之取爻多為占者而言占法取變爻便是到此處變了所以困卦雖是不好然其間利用祭祀之屬却都好問此正與見羣龍无首吉利永貞一般曰然却纂註義大壯之時剛者壯也柔居是變了故如此道夫纂註義大壯之時剛者壯也柔居動體之極見剛者壯亦從之而用壯不知其不可也故其進退皆无所利艱則吉者苟知其難能安乎柔而不

進則吉也。愚謂九三居乾體之極在下卦之上剛動而欲進上六居震體之極在上卦之上動極而在上吉也。故皆取羝羊用角之義又三與上為正應本當有合者也。然三欲進而為四所隔故羸其角而不能應乎上上雖與三為應而窮於上故既不能退而得乎三又不能遂而成其進故无攸利必艱難自守以待之庶可成其耳吉。

三三

離上坤下

晉康侯用錫馬蕃庶晝日三接

晉進也康侯安國之侯也

錫馬蕃庶晝日三接言多受大賜而顯被親禮也蓋其為卦上離下坤有日出地上之象順而麗乎大明之德又其變自觀而來為六四之柔進而上行以纂註徐氏至於五占者有是三者則亦當有是寵也。進也不謂之進而謂之晉者晉有明盛之義故為晉上離下坤大明在上下體順附有諸侯承王之象馬坤象

蕃庶坤象象畫日三接離明在上象如晉文公朝王王
賜之車輅弓矢命之曰敬服王命以綏四國受策三出
出入三覲事見左初六晉如摧如貞吉罔孚裕无咎陰

傳僖公二十八年初六晉如摧如貞吉罔孚裕无咎陰
居下應不中正有欲進見摧之象占者如是而能守
貞則吉設不為人所信亦當處以寬裕則无咎也附

錄問晉如摧如象也貞吉占辭曰罔孚裕无咎纂註毛
又是解上兩句恐貞吉說不明故又曉之錄纂註毛

曰摧如在彼而吾不可以不正六二晉如愁如貞吉受
罔孚在上而吾不可以不裕六二晉如愁如貞吉受

茲介福于其王母六二中正上无應援故欲進而愁占
者如是而能守貞則吉而受福于王

母也王母指六五蓋享先妣之吉附錄問享先妣之吉
占而凡以陰居尊者皆其類也附錄占曰周禮有享

先妣之禮大司樂乃奏夷則纂註徐氏曰六二欲進而
歌小呂舞大濩以享先妣錄纂註才桑无應故晉如復

愁如言不能无憂也然上雖无應而同德相感故六三受茲介福于其王母也介大也言受六五之福也

象允悔亡

三不中正宜有悔者以其與下二陰皆欲上進是以為衆所信而悔亡也附錄象

中正衆方不信也雖云信之亦安能悔亡曰晉之時二陰

皆欲上進三處地較近故二陰皆從之以進問如何纂得悔亡曰居非其位本當有悔以其得衆故悔可亡

註

徐氏曰衆坤象蔡氏曰晉進也惟明故能進初二在下遠明而未敢進故摧如愁如三順極明近與衆同

志上行故

愚謂三處順之極由初之罔孚二之九四衆允悔亡愁如以至於三則順之極而衆允矣九四

晉如鼫鼠貞厲

不中不正以竊高位貪而畏人蓋危道也故為鼫鼠之象占者如是雖貞亦危

也纂註

蔡氏曰九四下連二三有艮象故稱鼠才剛故稱艮位柔爻剛貪據高位喜接衆柔前畏大明

之君而不敢進艱鼠之象也守六五悔亡失得勿恤往此之貞危孰甚焉故曰貞厲

吉无不利

以陰居陽宜有悔矣以大明在上而下皆順從故占者得之則其悔亡又一切去其計功

謀利之心則往吉而无不利也附錄失得勿恤此說失然亦必有其德乃應其占爾

不須問他自是好猶言勝負兵家之常云爾此卦六爻无如此爻吉淵失得勿恤只是自家自作教是莫管它

得失如仁人正其誼不謀其利明其道不計其功相似又曰人當著此爻則大勢已好雖有所失得亦不必慮

而自无所上九晉其角維用伐邑厲吉无咎貞吝角剛不利也

上上九剛進之極有其象矣占者得之而以伐其私邑則雖危而吉且无咎然以極剛治小邑雖得其貞亦可

吝附錄問上九剛進之極以伐私邑安得吉而无咎曰矣附錄以其剛故可伐邑若不剛則不能伐邑矣但易

中言伐邑皆是用之於小若伐國則其用大矣如高宗
伐鬼方三年克之類維用伐邑則不可用之於大可知
知維用以伐邑然亦必能自危厲乃可以吉而无咎過
剛而能危厲則不至於過矣道夫伐邑如墮費墮邱之
類是也鉅上九貞吝不在克治正以其克治之難而言
其合下有此吝爾貞吝之義諸義只云貞固守此則吝
不應於此獨云於纂註徐氏曰離為戈兵故有伐象邑
正道為吝也必大纂註謂內地之私邑坤體在下之象
愚謂晉其角與姤其角同義皆剛上
之象厲惟於四上爻言之剛爻故厲

三三

離下坤上

明夷利艱貞

夷傷也為卦下離上坤日入地
中明而見傷之象故為明夷又

其上六為暗之主六五近之故占者
利於艱難以守貞而自晦其明也

初九明夷于飛垂

其翼君子于行三日不食有攸往主人有言

飛而垂翼
見傷之象

占者行而不食所如不合纂註蔡氏曰曰飛曰行曰往

時義當然不得而避之也皆進之謂也曰垂翼曰

不食曰有言皆傷之謂也言當明夷之初進而有傷也

去上獨遠故傷者淺程子曰昏暗在上傷陽之明使不

得上進是于飛而傷其翼也翼傷故垂君子于行三

不食君子明照見事之微故行去避之謂去其祿位而

退藏也三日不食言困窮之極也夫知幾者君子之獨

見非衆人所能識也故明夷之始見傷未顯而去之則

世俗孰不疑惟故有所往則主人有言也然君子不以

世俗之見惟而遲疑其行也若俟衆人盡識則傷已及

而不能去矣此薛方所以為六二明夷夷于左股用拯

明而揚雄所以不獲其去也

馬壯吉

傷而未切救之速則纂註徐氏曰初傷其翼所

免矣故其象占如此傷猶淺二傷及股則

害于行矣二在下故曰左兵法前為右後為左今人以

下移為左遷夷于左股傷于下也馬壯則行連言救之

道連則獲免於難而吉也程子曰足者所以行也股在
脛足之上於行之用為不甚切左人非使用者手足之
用以右為便惟蹶張用左蓋右立為本也夷于左股謂
傷害其行而不甚切雖然亦必自免有道極用壯健之
馬則獲免之

九三明夷于南狩得其大首不可疾貞

剛以

居剛又在明體之上而屈於至闇之下正於上六闇主
為應故有向明除害得其首惡之象然不可以亟也故
有不可疾貞之戒成湯起於夏臺文王興纂註蔡氏曰
於羗里正合此久之義而小事亦有然者南狩離
明之狩也

六四入于左腹獲明夷之心于出門庭

此爻

未詳竊疑左腹者幽隱之處獲明夷之心于出門庭者
得意於遠去之義言筮而得此者其自處當如是也蓋
離體為至明之德坤體為至暗之地下三爻明在闇外
故隨其遠近高下而處之不同六四以柔正居闇地而

尚淺故猶可以得意於遠去五以柔中居闇地而已迫
故為內難正志以晦其明之象上則極乎闇矣故為自
傷其明以至於闇而又足以傷人之明蓋附錄六四爻
下五爻皆為君子獨上一爻為闇君也
以為是姦邪之臣先盡感其君心而後肆行於外殊不是
上六是闇主六五却不作君說六四之與上六既非正
應又不相此又況下三爻皆說明夷是好底何獨此爻
却作不好說故某於此爻之義未詳但以意觀之六四
居闇地而尚淺猶可以得志而遠去故雖入于幽隱之
處猶能獲明夷之心于出門庭也錄于出門庭言君子
去暗尚遠可以得纂註劉壽翁曰微子帝乙之元子紂
其本心而遠去淵纂註之庶兄也知其君之不可以圖
存也又知商之不可復興也事之不可諫之不從其留
也无救於宗祀之滅其去也猶足以存什一於千百也
故曰獲明夷之心象曰獲心意
者微子獲存宗祀之心意也
體故曰入其去上六

猶隔六五故以四為左腹獲得也傷人之明者上也入
其腹得其傷明之心故曰獲明夷之傷心幸而稍隔尚可
避去故曰六五箕子之明夷利貞之居至闇之地近至闇
于出門庭也貞之至附錄問商有三仁集註言三子之行
也利貞以戒占者附錄不同而同出於至誠惻怛之意
微子之去欲存宗祀比干之死欲紂改行可見其至誠
惻怛處不知箕子至誠惻怛何以見曰箕子比干都是
一樣心箕子偶然不撞著紂之怒自不殺它然它見比
干恁地死若更死諫无益於國徒使人君有殺諫臣之
名就它處此最難微子去却易比干一向諫死又却索
性箕子在半上落下最是難處被它監繫在那裏不免
佯狂所以易中特說箕子之明夷可見其難處故彖曰
利艱貞晦其明也內難而能正其志箕子以之它外雖
狂而心則定也寓爻說貞而不言艱者上六不明晦初
益言箕子則艱可見不必更言之淵

登于天後入于地

以陰居坤之極不明其德以至於晦始則處高位以傷人之明終必至於

自傷而墜厥命故其象纂註徐氏曰下三爻離體明也如此而占亦在其中矣

極所以為明夷之主也故不言明夷下五爻皆所以處明夷之道而有遠近淺深之殊者也故皆言明夷初明雖傷去上最遠垂翼而已二則傷股而害已深矣以其在下居中去上猶遠有可拯之道也三則與上為正應可以南行而獲其大首矣四入坤晦之門庭其暗尚淺有可去之道五則迫近於難義不可去亦惟艱貞自晦其明而已此紂之時聖賢愚謂下五爻皆說明夷是所處之道不同有如此

說不明晦是實晦而不明者也以卦言則傷離之明者在坤坤為晦以爻言則傷下五爻之明者在上上獨為

晦各有不同也

三三

離上

家人利女貞

家人者一家之人卦之九五利

女貞者欲先正乎內也

纂註

蔡氏曰女二也二居內而位正利女正也

四亦女之正者然爻惟二

初九開有家悔亡

初九以剛

之始能防閑之其悔亡

纂註

程子曰初家道之始也

矣戒占者當如是也

纂註

家之始苟不開之以法度

則人情流放必至於有悔

失義害倫理无所不至能以法度開之於始則无是矣

故悔六二无攸遂在中饋貞吉

如纂註

徐氏曰六二以柔居中巽順應五婦之道也遂

惟酒食是議者也貞吉者居中

愚謂采蘋采蘋之詩

得正固守巽順之道所以吉也

易附錄纂註

十四

為不失職大夫妻共祭祀為循法度祭祀蓋饋事之大者婦无遂事惟在中饋可見矣故六二貞吉惟以在中饋言彖辭所謂利女九三家人嗃嗃悔厲吉婦子嘻嘻貞者其六二當之歟

終吝
象以剛居剛而不中過乎剛者也故有嗃嗃嚴厲之象如是則雖有悔厲而吉也嘻嘻者嗃嗃之反吝之道也占者各以其附錄先生因喫茶罷曰物之甘者德為應故兩言之其附錄先生因喫茶罷曰物之甘者本苦物喫過却甘問此理如何曰也是一箇道理如始於憂勤終於逸樂理而後和蓋禮本天下之至嚴行之各得其分則至和又如家人嗃嗃徐氏曰嗃嗃嚴悔厲吉婦子嘻嘻終吝都是此理纂註徐氏曰嗃嗃嚴樂无節也九三以剛居剛而不中故有嗃嗃之象此乎二四兩柔之間故又有嘻嘻之象治家之道易以情勝義苟剛而不中雖過於嚴而有悔厲然而家道齊肅人心祇是猶為家之吉而未失道也若笑樂无節而情愛

暱此之私勝則敗度喪禮失節亂倫
家道所由以壞也豈不終可吝乎
六四富家大吉陽主

義陰主利以陰居陰而附錄占法陽主貴
在上位能富其家者也附錄陰主富淵
纂註徐氏曰

位應剛又介二剛之間以柔得剛以
虛受實莫此之盛故曰富家大吉
九五王假有家勿

恤吉假至也如假于太廟之假有家猶言有國也九五
剛健中正下應六二之柔順中正王者以是至于

其家則勿用憂恤而吉可必矣蓋聘納后
妃之吉占而凡有是德者遇之皆吉也
附錄王假有

這裏方具得許多物事有妻有妾有
之有只是如夙夜浚明有家鹿采有邦之有有字虛字

非如奄有四
上九有孚威如終吉上九以剛居上在卦
之終故言正家久遠

之道占者必有誠纂註徐氏曰上九以陽剛居卦之終
信威嚴則終吉也家道大成人信之矣故曰有孚

然不以人信而或弛律身益嚴故曰威如
身愈修則家愈齊保家之道也故曰終吉

三三

兌下離上

睽小事吉

睽乖異也為卦上火下澤性相違
異中女少女志不同歸故為睽然

以卦德言之內說而外明以卦變言之則自離來者柔
進居三自中孚來者柔進居五自家人來者兼之以卦
體言之則六五得中而下應九二之剛是初九悔亡喪
以其占不可大事而小事尚有吉之道也

馬勿逐自復見惡人无咎

時上无正應有悔也而居睽之
時同德相應其悔亡矣故有

喪馬勿逐而自復之象然亦必見惡人
然後可以避咎如孔子之於陽貨也

附錄

喪馬勿逐
自復大率

睽之諸爻都如此多說先異而後同淵問見惡人其義
何取曰以其當睽之時故須見惡人乃能无咎道夫

纂註

程子曰馬所以行也陽上行者也睽獨无與則不
能行是喪其馬也四與之合則能行矣是勿逐而

馬復得也惡人與已乖異者也見者與相通也當睽之時雖同德者相與然小人乖異者衆若棄絕之不幾盡天下以仇君子乎如此則失含弘之義致凶之道也又安能化不善而使之合乎故必見惡人則无咎也古之聖王所以能化姦凶為善良九二遇主于巷无咎二五陰陽革仇敵為臣民者由弗絕也九二遇主于巷无咎二五正應居睽之時乖戾不合必委曲相求纂註程子曰所以得會遇乃為无咎故其象占如此纂註謂委曲者以善道宛轉將就使合而已非枉已屈道也當睽之時君心未合賢臣在下竭力盡誠期使之信合而已至誠以感動之盡力以扶持之明義理以致其知杜蔽惑以誠其意如是宛轉以求其合也過非枉道迎逢也巷非邪僻曲徑也故夫子特六三見與曳其牛掣其天且云遇主于巷未失道也六三見與曳其牛掣其天且

劓无初有終

六三上九正應而三居二陽之間後為二所曳前為四所掣而當睽之時上九猜狠

方深故又有髡削之傷然邪不附錄天合作而剃鬚也

勝正終必得合故其象占如此附錄篆文天作更方子

纂註蔡氏曰與二九四睽孤遇元夫交孚厲无咎睽孤謂无

應遇元夫謂得初九交孚謂同德相信然當六五悔亡

睽時故必危厲乃得无咎占者亦如是也

厥宗噬膚往何咎以陰居陽悔也居中得應故能亡之

象中之德故其附錄宗如同人于上九睽孤見豕負塗載

鬼一車先張之弧後說之弧匪寇婚媾往遇雨則吉睽

謂六三為二陽所制而已以剛處明極睽極之地又自

猜狠而乖離也見豕負塗見其汚也載鬼一車以无為

有也張弧欲射之也說弧疑稍釋也匪寇婚媾知其非

寇而實親也往遇雨則吉疑盡釋而睽合也上九之與

六三先睽後合附錄載鬼一車等語為它這般事是差故其象占如此
道夫通論小畜上九爻小畜之上九曰既雨既處睽之上九曰往遇雨則吉者畜極則通睽極則和陰陽之氣至是而纂註徐氏曰上與三應本非孤者三柔為二四方暢也
指三言惡而疑之甚者也弧亦謂三陰也往遇雨則吉言往與三合而得吉也

三三

艮下坎上

蹇利西南不利東北利見大人貞吉

蹇難也足不能

進行之難也為卦艮下坎上見險而止故為蹇西南平易東北險阻又艮方也方在蹇中不宜見險又卦自小過而來陽進則往居五而得中退則入於艮而不進故其占曰利西南不利東北當蹇之時必見大人然後可
以濟難又必守貞然後得吉而卦之九五剛健中正有大人之象自二以上五爻皆得正位則又貞之義也故

其占又曰利見大人貞吉蓋見險者貴於能止而又附

錄西南是說坤卦分曉但不知從何插入這坤卦來此

是坤第二畫變艮是第三畫變纂註程子曰西南坤方

東北艮方艮山也體止而險在蹇難之時利於順處平

易之地不利止於危險處順易則難可紓止於險則難

益甚愚謂坎屬北方艮屬東北方合艮坎而為蹇是

就西南矣指言西南者初六往蹇來譽往遇險纂註程

曰六居蹇之初陰柔无援往進則益入於蹇矣來者對

往之辭上進則為往不進則為來止而不進則有見幾

知時之六二王臣蹇蹇匪躬之故而在險中正正應在上

美譽也

褻以求濟之非以其身之故也不言吉凶者占者但當鞠躬盡力而已至於成敗利鈍則非所論也

纂註

蔡氏曰王臣為五之臣也褻入九三往蹇來反

反就二陰

得其深也匪躬之故為王之事也

九三往蹇來反

所安纂註徐氏曰九三當位與上為應上六四往蹇來

連連於九三纂註徐氏曰六四近君往從乎五則陰柔

以進乃九五大蹇朋來而有剛健中正之德必有朋來

克有濟九五大蹇朋來而有剛健中正之德必有朋來

而助之者占者有附錄大蹇所謂遺大投艱于朕身人

是德則有是助矣附錄大蹇所謂遺大投艱于朕身人

君當此之時須屈羣策用羣力乃可濟也

或問何故

為大蹇曰五是為蹇主凡人臣之蹇只是一事至大蹇

須人主纂註徐氏曰朋謂三五

愚謂五為濟蹇之主

當之砥纂註與三皆陽故曰朋

二為濟蹇之臣故五

易附錄纂註

十六

稱大蹇二

上六往蹇來碩吉利見大人

已在卦極往无

稱蹇蹇 功大人指九五與之濟蹇則有碩大之 附錄 總論六爻問往來就九五與之濟蹇則有碩大之 附錄 蹇來譽曰來往 二字唯程傳言上進則為往不進則為來說得極好今 人或謂六四往蹇來連是來就三九三往蹇來反是來 就二上往蹇來碩是來就五已說得通但初六來譽則 位居最下无可來之地其說不得通矣故不若程傳好 只是不往為佳耳不往者守而不進故不進則為來諸 爻皆不言吉蓋未離乎蹇中也至上六往蹇來碩吉却 是蹇極有濟之理既是不往唯守於蹇則必得 纂註 徐 見九五之大人與共濟蹇而有碩大之功也 鉢 碩大也剛也近附九五之大人故曰來碩下得乎剛 可以出蹇故吉也 總論六爻程子曰蹇之時惟能止為 善故諸爻除九五六二外皆以往為失來為得 蔡 氏曰惟二五居中得位濟蹇者也故不言往來

三三

坎下震上

解利西南无所往其來復吉有攸往夙吉

難解

之散也居險能動則出於險之外矣解之象也難之既
解利於平易安靜不欲久為煩擾且其卦自升來三往
居四入於坤體二居其所而又得中故利於西南平易
之地若无所往則宜來復其所而安靜若尚有所往則
宜早往早復不纂註蔡氏曰坎難震動動則離乎難解
可久煩擾也
也難解於東北至西南則无不利矣无所往其來復吉
往進也來復退歸也謂二難既解則居中以復其安靜
也主內象言有攸往夙吉夙早也難有未解
者當急往而解之不可久擾也主外象言
難既解矣以柔在下上有正
應何咎之有故其占如此
九二田獲三狐得黃矢貞
吉
此又取象之意未詳或曰卦凡四陰除六五君位餘
三陰則三狐之象也大抵此爻為卜田之吉占亦為

去邪媚而得中直之象纂註徐氏曰狐者隱伏之物坎能守其貞則无不吉矣象黃矢中直象貞吉謂得中道而吉也程子曰九二以剛中之才上應六五之君用於時者也天下小人常衆六五以陰柔居高位其明易蔽其威易犯其斷不果而易惑小人一近之則移其心矣況險難方解二既當用必須能去小人則可以正君心而行其剛中之道田者去害之事狐者邪媚之獸三狐指卦之三陰時之小人也獲謂變化除去之如田之獲狐也羣邪不去君心一人則中直之道无由行矣桓敬之不去武三思是也六三負且乘致寇至貞吝繫辭備矣貞吝言雖以正得之亦附錄六三大率少有好底負且乘聖人這裏又見得有這箇纂小入乘君子之器底象故又於此發出這道理來淵纂註徐氏曰負謂上負九四乘謂下乘九二三以柔處二剛之中頑然不解故有負且乘致寇至之象貞固守

此豈不愚謂坎為興為盜六三坎體自三至五又有

可吝互體之坎故有負乘致寇之象又負四乘二

為上所射亦九四解而拇朋至斯孚不得其位而相應

有致寇至象九四解而拇朋至斯孚不得其位而相應

應之不以正者也然四陽初陰其類不同附錄四能解

若能解而去之則君子之朋至而相信矣附錄其拇者

以四雖陰位而才則陽與初六陰柔則為有間所纂註

以能解去其拇故得陽剛之朋類至而相信矣附錄其拇者

徐氏曰朋謂二四與二皆剛故曰朋解之時陽能解六

陰剛能解柔九四欲解初六在下之陰解而拇也六

五君子維有解吉有孚于小人位卦凡四陰而六五當君

而去之則吉也孚驗也君子纂註程子曰六五居尊位

有解以小人退為驗也為解之主入君之解

也以君子通言之君子所親比者必君子也所解去者

解也 上六公用射隼于高墉之上獲之无不利

繫辭纂註

蔡氏曰公五也用謂五用上也隼驚害之物謂三也墉內外之限三所居之地也解之不解者惟三用其所應而解之獲之必矣故曰无不利

三三

艮上

損有孚元吉无咎可貞利有攸往曷之用二

簋可用享

損減省也為卦損下卦上畫之陽益上卦上畫之陰損兌澤之深益艮山之高損下益上

損內益外剥民奉君之象所以為損也損所當損而有孚信則其占常有此下四者之應矣曷之用二簋可用享言當損時附錄二簋與簋貳字不同淵纂註蔡氏曰內則至薄无害附錄可見其義亦不同淵纂註本乾外本坤乾上爻與坤上爻往來本剛得柔為損本柔得剛為益凡卦以內為貞主貞而言故為損徐氏曰孚信實也

損所當損適時之宜而有孚信可行之理所謂有孚也
可貞者可以正固守此也其道可行故利往損而有孚
則元吉无咎可貞而利有攸往也蓋損者拂人情之事
易至凶咎故持詳之曷之用問辭二簋享答辭下之奉
上緊謂之享燕禮之重亦謂之享古者享禮以四簋為
中陳饋八簋為盛當損之時二簋雖薄而亦可用享也
程子曰損者損過而就中損浮末而就本實也聖人以
寧儉為禮之本故於損發明其義享祀之禮其文最繁
然以誠敬為本多儀備物所以將飾其誠敬之心飾過
其誠則為偽矣損飾所以存誠也二簋之約可用享祭
言在乎誠而已誠為本也天下之害无不由末之勝也
峻宇雕牆本於宮室酒池肉林本於飲食淫酷殘忍本
於刑罰窮兵黷武本於征討凡人欲之過者皆本於奉
養其流之遠則為害矣先王制其本者天理也後人流
於末者人欲也損之義初九已事遄往无咎酌損之初
損人欲以復天理而已

當損下益上之時上應六四之陰輟所為之事而連往以益之无咎之道也故其象占如此然居下而益上亦當斟酌其纂註徐氏曰損者人情之所難而初又最下淺深也

酌其義之淺深而不失九二利貞征凶弗損益之九二損已益人之道可也

志在自守不肯妄進故占者利貞而征則凶纂註程子曰弗損益之言不變其所守乃所以益上也

自損其剛貞則能益其上乃益之也若失其剛貞而用柔說適足以損之而已世之愚者雖无邪心而唯知竭

力順上為忠者益不知弗損益之義也游氏六三三曰允之情說而陽性好動故有利貞征凶之戒

人行則損一人一人行則得其友下卦本乾而損上爻以益坤三人行而損

一人也一陽上而一陰下一人行而得其友也兩相附與則專三則雜而亂卦有此象故戒占者當致一也附

錄得三人行損一人三陽損一一人行纂註蔡氏曰萬化

已三則為贊六四損其疾使遄有喜无咎以初九之陽

其陰柔之疾唯速則善纂註徐氏曰柔過為疾忽欲之

或急於從善初剛在下亦每難於益已苟非自損其過

自治其私汲汲然以好善求益為心則應者緩而益者

寡也能无咎乎凡言有喜有慶者皆內外相應之情也

總論諸爻南軒張子曰當損而不損過也不當損而損

之亦過也酌損之弗損益之者言不過損也六五或益

所謂損一人損其疾者皆理之所當損也

之十朋之龜弗克違元吉

柔順虛中以居尊位當損之時受天下之益者也兩龜為

朋十朋之龜大寶也或以此益之而不能附錄易象自

辭其吉可知占者有是德則獲其應也

如離為龜則損益卦皆說龜此類甚多倘損益二卦說
龜一在二一在五是顛倒說去未濟與既濟說鬼方亦
然纂註蔡氏曰元龜直二十大貝雙貝曰朋十朋元龜
輝纂註也元龜有國之大寶言益之大也弗克遠者不
求而必至之意故元吉東谷鄭氏曰凡曰或益曰有它
吉曰有隕自天曰自上祐皆謂之不期於得之也徐氏
曰班固食貨志元龜距冉長尺二寸直二千一百六十
為六貝十朋注云兩貝為朋朋直二百一十六元龜十
朋故二千一百六十也又有公龜九寸為壯貝十朋侯
龜七寸以上為公貝十朋子龜五寸以上為小貝十朋
是為龜上九弗損益之无咎貞吉利有攸往得臣无家
寶四品

上九當損下益上之時居卦之上受益之極而欲自損
以益人也然居上而益下有所謂惠而不費者不待損
已然後可以益人也能如是則无咎然亦必以貞則吉
而利有所往惠而不費其惠廣矣故又曰得臣无家

附錄

得臣无家猶言化家為國相似得臣有家其所得也小矣无家則可見其大淵總論損益卦陳埴說損

益先生曰勢自是如此有人主出來也只因這箇勢自住不得到這裏方看做是如唯是聖人能順得這勢盡得這道理以下人不能識得損益之宜便會錯了也也不是立不得寓大抵損益二卦諸爻皆互換損好了益却不好如損六五却成益六二諸爻皆互換損二損上九好益上九却不好淵纂註得臣无家謂柔往剛來得三之應不安處于下而應上之篤也總論六爻蔡氏曰損之為義損下益上聖人不得已而用之故卦下之辭必曰有孚釋彖必言時爻辭初曰酌損二上皆曰弗損四但損其疾而已五則无損而大有益惟三當可損之時耳大象言懲忿窒慾此則不嫌愚謂上與於損爻辭兼言益益不兼言損意亦可見三為正應利有攸往上應乎三也得臣无家三應乎上也故六三曰得友上九曰得臣

三

震上

益利有攸往利涉大川

卦益增益也為卦損上

初畫之陰自上卦而下於下卦之下故為益卦之九五

六二皆得中正下震上巽皆木之象故其占利有所往

而利涉附錄巽為木是卦中取象震為木纂註蔡氏曰

大川也附錄乃東方屬木五行之木也

與坤下爻往來剛來居內故曰益剛柔往來二五中

正故利有攸往利上巽下震木下動也故利涉大川初

九利用為大作元吉无咎初雖居下然當益下之時受

報效故利用為大作附錄吉是事咎是道理益有事雖

必元吉然後得无咎附錄吉而理則過差者是之謂吉

而有咎淵初九在下為四所任而作大事必盡善而後

无咎若所作不盡善未免有咎也故孔子釋之曰下不

厚事若在下之人為在上之人作纂註徐氏曰初剛在

事未能盡善自應有咎也人傑纂註下為動之主當

益之時受上之益者也宜用之為大有興作之事然位卑志剛力小任重則有所不堪故曰下不厚事惟處之當用之審大善而吉乃可无咎苟輕用敗事无益有害皆為有咎此先王所以重用民力也 六二或

益之十朋之龜弗克違永貞吉王用享于帝吉

六二當益下之

時虛中處下故其象占與損六五同然爻位皆陰故以永貞為戒以其居下而受上之益故又為卜郊之吉占附錄或益之十朋之龜句弗克違句子顯王 六三益之

用享于帝吉是祭則受福底道理淵

六三益之

用凶事无咎有孚中行告公用圭

六三陰柔不中不正不當得益者也然當

益下之時居下之上故有益之以凶事者蓋警戒震動乃所以益之也占者如此然後可以无咎又戒以有孚中行而告公用圭附錄益之用凶事猶書言用降 也用圭所以通信 附錄 我凶德嘉績于朕躬高 纂註

蔡氏曰凶事困心衡慮之事也六三與上為應故有凶
事之象中行在一卦之中也故三四皆曰中行圭所以
通其中之信告公雖見於外而所用者亦唯在通中之
信而已徐氏曰三與上應而以為有凶事者以上有或
擊之凶而三位六四中行告公從利用為依遷國三四
又多凶故也

得中故皆以中行為戒此言以益下為心而合於中行
則告公而見從矣傳曰周之東遷晉鄭焉依蓋古者遷
國以益下必有所依然後能附錄程昌寓守壽春金人
立此爻又為遷國之吉占也
州後平楊纂註徐氏曰四與初為往來之爻有下遷之
么有功淵纂註象遷國順下而動也古者建國有不便
於民則視民利用遷然必有所九五有孚惠心勿問元
依以立國蔡氏曰依謂近五也

吉有孚惠我德

以上有信以惠于下則下亦有信
以惠于上矣不問而元吉可知
纂註蔡氏

曰心二也惠順也我以有字而順二之心洪範所謂皇
建有極用數錫厥庶民者也有不待形諸言語而獲元
吉也二亦以有孚而順五之德上九莫益之或擊之立
洪範所謂錫汝保極者是也

心勿恒凶

以陽居益之極求益不已故莫附錄或字衆
益而或擊之立心勿恒戒之也

之辭言非但一人擊之也立心勿恒纂註程子曰利者
勿字只是不字非禁止之辭也

苟公其心不失正理則與衆同利无侵於人亦欲與
之若切於好利嚴於自私求自益以損於人則人亦與
之力爭故莫肯益之愚謂恒九三亦巽體亦有不恒
而有擊奪之者矣其德之戒說卦謂巽為不果為

進退為躁卦其立
心勿恒之意歟

三三

乾下
兌上

夬揚于王庭孚號有厲告自邑不利即戎利

有攸往

夫決之而已然其決也三月之卦也以五陽去一陰

呼號其衆相與合力然亦尚有危厲不可安肆又當先治其私而不可專尚威武則利有所往也皆戒之之辭

附錄

夫以五陽之盛而此一陰猶欲決之故其繇曰揚于王庭孚號有厲告自邑不利即戎利有攸往蓋

雖危懼自修不極其武而揚庭孚號有利有攸往初不顧後患而小却也答陳全父孚號有厲若合開口處便雖

有劍從自家頭上落也須著說但使功罪各當是非顯白於吾何憚道夫上卦有兌體兌為口故多言號錄

纂註

程子曰小人衰微君子道盛當顯行之於公朝廷使人明知善惡故云揚于王庭徐氏曰王五也王庭

君位之前利有攸往者順剛初九壯于前趾往不勝為而動其究為乾往无不利也

咎前猶進也當決之時居下任附錄壯于前趾與大壯壯不勝宜矣故其象占如此附錄初爻同此卦大率

似大壯只纂註蔡氏曰壯者決之勇也徐氏曰趾在體

爭一畫淵

纂註

之下初象程子曰九陽爻而乾體乃在

下而居決時壯于前進者也夫之時而往往決也故以

勝負言九居初而壯於進躁於動者也故有不勝之戒

陰雖將盡而已之躁動自九二惕號莫夜有戎勿恤九

宜有不勝之咎不計彼也

九二惕號莫夜有戎勿恤

九

當決之時剛而居柔又得中道故能憂惕附錄王

號呼以自戒備而莫夜有戎亦可无患也

附錄

王

之九二卜者告之曰必夜有驚恐後九三壯于頄有凶

有兵權未幾果夜遇寇旋得洪帥高

九三壯于頄有凶

九

君子夫夫獨行遇雨若濡有愠无咎頄頤也九三當決之時以剛而過乎

君子夫夫獨行遇雨若濡有愠无咎

頄頤也九三當決

之時以剛而過乎

中是欲決小人而剛壯見于面目也如是則有凶道矣

然在衆陽之中獨與上六為應若能果決其決不係私

愛則雖合於上六如獨行遇雨至於若濡而為君子所

愠然終必能決去小人而无所咎也溫嶠之於王敦其

愠然終必能決去小人而无所咎也

溫嶠之於王敦其

事類附錄卦中與復卦六四有獨字此卦諸爻皆欲去

此附錄陰獨此一爻與上六為應也自是惡模樣破

問壯于頄曰君子之去小人不必悻悻然見於面目至

於遇雨而為所濡濕雖為衆陽所愠然志在決陰必能

終去小人故亦可得无咎也蓋九三雖與上為應而實

以剛居剛有能決之象故壯于頄則有凶而和柔以去

之乃无咎如王允之於董卓溫嶠之於王敦是也淵有

愠也自是不能堪正如顏杲卿使安祿山受其衣服至

道間與其徒曰吾輩何為服此纂註蔡氏曰雨上也獨

歸而偕兵伐之正此類也砥行遇雨獨應乎上

也若濡不至為雨所濡也有愠有決之意也九四臀

以是為決決而无咎惟君子能之故稱君子正居則不安行則

无膚其行次且牽羊悔亡聞言不信以陽居陰不中不

不進若不與衆陽競進而安出其後則可以亡其悔然

當決之時志在上進必不能也占者聞言而信則轉凶

而吉矣牽羊者當其前則不進繼
之使前而隨其後則可以行矣
附錄 牽羊悔亡其說

纂註

蔡氏曰臀无膚後傷乎三也其行次且前犯乎五也次且不進貌羊兌象五也牽羊謂牽挽五而進

不暴可以免悔也聞言不信居位愚謂兌
不當雖聞牽羊之義亦不信也
有言象 九五覓陸

夬夬中行无咎

覓陸今馬齒覓感陰氣之多者九五當決之時為決之主而切近上六之陰如

覓陸然若決而決之而又不過暴合
於中行則无咎矣戒占者當如是也
附錄 覓陸是兩

齒覓陸者商陸皆感陰氣多之物也藥中用商陸其子
紅學蒙中行无咎言人能剛決自勝其私合於中行則

无咎但能補過而已未是極至處這是說那微茫間有
些个意思斷未得釋氏所謂流注想荀子謂偷則自行

便是這意思照管不著便走將那裏去爻雖無此意孔
子作象所以裨爻辭之不足如自我致寇敬慎不敗之

類甚多中行无咎易中却不恁地看言人上六无號終

有凶

陰柔小人居窮極之時黨類已盡無所號呼終必

附錄

總論一卦問以五陽決一陰君子盛而小人衰卦

嚴厲戒懼不可安肆邪曰觀上六一爻則小人勢窮无

號有凶之時而君子去之之道猶當如此嚴謹自做手

脚蓋不可以其勢衰而安纂註總論六爻徐氏曰夬決

意自肆也其為戒深矣銖纂註也盛進之五剛決衰

退之一柔其勢若甚易然而聖人不敢以易而忽之故

戒備者無所不至又曰君子自治甚嚴治人甚寬固不

為疾惡之已甚未嘗容惡而不去也俾小人自知惡大

罪積不可久居其上而甘心于退屈也衆剛從而決之

則不勞餘力一決而為乾矣若虞朝之去四凶周室之

誅三監，謫賢材之盛，无復爭勝之憂，是得決之義也。後世衆賢在位，得時得君，其始未嘗不欲去小人以除君側之惡，大抵不知夫夫之義，而勇於一決，機失事敗，禍亂相尋，卒貽衆君子之害，而家國從之者，何可勝數。可不戒哉。

三三

巽下

姤女壯，勿用取女。

姤，遇也。決盡則為純乾，四

見而為五月之卦，以其本非所望，而卒然值之，如不期而遇者，故為遇。遇已非正，又一陰而遇五陽，則女德不貞，而壯之甚也。取以自配，附錄。不是說陰漸長為女壯，必害乎陽，故其象占如此。附錄。乃是一陰遇五陽，大率一个女遇五陽，是个不正當底。如人盡夫也之事，淵。纂。上面五爻皆陽，下面只一陰，五陽便立不佳了。大雅。纂。註：程子曰：一陰始生，自是而長，漸以盛矣。是女之將壯，長也。陰長，則陽消。女壯，則男弱，故戒勿用。取如是之壯。

女取女者欲其柔順從以成家道始乃方進之陰漸壯而敵陽者是以不可取也女漸壯則失男女之正家有漸壯之道所以陰戒也初六繫于金柅貞吉有攸往

見凶羸豕孚蹢躅

柅所以止車以金為之其剛可知一陰始生靜貞則吉往進則凶故以二

義戒小人使不害於君子則有吉而无凶然其勢附錄不可止也故以羸豕蹢躅曉君子使深為之備云

歐公章疏言地震山石崩入于海某謂正是羸豕蹢躅之義當極治時已栽培得這般物事在這裏了故直至

如今纂註徐氏曰金柅謂二繫牽也柔方進而遇二則道夫纂註牽於二而止故曰繫于金柅豕陰躁之物羸

豕初象蹢躅跳躑也豕雖羸弱性必躁九二包有魚无動言陰雖微而其勢漸進信不可止也

咎不利賓

魚陰物二與初遇為包有魚之象然制之在已故猶可以无咎若不制而使過於衆則其

為害廣矣故纂註程子曰始遇也二與初密比相遇者其象占如此

遇為重包者直裹也魚陰物故初取魚象二於初九三若能固畜之如包直之有魚則於遇為无咎矣

臀无膚其行次且厲无大咎初三无過剛不中下不遇於初上无應於上居則不安

行則不進故其象占如此然既无所遇纂註徐氏曰剛則无陰邪之傷故雖危厲而无大咎也

位而承乘皆剛後傷乎二前犯乎愚謂始者夫之反四故有臀无膚其行次且之象

九四故皆有臀无膚九四包无魚起凶初六正應已遇於九四故其行次且之象

其象占纂註徐氏曰四與初為正應宜相遇也遇先於如此

應而无得故曰包无魚起妄動也彼得則此失四既失所遇安處順守可也苟妄動而求必得之則凶矣九

五以杞包瓜含章有隕自天

善潰杞高下者甘美而

五以陽剛中正主卦於上而下防始生必潰之陰其象
如此然陰陽迭勝時運之常若能含晦章美靜以制之
則可以回造化矣有隕附錄有隕自天言能回造化則
自天本无而條有之象附錄陽氣復自天而隕復生上
來都換了上九姑其角吝无咎居上而无位不得其過
這時節淵上九姑其角吝无咎居上而无位不得其過
故其象占纂註徐氏曰上九處姑之窮與初无過雖吝
與九三類纂註然亦无咎陰不必過也總論六爻蔡氏
曰姑者以一柔遇剛而成卦遇非正道惟近者得之而
正應者反凶也二最近故先有之三之厲以隔乎二而
不遇也五之含蓄雖无相遇之道而處位中正也
上之吝最遠而窮也四之起凶遇不利正應也

三三

坤下
兌上

萃亨王假有廟利見大人亨利貞用大牲吉

利有攸往

萃聚也坤順兌說九五剛中而二應之又為澤上於地萬物萃聚之象故為萃亨字衍文

王假有廟言王者可以至乎宗廟之中王者卜祭之吉占也祭義曰公假于太廟是也廟所以聚祖考之精神又必能聚已之精神則可以至於廟而承祖考也物既聚則必見大人而後可以得亨然又必利於貞所聚不貞則亦不能亨也大牲必聚而後有聚附錄大率人之則可以有所往皆占吉而有戒之辭

附錄

大率人之精神聚於

已祖之精神聚於廟今人擇日祀神多取神在日亦取聚意銖問卦取聚之意曰數句是占辭非發明萃聚之意也此是諸儒說易之大病非聖纂注徐氏曰大人五人繫辭而明吉凶之意答潘謙之

纂注

也貞二五位正

也當萃之時利見大人則萃道亨也然必利於貞聚不以正其能亨乎大牲血祭之盛也物萃則用大牲以祭所以稱其萃之義也故吉時萃則動无不順故利有攸往程子曰王者萃聚天下之道至於有廟極也羣生至

衆也而不可一其歸仰人心莫知其鄉也而能致其誠敬
鬼神之不可度也而能致其來格天下萃合人心總攝
衆志之道非一其至大莫過於宗廟故王初六有孚不
者萃天下之道至於有廟則萃道之至也

終乃亂乃萃若號一握為笑勿恤往无咎

初六上應九四而隔於二

陰當萃之時不能自守是有孚而不終志亂而妄聚也
若號呼正應則衆以為笑但勿恤而往從正應則无咎
矣戒占者當如是也六二引吉无咎孚乃利用禴

二應五而雜於二陰之間必牽

引以萃乃吉而无咎又二中正柔順虛中以上應五剛
健中正誠實而下交故卜祭者有其孚誠則雖薄物亦
可以纂註徐氏曰二五正應宜萃也二以柔居柔中類
祭矣纂註聚而安於下五以衆歸於四有位而匪孚雖
應猶未萃也人之情相求則合相持六三萃如嗟如无
則睽二五本應相引而萃則吉无咎

攸利往无咎小吝

六三陰柔不中不正上无應與欲求萃於近而不得故嗟如而无所利唯

往從於上可以无咎然不得其萃困然後復得陰極无位之爻亦可小羞矣戒占者當近捨不正之彊援而

遠結正應之窮交則无咎也

九四大吉无咎

上比九五下比衆陰得其萃矣然以陽居陰不

正故戒占者必大

纂註

蔡氏曰大者周徧之意下得乎君大之義也居臣位

吉然後得无咎也而據有衆柔非萃之正必上下周徧乃為

九五萃有位

无咎匪孚元永貞悔亡

九五剛陽中正當萃之時而居尊固无咎矣若有未信則亦脩

其元永貞之德而悔亡

附錄

問九五以陽剛中正當萃之時而居尊位安得又有

矣戒占者當如是也匪孚曰此言有位而无德則雖萃而不能使人信故人有不信當脩其元永貞之德而後悔亡也

纂註

程子曰元永貞者君之德民所歸也故上六齋咨涕洟

无咎處萃之終陰柔无位求萃不得故附錄厚齋馮氏

說也說極而悲愚謂允體故有

三三巽下升元亨用見大人勿恤南征吉升進而上也

上居四內巽外順九二剛中而五附錄南征吉巽坤二

看命人虛拱纂註徐氏曰大人二也用見大人五當應

二剛中之臣以升于治勿憂勿退但初六允升大吉初

柔順居下巽之主也當升之時巽於纂註程子曰初以

二陽占者如之則信能升而大吉矣

下上承九二之剛巽之至者也二以剛中之德上應於君當升之任者也允信從也初之柔巽惟信從於二信二而從之同九二孚乃利用禴无咎義見愚謂萃六升乃大吉也為孚而與九五應升九二以中實為孚而九三升虛邑與六五應虛實雖不同而孚則一而已陽實陰虛而坤有國邑之象九三以陽剛當升時而進臨於坤故其象占如此纂註徐氏曰九臨於坤前无疑礙如入六四王用亨于岐山吉无咎義見

隨附錄張洽問亨于岐山曰只是享字時舉此是王者有事于山川之卦人傑王亨于岐山與亨于西

山只是說祭山川淵總論萃升卦問升萃二卦多是言祭享萃固取聚義不知升何取義曰人積其誠意以事鬼神有升而愚謂本義於隨卦就周言岐山則王指上通之義錄文王孟子曰太王邑於岐山之下居焉

則文王亦居岐也

六五貞吉升階

以陰居陽當升而居尊位必能貞固則可以得吉而升階

矣階升附錄

通論萃九五爻升六五貞吉升階與萃有

之易者附錄位匪孚元永貞悔亡皆謂其有位必當有

其德若無其德則萃雖有位而人不

信雖有升階之象而不足以升矣

上六冥升利于不

息之貞

利以陰居升極昏冥不已者也占者遇此無適而

而纂註

程子曰六以陰居升之極昏冥於升知進而不知止者其為不明甚矣君子於貞正之德終日

已纂註

知止者其為不明甚矣

乾乾自強不息如六上六不己之心移於進善則何善如之

也三三坎下困亨貞大人吉无咎有言不信困者窮而不

所以為困坎險兌說處險而說是身雖困而道則亨也

二五剛中又有大人之象占者處困能亨則得其貞矣
非大人其孰能之故曰貞又曰大人者明不正之小人
不能當也有言不信又戒以當附錄困卦難理會不可
務晦默不可尚口益取困窮附錄曉易中有數卦如
此繫辭云卦有小大辭有險易辭也者各指其所之困
是箇極不好底卦所以卦辭也做得如此難曉如蹇剝
否睽皆是不得窮極底卦所以難曉其大意亦可見箇
是箇進退不得窮極底卦所以難曉其大意亦可見箇
纂註徐氏曰兌口不掩言象坎剛中有孚信象坎兌相
誰信之困且初六臀困于株木入于幽谷三歲不覿
窮而已故戒初六臀困于株木入于幽谷三歲不覿
之底也困于株木傷而不能安也初六以附錄初六在
陰柔處困之底居暗之甚故其象占如此附錄困之下
至困者也株木不可坐臀在纂註徐氏曰株木根株无
株木上其不安可知學蒙枝葉之木在下初象

幽谷幽深之谷坎陷象覲見也初柔本與四應困而在

下故有臀困于株木之象坎陷益下又有入于幽谷三

歲不覲之象不

九二困于酒食朱紱方來利用享祀征

覲初不見四也

凶无咎

困于酒食厭飫苦惱之意酒食人之所欲然醉

飽過宜則是反為所困矣朱紱方來上應之也

九二有剛中之德以處困時雖無凶害而反困於得其

所欲之多故其象如此而其占利以享祀若征行則非

其時故凶而於附錄問厭飫於所欲如何曰此是困於

義為无咎也附錄問厭飫於所欲如何曰此是困於

有困於无咎也

附錄問厭飫於所欲如何曰此是困於

感時花濺淚恨別為驚心花鳥好娛戲底物這時却發

人不底意思是因好物困也酒食厭飫亦是如此淵

問朱紱方來利用享祀曰以之事君則君應之以之祀

神則神

應之輝

六三困于石據于蒺藜入于其宮不見其妻凶

陰柔而不中正故有此象而其占則凶石指四疾附錄

六三陽之陰上六陰之陰故纂註程子曰石堅重難勝

之物三以剛險而上進則二陽在上力不能勝堅不可

犯益自困耳困于石也以不善之德居九二剛中之上

其不安猶藉愚謂蒺藜九四來徐徐困于金車吝有

刺據蒺藜也蒺藜坎象九四來徐徐困于金車吝有

終初六九四之正應九四處位不當不能濟物而初六

故其占雖為可吝而必有終也金纂註徐氏曰來謂初

車為九二象未詳疑坎有輪象也來應也徐徐緩

貌九五鼻剛困于赤紱乃徐有說利用祭祀於上下上

下既傷則赤紱无所用而反為困矣九五當困之時上

為陰揜下則乘剛故有此象然剛中而說體故能遲久

而有說也占具象中附錄通論六二爻問二五皆利用
又利祭祀久當獲福祭祀是如何曰它得中正又
似取无應而心專一底意思淵朱紱赤紱若如程傳說
朱紱王者之服赤紱臣下之服使書傳說臣下皆是赤
紱則可詩中却有朱紱斯皇一愚按赤紱則詩侯人
句是說方叔於理又似不通淵三百赤紱采芣赤紱
在股天子所予車攻赤紱金縵記王藻一命緼紱幽衡
再命赤紱幽衡三命赤紱葱衡大夫以上赤紱乘軒則
赤紱為臣下服明矣若朱紱則采芣云方叔受其命服
朱紱斯皇乃方叔受命之服方叔周宣王卿士斯干云
朱紱斯皇乃宣王所生子之服程傳未知何據惟白虎
通云紱者蔽也行以蔽前天子朱紱諸侯赤紱註疏家
亦云天子諸侯大夫士紱各有制程傳纂註徐氏曰徐
想本此但於經无證耳紱紱並通用纂註有說謂二
五中直同德相應始雖未應緩則應也蔡氏上六困于
曰享狹而祭廣君臣之位不同故所用亦異上六困于

葛藟于臲卼曰動悔有悔征吉

以陰乘處困極故有困于葛藟于臲卼曰動悔

之象然物窮則變故其占曰纂注徐氏曰葛藟纏繞之若能有悔則可以征而吉矣纂言物臲卼危動之狀位高象震无咎者存乎悔言困已極矣有悔則可出困而征吉矣困窮而通其謂是夫葛之草詩

疏云一名巨荒似蔓連蔓而生爻乘象臲卼乘剛不安象

三三

巽下坎上

井改邑不改井无喪无得往來井汔至亦

未繙井羸其瓶凶

井者穴地出水之處以巽木入乎坎水之下而上出其水故為井改邑不

改井故无喪无得而往者來者皆井其井也汔幾也繙綆也羸敗也汲井幾至未盡綆而敗其瓶則凶也其占為事仍舊无得喪而又當附錄井是那般不動底物事敬勉不可幾成而敗也

至是作一句亦未繙井羸其瓶是一句意幾至
而止如綆未及井而瓶敗言功不成也學蒙纂註徐氏

曰以卦體言初柔為泉眼二三剛為泉實四柔為井中
空處五剛為泉實已汲將出井也上柔為井空處也有

全井象程子曰邑可改而之它井不可遷也故曰改邑
不改井汲之而不竭存之而不盈无喪无得也至者皆

得其用往來井井也无喪无得初六井泥不食舊井无
其德也常往來井井其用也周初六井泥不食舊井无

禽井以陽剛為泉上出為功初六以陰居下故為此象
蓋井不泉而泥則人所不食而禽鳥亦莫之顧矣

纂註徐氏曰初六陰柔在井之下有泥象又曰人品污
下不能強於為善无用於世為人所棄觀於此爻

可以知所九二井谷射鮒甕敝漏然上无正應下比初
當勉矣

六功不上行附錄鮒沙隨以為纂註徐氏曰井谷者井
故其象如此井有蝦蟆廣旁穴也射下注也

與泥中微物蛙屬謂初甕汲水瓶也九二剛中上无應
實可汲而在甕敝漏之象在井而射甕在甕而敝漏皆
无與之故也嘗謂人才生世自非果於恭棄甘為下流
之歸者不可與為善苟陽剛之稟資質之美者皆可以
進德良由上无應與而為之誘掖汲引者故上達之難
下達之

九三井渫不食為我心惻可用汲王明並受其

福渫不停污也井渫不食而使人心惻可用汲矣王明
則汲井以及物而施者受者並受其福也九三以陽

居陽在下之上而未為附錄兩句是占大槩是說理決
時用故其象占如此

不是說汲井又曰若非王纂註徐氏曰渫潔治也惻傷
明則无以收拾人才淵

渫之象在下故又有不食之象有清潔之泉而不見食
其心寧不惻然有感故為我心惻可用汲者與上為應

亦有可使汲之道王明謂五也三與五皆陽剛五之剛即三之潔者也五上出三應上五食則三亦食故曰王明並受六四井甃无咎泉則但能脩治而无及物之功其福

故其象為井甃而占則无咎占者能自脩纂註徐氏曰治則雖無及物之功而亦可以无咎矣

也四下乘井潔之剛雖才柔未能上出然无初之泥非二之谷上承井冽之剛將上出矣砌甃其井脩治之使

勿壞雖未有濟物九五井冽寒泉食冽潔也陽剛中正之功亦可无咎

象占者有其德纂註程子曰五以陽剛中正居高位其則契其象也

冽謂甘潔也井泉以寒為美甘潔之寒泉可為人食也於井道為至善也然而不言吉者井以上出為成功未

至於上未上六井收勿幕有孚元吉收汲取也晁氏云及用也

亦通幕蔽覆也。有孚謂其出有原而不窮也。井以土出為功而坎口不揜故上六雖非陽剛而其象如此然占者應之則必有附錄。收雖作去聲讀。纂註程子曰他卦孚乃元吉也。附錄義只是收也。淵纂註之終為極為變唯井與鼎終乃為成功是以吉也。總論六爻西溪李氏曰初井泥二井谷皆廢井也。三井渫則渫初之泥四井甃則甃二之谷既渫且甃則井道全也。故五井冽而泉寒上井收而勿幕功始及物而井道大成矣。井冽而泉寒上井收而勿幕功始及物而井道大成矣。

三三

離上

革已

日乃

孚元

亨利

貞悔亡

革變革也

離火在下

在下

火然則水乾水決則火滅中少二女合為一卦而少上中下志不相得故其卦為革也。變革之初人心未之信故必已日而後信又以其內有文明之德而外有和說之氣故其占為有所更革皆大亨而得其貞所革皆當而所革之悔亡也。一有不貞則附錄。通論睽革卦問革與所革不信不通而反有悔矣。附錄睽相類睽上火下澤

則不相入此火在澤下有變革之理睽中女在前少纂
女在後有相離之義而此以中女繼少女故曰革纂

註王氏曰民可與習常難與通變可與樂成難與慮始
革之道即日不孚已日乃孚也蔡氏曰革不可遽必

已日而後革已日二日也徐氏曰元亨利貞悔亡者變
有大通之理也然必利於貞則其悔可亡變不以貞則

事有不可勝悔者古初九鞏用黃牛之革雖當革時居
人所以重改作也初九鞏用黃牛之革初無應未可

有為故為此象鞏固也黃中色牛順物革所以固物亦
取卦名而義不同也其占為當堅確固守而不可以有

為聖人之於變六二已日乃革之征吉无咎六二柔順
革其謹如此

大明之主有應於上於是可以革矣然必已日然纂註
後革之則征吉而无咎戒占者猶未可以遽變也纂註

蔡氏曰一爻為一日過於初故曰已日已日乃九三征
可革以時征即革之謂五剛為應故吉而无咎九三征

凶貞厲革言三就有孚

過剛不中居離之極躁動于革者也故其占有征凶貞厲之戒

然其時則當革故至於革言三就則亦有孚而可革也附錄革言三就言三番結

量這个是當革不當革說或一番又更如此纂註蔡氏

商量一番然後說成了却不是三人來說淵纂註曰處

革之後猶征不已則凶若一於貞固失繼革之義則危

就成也初未可革二則革之三則有孚故曰三就有孚

緡雲馮氏曰下卦之終九四悔亡有孚改命吉以陽居

火進遇澤故征凶也悔然卦已過中水火之際乃革之時而剛柔不偏又革

之用也是以悔亡然又必有孚然後革乃可獲吉明占

者有其德而當其時又必纂註蔡氏曰革則有悔悔亡

有信乃悔亡而得吉也

革而當也當則人心皆

信之矣故可改前之九五大人虎變未占有孚

虎大人之象變

命令湯武革命是也

九

五

大

人

虎

變

未

占

有

孚

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

之

象

變

謂希革而毛毯也。在大人則自新新民之極順天應人。之時也。九五以陽剛中正為革之主。故有此象占而得。此則有此應。然亦必自其未占之附錄。或問大人虎變。時人已信其如此。乃足以當之。爾附錄是就事上變。君子豹變。是就身上變。曰豈止是事上也。從裏面做出來。這个事却不只是空殼子。做得文王其命維新。也是它。自新後如此。堯克明俊德。然後黎民於變。大人虎變。正如孟子所謂所過者化。所存者神。上下與天地同流。豈曰小補之哉。補只是這個裏破補這一些。如聖人却是渾渾淪淪都換過了。如爐鞴相似。補只是錮露聖人都是渾淪換。纂註蔡氏曰。剛居中。正故曰大人虎變。象虎變威過。纂註德變動自然變化之義。占問決也未占有孚。孚之上六。君子豹變。小人革面。征凶。居貞吉。革道已成。素也。上六。君子豹變。小人革面。征凶。居貞吉。君子如豹之變。小人亦革面以聽從矣。不可以往而居貞則吉。變革之事非得已者。不可以過。而上六之才亦不可以有。

行也故占附錄總論六爻革下三爻有謹重難改之意者如之

故而為新也下三爻則變而為新事矣故漸漸好曰然又曰乾其先上三爻則變而為新事矣故漸漸好曰然又曰乾卦到九四爻謂乾道乃革纂註徐氏曰豹虎屬亦兌象也是到這方變了學蒙豹變謂如豹之變其文蔚然居柔變化小於虎也小人頑而難孚至此已革其外貌而從之矣此承上爻而言革道已成征則凶居貞則吉天下之事始則患其難革終則患其難守居貞之吉故於革之終言之

三三

巽下離上

鼎元吉亨

鼎亨飪之器為卦下陰為足二三四陽為腹五陰為耳上陽為鉉有

鼎之象又以巽木入離火而致亨飪鼎之用也故其卦為鼎下巽巽也上離為目而五為耳有內巽順而外聰明之象卦自巽來陰進居五而下應纂註徐氏曰巽下九二之陽故其占曰元亨吉衍文也離上柔居五

位得中應剛大善而亨通也故

初六鼎顛趾利出否得

妻以其子无咎

居鼎之下鼎趾之象也上應九四則顛

積焉因其顛而出之則為利矣得妻而因得其子亦由

是也此爻之象如此而其占无咎蓋因敗以為功因賤

貴也附錄或曰據此爻是凡事須用與它翻轉了却底

爻却因禍致福所謂不幸中之幸蓋鼎顛趾本是不好

意欲翻轉鼎趾而求利也人際得妻纂註徐氏曰妾初

是无緊要其重却在以其子處淵九二鼎有實我仇有疾

其子也言妾雖賤從子貴也

不我能即吉以剛居中鼎有實之象也我仇謂初陰陽

相求而非正則相陷於惡而為仇矣二能

是以剛中自守則初雖近不能以就之矣纂註徐氏曰怨是以其象如此而其占為如是則吉也

善之反也謂二五為正應而容比初柔陰陽相斥而非正是初為我仇也即就也初自顛趾有疾也不能就二

是我仇有疾不九三鼎耳革其行塞雉膏不食方雨虧我能即也故吉

悔終吉以陽居鼎腹之中本有美實者也然以過剛失中越五應上又居下之極為變革之時故為鼎

耳方革而不可舉移雖承上卦文明之腴有雉膏之美而不得以為人食然以陽居陽為得其正苟能自守則

陰陽將和而失其悔矣占者如附錄問鼎耳革是如何是則初雖不利而終得吉也

五鼎耳革元耳動不得革是換變之義它在上下之間與五不相當是鼎耳變革了不可舉移雖有雉膏而不食此是陽爻陰陽終必纂註徐氏曰鼎耳六五也革和故有方雨之吉學蒙

離象膏爻柔象雉膏謂六五也亦以鼎實取象三以陽剛之才而居巽之上其才足以有濟而於六五无相遇之道有革異之情故其行則不通於雉膏則不食猶人有才德而不為時用不得君之祿而食之也方雨虧悔終吉雨陰陽和合而成方雨且將雨也虧失也三懷才不遇有不足之悔然五有聰明之德三終上進之物方將和合而相得始雖有不足之悔九四鼎折足覆公餗其形渥凶晁氏而終獲相遇之吉也

曰形渥諸本作刑劇謂重刑也今從之九四居上任重者也而下應初六之陰則不勝其任矣故其象如此而

其占纂註蔡氏曰足初也餗鼎實也下應乎初初趾方凶也纂註顛故有折足之象足折則鼎覆而失其實矣

愚按邵氏聞見後錄云王弼注鼎其形渥凶以為沾濡之形也蓋弼不知古易形作刑渥作劇音屋故新

唐史元載贊用刑劇亦周禮劇誅云按元載以罪誅贊云易稱鼎折足其刑劇諒哉周禮秋官司烜氏軍旅脩

火禁邦若屋誅鄭司農云屋誅謂夷三族屋讀如其刑劉之劉謂所殺不於市而以適甸師氏者也六五

鼎黃耳金鉉利貞

五於象為耳而有中德故云黃耳金鉉貫耳以舉鼎者也五虛

中以應九二之堅剛故其象如此而其占則利附錄五

只為上已當玉鉉了却下取九二之應來纂註程子曰

當金鉉蓋推排到這裏无去處了淵錄纂註五在鼎

上耳之象也鼎之舉措在耳為鼎之主也鉉加耳者也

二應於五來從於耳者鉉也二有剛中之德陽體剛中

色黃故為金鉉五文明得中而應剛二剛中巽體而上

應相應至善矣所利在貞固而已六五居中應中不至

於失正而贊本陰柔

故戒以貞固於中也

上九鼎玉鉉大吉无不利為鉉而

以陽居陰剛而能溫故有玉鉉之象而其

纂註徐氏曰

占為大吉无不利蓋有是德則如其占也

欽定四庫全書

易附錄纂註

四

出為用鉉所以舉鼎也五與上皆在上故皆以鉉言金
一於剛玉則具剛柔之德玉鉉者上九爻剛而位柔也
大吉无不利
鼎道大成矣

三三

震上

震亨震來虩虩笑言啞啞震驚百里不喪匕

鬯

震動也一陽始生於二陰之下震而動也其象為雷
其屬為長子震有亨道震來當震之來時也虩虩恐

懼驚顧之貌震驚百里以雷言也所以舉鼎實鬯以秬
黍酒和鬱金所以灌地降神者也不喪匕鬯以長子言

也此卦之占為能恐懼則附錄震來虩虩是震之初震
致福而不失其所主之重附錄得來如此言人常似那

震來時虩虩地便能笑言啞啞到得震驚百里時也不
喪匕鬯這個相連做一串下來淵震卦震亨至不喪匕

鬯作一項看後來出可以守宗廟社稷又做一項看震
便自是亨震來虩虩是恐懼顧慮而後便笑言啞啞震

驚百里便也不喪七鬯文王語以是解震亨了孔子又
自說長子事文王之語簡重精切孔子之言方始條暢
須折開看方得破震主器事未必彖纂註徐氏曰當震
辭便有此意看來只是傳中方說淵纂註之來則恐懼
齟齬然也先震而後定則愚謂啞啞恐懼尚未全散
先恐而後安笑言啞啞也貌鬱金按周禮鬱人註鬱
金香草築鬱金煮之以和鬯酒鄭司農云十葉為貫百
二十貫為築煮之焦中停於祭前鬱草若蘭鬯人註云
鬯釀秬為酒芬芳條暢於上下初九震來虩虩後笑言
也秬黑黍大暑而種故曰黍

啞啞吉

成震之主處震之
初故其占如此

纂註

蔡氏曰震之用在下初
與四皆在卦之下而四

泥於柔而未光初則
无係必達於上故吉

愚謂初九爻辭與卦辭同
者以其為成卦之主故耳六二

震來厲億喪貝躋于九陵勿逐七日得

六二乘初九之
剛故當震之來

而危厲也。億字未詳。又當喪其貨貝而升於九陵之上。然柔順中正足以自守。故不求而自獲也。此爻占具象中。但九陵七日。纂註。蔡氏曰。震來初也。厲二也。初震而之象。則未詳耳。纂註。上故危萬萬為億。億猶大也。貝所高之資也。其來也盛。故大喪其所有也。躋升也。九陵至高之陵也。遂追也。七日卦有六位。七乃更始也。雖大有所喪事。既終時。六三震蘇蘇震行无眚。蘇蘇緩散。自失之既易。當自復也。六三震蘇蘇震行无眚。狀以陰居陽。當震時而居不正。是以如此占者。若因懼。纂註。徐氏曰。三去而能行。以去其不正。則可以无眚矣。纂註。初雖遠而處位不當。初震之來。其勢猶未及已。行而去之。乃可无眚。九四震遂泥。以剛處柔。不正。陰之間不能自震也。遂。愚按。漢五行志。李奇曰。震者无反之意。泥滯溺也。有互體坎水象。四為泥在震中。故曰六五震往來厲億无喪有事。震以六居五而處震遂泥。震時无時而不

危也以其得中故無所喪而能有事
纂註蔡氏曰震往也占者不失其中則雖危无喪矣
來匹也厲五

也愚謂證以六二爻則五乘乎四往來正指四言蓋此

爻實與二爻相似而相反二曰震來厲五曰震往來

厲二曰億喪貝五曰億无喪有事所以相似者以重卦

言之上卦之五實即下卦之二所以相反者二乘乎初

初之來也有可畏之勢故其爻厲而有喪五乘乎四四

既下牽於柔來而復往以至遂泥則其震緩矣故其爻

雖厲而无喪
上六震索索視矍矍征凶震不于其躬于

所以不同

其鄰无咎婚媾有言
以陰柔處震極故為索索矍矍之象以是而行其凶必矣然能及其

震未及其身之時恐懼脩省則可以无咎而附錄上六

亦不能免於婚媾之有言戒占者當如是也

好但能恐懼於未及身之時可纂註徐氏曰索索志氣

得无咎然亦不免它人言語砥纂註不存之貌當震而

懼氣索然也。矍矍不定之貌。氣索而目亦為之動也。三則初震尚及故行。則无青上。則四震不及征。則凶矣。言不當行也。躬謂上鄰。謂五四震往來勢緩。力弱不能及上。故曰不于其躬。僅能及五。故曰于其隣。震緩如此。宜無咎也。與三元應。故婚媾有言。

三三

艮上 艮下

艮其背。不獲其身。行其庭。不見其人。无咎。

艮止

也。一陽止於二陰之上。陽自下升。極上而止也。其象為山。取坤地而隆其上之狀。亦止於極而不進之意也。其占則必能止于背。而不有其身。行其庭而不見其人。乃无咎也。蓋身動物也。唯背為止。艮其背。則止於所當止也。止於所當止。則不隨身而動矣。是不有其身也。如是則雖行於庭。除有人之地。而亦不見其人矣。蓋艮其背而不獲其身者。止而止也。行其庭而不見其人者。行而止也。動靜各止其所。而皆主夫靜焉。所以得无咎也。

附錄

良其背背只言止人之四體皆能動惟背不動取止之義也德明止於所當止渾只見道理合當如

此人自家一分不得着一些私意不得不獲其身不干自家事淵又曰欲出於身人纔要一件物事便須以身已去對副它若无所欲却只恁地平平過便似无此身一般了賀孫又曰不獲其身但見得事之當止不見此身之為利害纔將此身預其間則道理便壞了古人所以殺身成仁舍生取義者只為不見此身方能如此學蒙看此段工夫全在良其背上人多是將行其庭對此句說便不是了行其庭則是輕說過緣良其背既盡得了則不獲其身行其庭不見其人矣良其背是止於所當止之地不獲其身行其庭不見其人萬物各止其所便都統一是一理也不見有已不見有人都只見此理學蒙伯豐問此莫是舜禹有天下而不與之意否曰不相似如遺書中所謂百官萬務金革百萬之衆飲水曲肱樂在其中萬變皆在人其實无一事是此般氣象人傑

明道曰與其非外而是內不若內外之兩忘也說得最好便是不獲其身行其庭不見其人不見有物不見有我只見其所當止也如為人君止於敬不知下面道如何只是我當止於仁為人臣止於敬不知上面道如何只是我當止於敬只認我所當止也以至父子夫婦朋友大事小事莫不皆然賀孫此段分作兩截却是艮其背不獲其身是靜之止行其庭不見其所以止時自不獲說則艮其背是止之時當其所止了所以止時自不獲其身行時自不見其人此三句乃艮其背之效驗所以象辭先說止其所也上下敵應不相與也却云是以不獲其身行其庭不**初六艮其趾无咎利永貞**以陰柔居見其人也學蒙

趾之象占者如之則无咎而又纂註程子曰六在最下以其陰柔故又戒其利永貞也

纂註

程子曰六在最下

其趾止於動之初也事止於初未至失止故无咎也以柔居下患其不能常也不能固也故方止之初戒以利

在常永貞固則六二艮其腓不拯其隨其心不快
不失止之道也
得正既止其腓矣三為限則腓所隨也而過剛不中以
止乎上二雖中正而體柔弱不能往而拯之是以其心
不快也此爻占在附錄中則勉而隨之不得以拯三之不
象中下爻放此
恐惟字未的當若不拯而惟隨則如樂正子之於子救
冉求之於季氏也當只言不拯其所隨故其心不快如
孔孟之於時君諫不行言不聽則去而已勉而隨之恐
非時止之義荅云得之荅時與通論咸卦艮其腓咸其
腓二卦皆就人身上取義而皆取靜如艮其趾言止其
動便无荅艮其腓腓亦是動物不能拯其隨所以其心
不快咸其腓亦是欲隨股纂註徐氏曰二有中正之德
而動動則凶不動則吉當纂註宜止不動然艮主在剛
故其隨在三三剛列寅不得止之宜二不能拯救其失
故曰不拯其隨以二之中正而柔弱不能拯其所隨豈

其所欲哉故九三艮其限列其夤厲薰心限身上下之

其心不快

九三艮其限列其夤厲薰心

際即腰胯也

夤脅也止于腓則不進而已九三以過剛不中當限之

處而艮其限則不得屈伸而上下判隔如列其夤矣危

厲薰心不

纂註

程子曰三以剛居剛而不中為成艮之

安之甚也纂註程子曰三以剛居剛而不中為成艮之

下之限皆為止義故為艮其限是確乎止而不復能進

退者也

乎得宜行止不能以時而定於一其堅強如此六四艮

則處世平戾與物睽絕其危甚矣故厲薰心

六四艮

六四艮

其身无咎

以陰居陰時止而止故為艮

纂註

徐氏曰諸

艮以身取象四當心位不言心者心不可見六五艮其

身者心之區宇也其身止則知其心之止矣

六五艮其

六五艮其

輔言有序悔亡

六五當輔之處故其象如此而

附錄說

賈誼固有才文章亦雄偉只是言語太迫失進言之序
看有甚事都一齊說了宜乎絳灌之徒不說而文帝謙
遜未遑也且如一間破屋教自家脩須有先後緩急之
序不成一齊拆了雜然並脩看它會做事底人便別如
韓信鄧禹諸葛孔明輩无不有一定之規模漸漸做將
去所以所為皆卓然有成這樣人方有定力會做事如
賈誼曾次終是鬧着事不得有些子在胸中盡要迸出
來只管跳躑爆趨不已如乘生駒相似制御它未下所
以言語无序而不能有所為也易曰纂註徐氏曰輔頰
艮其輔言有序聖人之意可見矣倘纂註車也在上之
象艮止其輔則言不妄出而有序矣以柔居
尊宜有悔矣以五不失其中故其悔可亡
上九敦艮
吉
以陽剛居止之極
敦厚於止者也
附錄
通論諸卦艮居外卦者八而
皆吉惟蒙卦半凶如賁
之上九白賁无咎上得志也大畜上九何天之衢道大
行也蠱之上九不事王侯志可則也頤上九由頤厲吉

大有慶也損上九弗損益之大得志也艮上九敦艮之吉以厚終也蒙上九擊蒙不利為寇利禦寇雖小不利然卦爻亦自好沈潛總論艮卦艮卦是箇最好底卦動靜不失其時其道光明剛健篤實輝光日新其德皆艮之象也憫艮就人身取象上一畫有頭之象中二陰有口之象所以艮其輔於五爻見內卦之下亦有足之象但咸艮皆以一人身為象纂註徐氏曰敦厚也乾上爻交但艮卦又差一位道夫纂註坤而為艮皆有厚象易諸爻取厚象者三敦臨敦復敦艮皆上卦坤艮下无應與能自厚其德為臨為復也艮之三與上皆艮之主三限於柔列夤薰心惟上以厚終止於至善所謂止其所者也故獨吉蔡氏曰艮止也其時用在至上與三皆所以為艮也三上牽二柔不得為艮之愚謂差一位咸九體矣全艮之時用者獨在乎上也四為心而艮九三為心咸上六為輔而艮六五為輔也大要欲以九當心以六當輔故不能不差一位爾

三三

艮下巽上

漸女歸吉利貞

漸漸進也為卦止於下而巽於上為不遽進之義有女歸之

象焉又自二至五位皆得正故其

纂註

程子曰即漸體

占為女歸吉而又戒以利貞也由二爻之交然後男女各得正位也天下之事進必以漸者莫如女歸臣之進於朝人之進於事固當有序

不以其序則凌節犯義凶咎隨之然以義之輕重

初六

鴻漸于干小子厲有言无咎

鴻之行有序而進有漸干水涯也始進於下未得所

安而上復无應故其象如此而其占則

纂註

蔡氏曰小

為小子厲雖有言而於義則无咎也

子幼稚也

柔居初故稱小子程子曰若漸之初而用

愚謂小六

剛急進則失漸之義不能進而有咎必矣

子艮象

二鴻漸于磐飲食衎衎吉

磐大石也漸遠於水進於磐而益安矣衎衎和樂意六二

柔順中正進以其漸而上有九五
之應故其象如此而占則吉也
纂註徐氏曰磐石之

矣愚謂坎體九三鴻漸于陸夫征不復婦孕不育凶
有飲食象

利禦寇鴻水鳥陸非所安也九三過剛不中而无應故
其象如此而其占夫征則不復婦孕則不育凶莫

甚焉然以其過附錄九三爻雖不好夫征不復婦孕不
剛也故利禦寇附錄育却利禦寇今術家擇日利婚姻

底日不宜用兵利婚姻戰底日不宜婚姻正是此意蓋用
兵則要相殺相勝婚姻則要和合故用有不同也學蒙

夫征不復婦孕不育纂註徐氏曰陸平原也又進於磐
是取離為大腹象矣夫謂三婦謂四與小畜同

義三四位皆不中相比而无應相比則相親而易合无
應則无道而相求夫陽也征往也三說四陰往不以正

故征則不敢復也婦陰也孕得陽也四從三陽合不以
正故孕則不敢育也其凶宜矣蓋因卦有女歸之象故

以夫婦言禦寇艮止象此爻占凶凡皆不利惟利用禦寇謂情好相比可濟患難也六四鴻漸于

木或得其桷无咎

鴻不木棲桷平柯也或得平柯則可以安矣六四乘剛而順巽故其象如

此占者如之

纂註

程子曰鴻趾連不能握枝故不木棲

謂四之處本危或能自得安寧之道則无咎也九五鴻漸于陵婦三歲不孕終

莫之勝吉

陵高阜也九五居尊六二正應在下而為三

占者如是

纂註

程子曰三比二四比五皆陽其父者也

則吉也纂註程子曰三比二四比五皆陽其父者也

必亨之理不正者豈能隔害之故終莫之能勝但其合

有漸耳終得吉也以不正而敵中正一時之為耳久其

能勝

上九鴻漸于陸其羽可用為儀吉

胡氏程氏皆云陸當作遠謂雲

路也今以韻讀之良是儀羽旌旌纛之飾也上九至高出乎人位之外而其羽毛可用以為儀飾位雖極高而不為无用之象故其纂註程子曰羽鴻所用以進也上占為如是則吉也

巽之極必有其序如鴻之飛于雲空在人則超逸乎常事之外者也進至於是不失其漸賢達之高致也故可用為儀法

而吉也

三三

震上

歸妹征凶无攸利

婦人謂嫁曰歸妹少女也

而其情又為以說而動皆非正也故卦為歸妹而卦之諸爻自二至五皆不得正三五又皆以柔乘剛故其占征凶而无初九歸妹以娣跛能履征吉

初九居下而无

然陽剛在女子為賢正之德但為娣之賤僅能承助其君而已故又為跛能履之象而其占則征吉也

纂

註蔡氏曰：娣女弟也。謂媵屬女居下位，娣之象也。无應，言不行，故跛居位得當而近二，故能履適二而媵乎五也。故征吉。九二眇能視，利幽人之貞。眇能視，承上爻而得娣之正。九二眇能視，利幽人之貞，言九二陽剛得中，女之賢也。上有正應，而反陰柔不正，乃女賢而配不良，不能大成，內助之功，故為眇能視之象。而其占則利幽人，守正而不偶者也。抱纂註：眇居中，故能視。愚謂初二折象履卦六三亦六三歸妹以須，反歸以娣。六三陰柔，允體故取象同。六三歸妹以須，反歸以娣，而不中，正又為說之主。女之不正，人莫之取者也。故未纂註：徐氏得所適而反歸為娣之象，或曰：須女之賤者。纂註曰：須待也。三居下體之上，本非賤者，居位不當，為說之主。而上无應，女之不正，欲歸而未得，所適宜待也。而急於從人，无受之者，既不得為人配，而反歸為娣，是自賤也。夫人志在祿位，而不自重，欲速好進而甘於卑下，卒為人

所賤者何
以異此
九四歸妹愆期遲歸有時
而九四以陽居上體

輕從人而愆期以待所纂註徐氏曰愆期過時也以陽

歸之象正與六三相反纂註居上體是女尊貴而有賢

正之德也以其无應未得其歸是賢女不輕從人而難

於擇配故能愆期遲歸待得佳配而後行非如三之反

歸也以愚謂三為說主四為動主彖傳謂說以動所歸

姊也妹是也四男而三女明矣今爻辭四亦以女言

至於二爻稱賢女而以五為不良之配則二女而五男

也至五爻稱帝女以下應於二為下嫁之象則五又為

女而二又為男矣其六五帝乙歸妹其君之袂不如其

不可為典要類如此六五帝乙歸妹其君之袂不如其

姊之袂良月幾望吉六五柔中居尊下應九二尚德而

之象然女德之盛无以加此故又為纂註程子曰王姬

月幾望之象而占者如之則吉也

然至帝乙而後正婚姻之禮明男女之分雖至貴之女
不得失柔巽之道有貴驕之志故易中陰尊而謙降者
則曰帝乙歸妹泰六五是也貴女之歸惟謙降以從禮
乃尊高之德也不事容飾以說於人也娣媵者以容飾
為事者也衣袂所以為容飾也六五尊貴之女尚禮而
不尚飾故其衣袂不及其娣之袂良也良美好也月望
陰之盈也盈則敵陽矣幾望未至於盈也五之貴高常
不至於盈極則不亢其夫乃為吉也女之處尊貴之道
也

愚謂君女之尊稱謂五娣謂
初與三故兩爻皆稱娣也

上六女承筐无實士

刲羊无血无攸利

上六以陰柔居歸妹之終而无應約
婚而不終者也故其象如此而於占

為无所纂註誠齋楊氏曰震有虛筐象兌羊象上與三
利也

愚謂婦職助祭則以筐實蘋藻之屬諸侯大夫皆
親割牲取血以祭今无實无血是夫婦之禮不成而

祭祀无主此約婚不終而无攸利者也又惟以士女稱之未成夫婦之禮可見按左僖十五年晉獻公筮嫁伯姬于秦遇歸妹之睽史蘇占之曰不吉其繇曰士刲羊亦无盍也女承筐亦无貺也注盍血也貺賜也刲羊士之功承筐女之職上六无應所求不獲故下刲无血上承无實不吉之義也

三三

離上震下

豐亨王假之勿憂宜日中

豐大也以明而動盛大之勢也故其

占有亨道焉然王者至此盛極當衰則又有憂道焉聖人以爲徒憂无益但能守常不至於過盛則可矣故戒以勿憂宜附錄這問此卦後面又不得了好曰是忒豐大了日中也

之時當如奉盤水戰兢自持方无傾側滿溢之患若纔有纖毫驕矜自滿之心即敗矣所以此處極難紹聖中羣臣創爲豐亨豫大之說當時某論某人曰當豐亨豫大之時而爲因陋就簡之說君臣上下動以此藉口於

是安意肆志无所不為而大禍起矣個初九遇其配主雖旬无咎往有尚

配主謂四旬均也謂皆陽也當豐之時明動相纂註蔡

資故初九之遇九四雖皆陽剛而其占如此也纂註氏

曰初四爻皆剛則相敵理勢之常也惟豐盛之時事物

至多其明易藏故以剛明同德而相遇雖均无咎往有

尚謂往六二豐其蔀日中見斗往得疑疾有孚發若吉

應四也六二居豐之時為離之主至明者也而上應六五之柔

暗故為豐蔀見斗之象蔀障蔽也大其障蔽故日中而

昏也往而從之則昏暗之主必反見疑唯在積其誠九

意以感發之則吉戒占者宜如是也虛中有孚之象九

三豐其沛日中見沫折其右肱无咎沛一作旃謂幡幔

沫小星也三處明極而應上六雖纂註徐氏曰三與上

不可用而非咎也故其象占如此應上柔闇極甚

於二四所見益小故取見沫為象折毀也右肱謂上也
前為右右肱人之所用而最便者三欲用上之切如右
肱也上闇益甚失其所應愚謂三至五兌九四豐其
如折其右肱无所賴矣體有毀折象

部日中見斗遇其夷主吉

象與六二同夷等夷也謂初九也其占為當豐而遇暗主

下就同德則吉也

附錄

問九四近幽暗之君所以有豐其部日中見斗之象亦是它本身不中正所致

故象云位不當也纂註徐氏曰夷主謂四與初皆剛同
曰也是如此學蒙纂註德相應故初以四為配主四以
初為夷愚謂配者配合之義彼來為我配也夷者主
主也等夷之義與我為等夷也皆陽故皆曰主六

五來章有慶譽吉

質雖柔暗若能來致天下之明則有慶譽而吉矣蓋因其柔暗而設此以

開之占者能如纂註徐氏曰章謂二也二居文明之中
是則如其占矣纂註有章美之才者也來謂來之以

六五柔中之君而能來六二中正之臣資其開導之益則有慶且有譽矣此二五同德相照得處豐之道故吉

上六豐其屋蔀其家闕其戶闕其无人三歲不覿凶

陰

柔居豐極處動終明極而反暗者也故為豐大其屋而反以自蔽之象无人不覿亦言障蔽之深其凶甚矣

三三

艮上

離旅小亨旅貞吉

旅羈旅也山止於下火炎於上為去其所止而不處之象

故為旅以六五得中於外而順乎上下之二陽艮止而離麗於明故其占可以小亨而能守其旅之貞則吉旅非常居若可苟者然道无不在

纂註

徐氏曰小亨謂五柔居尊位小者亨

也初六旅瑣瑣斯其所取灾

當旅之時以陰柔居下位故其象占如此

纂註

徐氏曰瑣瑣猥細狀初以陰處下是柔弱卑賤之人既處旅困而鄙猥瑣細无所不至志意窮迫所向不通此

所以自六二旅即次懷其資得童僕貞

即次則安懷資則裕得其童僕

之貞信則无欺而有賴旅之最吉者也

纂註徐氏曰即

二有柔順中正之德故其象占如此

就也次舍

也資財貨也六二居位得中旅即次也上得乎

剛懷其資也下得乎柔得童僕也貞位當也九三旅

焚其次喪其童僕貞厲

過剛不中居下之上故其象占如此喪其童僕則不止於失其

心矣故貞字纂註徐氏曰三位高而近離有焚象童僕連下句為義初也柔本從剛三位高而不中无以

得童僕之心初柔為二所得則三喪其童僕也旅貴柔中旅之貞也三剛貞而不中危厲之道也故既焚其次

又喪其童僕所傷多矣九四旅于處得其資斧我心不快

以陽居陰處上

之下用柔能下故其象占如此然非其正位又附錄

无陽剛之與下唯陰柔之應故其心有所不快也

資斧有做齋斧說底資斧在離上說也自分曉纂註程

然而旅中亦豈可无備禦底物事這便是淵

纂註

程

曰四陽剛雖不中而處在上體下有用柔能下之象得

旅之宜也然非正位故雖得其處止不若二之就次舍

也徐氏曰才剛得其資斧也或曰資當作齊案漢書王

莽遣王尋屯洛陽將發亡其黃鉞其士房揚曰此經所

謂喪其齊斧者也應劭云齊利也愚謂離為戈六五

讀如齊衰之齊資齊音同誤作資兵故有斧象六五

射雉一矢亡終以譽命

雉文明之物離之象也六五柔

得此爻者為射雉之象雖不亡附錄易中凡言終吉

矢之費而所喪不多終有譽命也附錄者皆是初不甚

好學上九鳥焚其巢旅人先笑後號咷喪牛于易凶

上九

過剛處旅之上離之極驕而不纂註徐氏曰上位極高

順凶之道也故其象占如此鳥巢之象牛亦離

象

過謂鳥牛焚喪皆離象巢上象居高故笑焚巢故號咷喪牛于易與大壯五同驕先笑也不順喪牛

也皆致凶之道

三三

巽上巽下

巽小亨利有攸往利見大人

巽入也一陰伏於二陽之下其

性能巽以入也其象為風亦取入義陰為主故其占為小亨以陰從陽故又利有所往然必知所從乃得其正故又曰利纂註蔡氏曰小亨柔長也利有攸往柔皆見大人也纂註順乎剛也利見大人剛居二五也初

六進退利武人之貞

初六以陰柔居下為巽之主卑巽之過故為進退不果之象若以武

人之貞處之則有以濟纂註蔡氏曰進退巽柔不決也其所不及而得所宜矣纂註利武人之貞斷決也位剛故有九二巽在牀下用史巫紛若吉无咎二以陽處陰此象

安之意然當巽之時不厭其卑而二又居中不至已甚
故其占為能過於巽而丁寧煩悉其辭以自道達則可
以吉而无咎亦竭誠纂註徐氏曰牀人所安其體上實
意以祭祀之吉占也纂註下虛巽之象也九二雖剛然
居柔用巽過於所安故曰巽在牀下人之卑巽而過於
所安非恐怯則諄說皆非正也史祝史巫覡也紛若丁
寧煩悉之意過巽非宜惟用史巫煩悉其辭導達愚
誠意以事神明非畏非諄乃得中道吉且无咎也謂
牀巽木象史巫九三頻巽吝過剛不中居下之上非能
紛若互體兌象九三頻巽吝巽者勉為屢失吝之道也
故其象附錄頻巽不比頻復復是好事所以頻復為无
占如此附錄咎巽不是大故好底事九三别无伎倆為只
管今日巽了明日纂註蔡氏曰爻位皆剛勉強為巽六
又巽自是可吝

四悔亡田獲三品

陰柔无應承乘皆剛宜有悔也而以
陰居陰處上之下故得悔亡而又為

卜田之吉占也三品者一為愚案王制天子諸侯无

乾豆一為賓客一以充庖事則歲三田一為乾豆无

二為賓客三為充君之庖穀梁桓四年四時之田用三

焉唯其所先得一為乾豆云云注乾豆謂腊之以為祭

祀豆也九五貞吉悔亡无不利无初有終先庚三日後庚

三日吉也故得亡其悔而无不利有悔是无初也亡之

是有終也庚更也事之變也先庚三日丁也後庚三日

癸也丁所以丁寧於其變之前癸所以揆度於其變之

後有所變更而得此附錄此為卜模樣盡之先甲三日

占者如是則吉也與辛後甲三日是丁此卦先庚三日亦

是辛皆是古人祭祀之日但癸日不見用處淵纂註蔡

曰剛體近柔宜有悔位中上九巽在牀下喪其資斧貞

正故吉而悔亡无不利也

凶 巽在牀下過於巽者也喪其資斧失所以斷也如是則雖貞亦凶矣居巽之極失其陽剛之德故其象占

如纂註 總論六爻黃宗台曰巽以初與四為上初進退此纂註 四有獲何也初在下卦伏亦甚焉四在上卦巽

其揚揚矣凡巽不欲過二中吉五中正吉三過中故吝上窮巽故凶

三

兌上

兌亨利貞

兌說也一陰進乎二陽之上喜之見乎外也其象為澤取其說萬物

又取坎水而塞其下流之象卦體剛中而柔外剛中故說而亨柔外故利於貞蓋說有亨道而其妄說不可以

不戒故其占如此又柔外故為附錄 川壅為澤坎為川說亨剛中故利於貞亦一義也

流底却下一畫閉合時便成纂註 程子曰說致亨之道兌卦便是川壅為澤之象淵纂註 也能說於物物莫不

說而與之足以致亨然為說之道利於初九和兌吉 貞正非道求說則為邪諂而有悔咎 初九和兌吉 陽

爻居說體而處最下又纂註爻位皆剛不比於柔得說

之正和而不九二孚兌吉悔亡剛中為孚居陰為悔占

亡六三來兌凶陰柔不中正為兌之主上无所應九四

商兌未寧介疾有喜之柔邪故不能決而商度所說未

能有定然質本陽剛故能介然守正而疾惡纂註徐氏

柔邪也如此則有喜矣象占如此為戒深矣纂註曰兩

間謂之介分限也人有節守亦謂之介若介然守正而

疾遠邪惡將得君行道福慶及物為有喜也天下之理

是非不兩立公私不並行好善則疾惡從正則遠邪此

君子小人之分也然邪念未易去也自非介然剛特有

守之君子鮮不為邪柔之所移奪一牽於柔則將淪胥

而為小人之歸矣豈不可畏哉況夫以陽剛之才處近

君之位詔王以八柄馭臣者也所以奔走服役於其下而求說於我者无所不至況又與之親此者乎商兌未寧正天理人慾公私界限處不可不審所從也聖人以介疾有喜言之所以開示正道隄防邪心其意切矣

九五孚于剝有厲

剝謂陰能剝陽者也九五陽剛中正然當說之時而居尊位密近上六上

六陰柔為說之主處說之極能妄說以剝陽者也故其占但戒以信于上六則有危也

纂註徐氏

柔處說之極无他係應惟附五以求說也五位雖當上柔親附說而信之必至剝剛故曰孚于剝上六

引兌

上六成說之主以陰居說之極引下二陽相與為說而不能必其從也故九五當戒而此爻不言其

凶吉

三三

坎下巽上

渙亨王假有廟利涉大川利貞

渙散也為卦下坎上巽風

行水上離披解散之象故為渙其變則本自漸卦九來居二而得中六往居三得九之位而上同於四故其占可亨又以祖考之精神既散故王者當至于廟以聚之又以巽木坎水舟楫之象故利涉大川其曰利貞則占者之深附錄此卦只是卜祭吉又更宜涉川淵通論萃戒也

故可為聚祖考之精神而享祭之吉占渙卦既散而不聚不知何處有立廟之義恐是卦外之意謂渙散之時當聚祖考之精神耶為是下卦是坎有幽陰之義因此象而設立廟之義邪曰坎固是有鬼神之意然此卦未必是因此為義且作因纂註徐氏曰利貞不正而固則渙散而立廟說學棠纂註渙者終於渙而不復可聚矣五剛中初六用拯馬壯吉居卦之初渙之始也始渙故利貞

馬其吉可知初六非有濟渙之才纂註徐氏曰馬所用但能順乎九二故其象占如此

行速謂二剛也程子曰二有剛中之才初陰柔順兩皆
 无應无應則觀此相求初之柔順而託於剛中之才以
 拯其渙如得壯馬而致遠必有濟矣六爻獨初不云渙
 者離散之勢辨之宜早方始而拯之則不至於渙也
 愚謂馬坎象明夷三至九二渙奔其机悔亡九而居
 四亦有坎體故其象同九二渙奔其机悔亡二宜有
 悔也然當渙之時來而不窮能亡其悔附錄九二渙奔
 者也故其象占如此蓋九奔而二机也其机是以
 卦變言之自三來居二得中而不窮所以為安纂註徐
 如机之安也以人事言之是來就安處學蒙纂註氏
 曰奔來之急也机憑六三渙其躬无悔陰柔而不中正
 據以安者謂二也六三渙其躬无悔有私於己之象
 也然居得陽位志在濟時能散其私以得无悔故纂註
 其占如此大率此上四爻皆因渙以濟渙者也纂註
 徐氏曰三與上應上血去惕出而能遠害六四渙其羣
 三志在外故亦渙其躬之患害而无悔也六四渙其羣

元吉渙有丘匪夷所思

居陰得正上承九五當濟渙之任者也下无應與為能散其朋

黨之象占者如是則大善而吉又言能散其小羣以成大羣使所散者聚而若丘則非常人思慮之所及也成

附錄

老蘇云渙之六四曰渙其羣元吉夫羣者聖人之所欲渙以混一天下者也蓋六四能渙小人之私

羣成天下之公道此所以元吉也蘇說是渙了小小底羣隊併做一個東坡所謂合小以為大大以為一且如

我太祖取蜀取江南皆是渙其羣渙有丘之義道夫又曰六四一爻未見有大好處今爻辭却說得恁地浩大

皆不纂註徐氏曰羣同類也丘聚之高也夷等夷也猶可曉纂註豐九四遇其夷主之夷四本居二與初三皆

柔同類而等夷者也今柔進居四散其同類之私羣而上聚乎五故元吉渙下聚上渙有丘也匪夷所思言非

其等夷所能思及此也

九五渙汗其大號渙王居无咎

陽剛中正以居尊位

當渙之時能散其號令與其居積則可以濟渙而无咎矣故其象占如此九五巽體有號令之象汗謂如汗之出而不反也渙王居如陸贄附錄初渙汗其大號聖人當所謂散小儲而成大儲之意附錄初渙汗其大號聖人當字為象不為无意蓋人君之號令當出乎人君之中心由中而外由近而遠雖至幽至遠之處无不被而及之亦猶人身之汗出於中而浹於四體也道夫號令所當散如汗之出千毛百竅中迸散出來這個物出不會反却不是說那號令之出不當反只是取其如汗之散出自有不反底意思淵

上九渙其血去

逖出无咎
上九以陽居渙極能出乎渙故其象占如此血謂傷害逖當作惕與小畜六四同言渙其

血則去渙其
附錄
總論一卦渙卦亦不可曉只以大意惕則出也
看則人之所當渙者莫甚於已私其

次便渙散其它羣隊合以成大其次便須渙散其號令
與其居積以周於人其次便渙去患害人除渙是渙散

底意思物事有當散底號令纂註總論六爻蔡氏曰渙當散積聚當散羣隊當散淵散也以成卦言之則在二與四得以治渙言之則唯五與四當位故於五曰正位於四曰得位四能渙其羣而上同五能正王位而出令所以濟渙也初與三救渙者也三則自治其渙上則避渙而已

三三

坎兌

上節亨苦節不可貞

上節有限而止也為卦下兌坎澤上有水其容有限

故為節節固自有亨道矣又其體陰陽各半而二五皆陽故其占得亨然至於太甚則苦矣故又戒以不可守以為初九不出戶庭无咎居戶庭之外之庭也陽剛得正貞也初九不出戶庭无咎居戶庭之初未可以行能節而止者也故其九二不出門庭凶門庭內之庭也九二象占如此九二不出門庭凶當可行之時而失剛不正上无應與知節而不附錄之過雖非中道貴乎得中節知通故其象占如此

不節者如何便會凶如九二不出門庭雖是失時亦未失為恬退守節者乃為凶何也曰這處便局定不得若以占言之自有相應處眼下皆未見得若以道理言之則有可為之時乃不出而為之這便是凶之道不是別更有凶又曰時乎時乎不再來如何可失戶庭是初爻之象門庭是第二爻之象戶庭未出去在門庭則已稍出矣就爻位上推戶六三不節若則嗟若无咎陰柔而庭主心門庭主事淵六三不節若則嗟若无咎陰柔而者故其象占如此纂註徐氏曰三柔不中正而處說之以當節時非能節纂註極說而不知節者也說極則悲故曰不節若則嗟若不節之嗟六四安節亨柔順得正已所自致无所歸咎故曰无咎六四安節亨柔順得正自然有節者也附錄安節是安纂註蔡氏曰安者順而故其象占如此附錄穩自在纂註无所勉強之謂當位故安得九五甘節吉往有尚所謂當位以節中正以通者也故其象占如此

附錄

九五甘節與禮之用和為貴相似是

上六苦節貞

凶悔亡

居節之極故為苦節既處過極故雖得正而不免於凶然禮奢寧儉故雖有悔而終得亡之也

纂註

程子曰固守則凶

愚謂卦辭戒苦節之不可貞而上以苦節為貞而至於凶悔雖亡而凶不以

可免信矣苦節之不可為貞也

三三

巽上下

中孚豚魚吉利涉大川利貞

孚信也為卦二陰在內四陽在

外而二五之陽皆得其中以一卦言之為中虛以二體言之為中實皆孚信之象也又下說以應上上巽以順下亦為孚義豚魚无知之物又木在澤上外實內虛皆舟楫之象至信可感豚魚涉險難而不可以失其貞故占者能致豚魚之應則吉而附錄問孚字與信字想亦利涉大川又必利於貞也

附錄

問孚字與信字想亦利涉大川又必利於貞也

中為孚見於事為信說得極好學蒙中孚是箇卯象是鳥之未出殼底孚亦是那孚膜意思淵因舉字說孚字從爪從子如鳥抱子之象今之乳字也一邊從孚蓋中所抱者實有物也中間實有物所以人自信之學蒙

纂註

蔡氏曰虛者所以受信實者所以為信中孚之義也程子曰豚躁魚冥物之難感者也孚信感於豚

魚則无不至矣所以吉也張子曰上以巽施之下以說承之其中必有感化而出者焉孚者覆乳之象者也夫覆乳者必剛外而柔內雖柔內非陽則不生故剛得中而為孚也初九虞吉有他不燕

當中孚之初上應六四能度其可信而信之則吉復有它焉則失其所以度之之正而不得其所安矣戒占者

之辭九二鳴鶴在陰其子和之我有好爵吾與爾靡之

九二中孚之實而九五亦以中孚之實應之故有鶴鳴子和我爵爾靡之象鶴在陰謂九居二好爵謂得中靡

雖我之所獨有而彼亦繫戀之也附錄吾與兩繫之是
兩個都要這物事所以相應如比焯是纂註徐氏曰鳴鶴
兩個中心都愛所以相應如比焯是纂註徐氏曰鳴鶴
二其子和之謂五我有好爵謂五與兩靡之謂二九二
以實感九五以實應又卦體中虛无所隅塞有孚于中
自然六三得敵或鼓或罷或泣或歌敵謂上九信之窮
相應六三得敵或鼓或罷或泣或歌敵謂上九信之窮
正以居說極而與之為應附錄悲樂都无常也焯泣六
故不能自主而其象如此
四月幾望馬匹亡无咎幾望之象馬匹謂初與已為匹
四乃絕之而上以信於五故為馬纂註徐氏曰月受日
匹亡之象占者如是則无咎也
矣四乘近五有月幾望愚謂自二至四有震故有馬
之象馬已所乘者謂三象指三為馬正與小象辭合

九五有孚寧如无咎

九五剛健中正中孚之實而居尊位為孚之主者也下應九二與之

同德故其纂註徐氏曰學如固結之義位正而有孚是象占如此纂註以誠實固結天下之心若拘學然入下

應九二之剛君道如此可愚謂三四中虛二五中實謂不失其正矣何咎之有固皆孚信之象然陽體實

能有孚陰體虛不能有孚故二上九翰音登于天貞凶五有相孚之義三四則无取也

居信之極而不知變雖得其貞亦凶道也故其象占如此雞曰翰音乃巽之象居巽之極為登于天雞非登天

之物而欲登天信非所附錄翰音登天言不知變者蓋信而不知變亦猶是也附錄一向恁麼去不知道去不

得纂註徐氏曰翰音羽翰之音也音登于天虛聲遠聞淵纂註也有信之名无信之實以此為正固守則凶上

居終故戒又曰月令註有孚甲孚乳之說與中孚取鶴鳴翰音之象同意又曰鳥之孚卵皆如期不失信也

三三三 震上小過 利貞可小事不可大事 飛鳥遺之音

不宜上宜下大吉

小謂陰也為卦四陰在外二陽在內陰多於陽小者過也既過於陽可以

亨矣然必利於守貞則又不可以不戒也卦之二五皆以柔而得中故可小事三四皆以剛失位而不中故不

可大事卦體內實外虛如鳥之飛其聲下而不上故能致飛鳥遺音之應則宜下而大吉亦不可大事之類也

附錄

問致飛鳥遺音之應是如何曰看這象似纂註蔡有羽蟲之孽之意如賈誼鵬鳥之類學蒙纂註氏

曰卦體有飛鳥之象中二爻象身上下四爻象翼小過柔為主柔性下故宜下則大吉初六飛鳥

以凶

初六陰柔上應九四又居過時上而不下者也飛鳥遺音不宜上宜下故其象占如此郭璞洞林占

得此者或致羽蟲之孽

附錄

飛鳥以凶只是取其飛過高了不是取遺音之義端若占得者更无可避

之理故象曰不纂註徐氏曰初柔本下而上與四應四
可如何也必太纂註動體初從四而動如鳥之飛動而

不止又小過之義上逆下順初六二過其祖遇其妣不
躁動而從上失宜下之義故凶

及其君遇其臣无咎六二柔順中正進則過三四而遇

不及六五而自得其中之意无咎之道也故其象占如此

附錄三父四祖五便當妣過祖而遇其妣是過陽而遇

上而纂註程子曰陽在上者父之象尊於父者祖之象

柔中之德志不從於三四故過四而遇五是過其祖也

五陰而尊祖妣之象與二同德相應在它卦則陰陽相

道則无咎也過當也過九三弗過防之從或戕之凶過小

臣之分則其咎可知

之時事每當過然後得中九三以剛居正衆陰所欲害

者也而自恃其剛不肯過為之備故其象占如此若占

者能過防之附錄弗過防之則是不能過防之也四字

則可以免矣附錄只是一句至弗過過之皆是兩字為

絕句義更愚謂弗過防之亦當兩字為絕句蓋小過

不可曉輝乃陰過之時故二陽爻皆稱弗過是言陽

弗能過也防之防陰也言弗能過之則當防之若不防

而反從之則彼或得以戕我而凶矣二陰在下有上進

之勢故九四无咎弗過過之往厲必戒勿用永貞當過

當防故九四无咎弗過過之往厲必戒勿用永貞

以剛處柔過乎恭矣无咎之道也弗過過之言弗過於

剛而適合其宜也往則過矣故有厲而當戒陽性堅剛

故又戒以勿用永貞言當時之宜不可固守也或曰

弗過過之若依六二爻例則當如此說若依九三爻例

弗過過之若依六二爻例則當如此說若依九三爻例

則過遇當如過防之義未

愚謂九四弗過與九三同

詳孰是當闕以俟知者義遇之前遇乎陰也上往

則危厲必當致其戒謹然陽性本上故又戒其勿用永

貞言不必永久貞固以自守但戒謹則可免厲矣二陰

在上有遇之勢故常戒六五密雲不雨自我西郊公弋取彼在穴

以陰居尊又當陰過之時不能有為而弋取六二以為

助故有此象在穴陰物也雨陰相得其不能濟大事可

知附錄密雲不雨大槩做不得底意思淵弋纂註徐氏

盛居上密雲之象陰陽和則成雨皆陰无應有不雨之

象西郊互體兌象與小畜卦象同公謂五弋射取也彼

謂二在穴二柔居中象因卦上六弗遇過之飛鳥離之

有飛鳥之象故曰弋彼在穴上六弗遇過之飛鳥離之

凶是謂災眚六以陰居動體之上處陰過之極過之已

恐亦只當作過過義附錄通論中孚小過中孚有卯象同九四未知是否

是鳥腹上下四陰是鳥翼象鳥出乎卯此小過所以次中孚也輝通論大小過二卦小過是過於慈惠之類大過是

剛嚴果毅纂註蔡氏曰過過五也今在五上故弗過過底氣象

凶天災人愍謂此爻與四正相反九四曰弗過遇之書俱有也上六曰弗遇過之弗過遇之者陽微而弗

能過乎陰反遇乎陰也弗遇過之者陰上而弗能過陽反過乎陽也小過陰過而陽弗過之時故四言弗過而

上言過四前有陰有相遇之理上已過陽无復過之期故四言過而上言弗過亦可見也飛鳥離之取遠過之

象陰過如此非陰之福也災眚薦至凶孰甚焉此可為小人過盛者之戒

三三離下既濟亨小利貞初吉終亂既濟事之既成也為卦水火相交各

得其用六爻之位各得其正故為既濟亨小當為小附
亨大抵此卦及六爻占辭皆有警戒之意時當然也
錄大率到那既濟時了便有好處所以說小亨如唐
時貞觀之盛便向那不好處淵既濟是已濟了大事
都已亨過了只更小小底正在亨通若能戒謹恐
懼得常似今猶自得不然便一向不好去了學蒙纂註
蔡氏曰亨小所亨者小謂二也六爻獨二有亨之道體
柔故曰亨小利貞六位當也初吉二也離明在內終亂
上也既濟之終為未 愚謂一卦三陰皆在三陽之上
濟矣又坎難在外 亦有小者在上而亨之義蓋陰
陽交而成初九曳其輪濡其尾无咎之象也曳輪則車
濟故亨也初九曳其輪濡其尾无咎之象也曳輪則車
不前濡尾則狐不濟既濟之初謹戒附錄曳輪濡尾是
如是无咎之道占者如是則无咎矣附錄爭些子時候
是欲到與未到之間不是不欲濟是要濟而未敢輕濟
如曹操臨敵意思安閒如不欲戰老子所謂猶若冬涉

川之象涉則畢竟涉只纂註蔡氏曰輪坎象孤六二婦是畏那寒了未敢便涉

喪其弟勿逐七日得

二以文明中正之君宜得行其志而九五剛

居既濟之時不能下賢以行其道故二有婦喪其弟之象弗婦車之蔽言失其所以行也然中正之道不可終

廢時過則行矣故又纂註徐氏曰卦有六位七日得則有勿逐而自得之戒

六二九三高宗伐鬼方三年克之小人勿用

既濟之時以剛居剛

高宗伐鬼方之象也三年克之言其久而後克戒附錄占者不可輕動之意小人勿用占法與師上六同

高宗伐鬼方疑是高宗舊日占得此爻故聖人引之證此爻之吉凶如此如箕子之明夷利貞帝乙歸妹皆悉

是如又曰漢時去古未遠想見卜筮之書皆存如漢文帝之占大橫庚庚都是傳占人說話人曰夏啟以先

想是夏啟曾纂註徐氏曰鬼方幽遠小國也蒼頡篇云
占得此卦蚺纂註鬼遠也近坎有鬼方象離體有伐象

盡坎三爻而成既濟有三年克之象三常既濟之中
以剛居剛欲兼舉內外之治故有高宗伐鬼方之象

愚案鬼方夏曰獯鬻商曰鬼方周曰玁狁漢曰匈奴魏
曰突厥突厥厥右匈奴北都見唐高祖武德元年紀註

六四繻有衣袽終日戒

戒既濟之時以柔居柔能預備而
戒懼者也故其象如此程子曰

繻當作濡衣袽所
以塞舟之罅漏

附錄

六四以柔居柔能慮患預防蓋
是心低小底人便能慮事柔善

底人心不麓慮事細密剛纂註蔡氏曰繻帛之美者袽
果之人心麓不解如此淵纂註衣之敝者既濟過中時

日變矣故四有衣袽之戒言繻雖美則必至於有袽事
雖濟則必至於未濟必須終日戒懼乎此則憂疑可釋

而不至於九五東鄰殺牛不如西鄰之禴祭實受其福
終亂矣

東陽西陰言九五居尊而時已過不如六二之在下而始得時也又當文王與紂之事故其象占如此象辭初吉終亂亦附錄問九五爻以言紂雖貴為天子祭祀之此意也

之興衰自是時如此曰揚子雲云十六日月雖缺未多更圓似生明之時必竟足漸缺去月初雖小於生鬼時必竟足長底時節問占得此爻則如何曰纂註牛盛祭也這當有所值之時何如大意不得便宜纂註牛盛祭也禴薄祭也盛不如薄者時不同也二五皆中正二在濟下尚有進也故受福五處濟極无所進矣上六濡其首厲既濟之極險體之上而以陰柔處之為狐附錄總論上三爻既濟上三爻皆漸漸不好蓋出明而人險四有衣袽之象曰有所疑也便是不美之端倪自此已露五殺牛則太自過盛上濡首則極而亂矣不知如何曰時運到那時都過了康節所謂飲酒酩酊開花離

披時節所以有這樣不
好底意思出來學蒙

三三

坎下離上

未濟亨小狐汔濟濡其尾无攸利未濟事未成之時也

水火不交不相為用卦之六爻皆失其位故為未濟附

錄問未濟所以亨者謂之未濟便自有濟之理但尚纂

註蔡氏曰狐坎初六濡其尾吝以陰居下當未濟之初

此纂註徐氏曰既濟初濡其尾无咎未濟初濡其尾吝

明則知緩急之宜而不急濟又苟知緩濟之義則雖濡

尾亦終濟矣故无咎未濟之初才柔不足以濟天下又

下卦坎體陷也陷則冒險以進而急於求濟不九二曳

其輪貞吉

以九二應六五而居柔得中為能自止纂註而不進得為下之正也故其象占如此

蔡氏曰以剛居中上應六五有才濟難者也然以剛應柔易生陵忽之心故能緩其所以行乃得正而吉也

六三未濟征凶利涉大川

陰柔不中正居未濟之時以征則凶然以柔乘剛將出乎

坎而不利涉之象故其占如此蓋行者可以水纂註劉壽浮而不可以陸走也或疑利字上當有不字

六三居險之極未能出險而陰柔失位才不足以濟又求進焉凶可知矣烏能涉大難乎既曰未濟征凶又曰

利涉大川文義相背本義或疑利字上有不字為得之大抵未濟下三爻皆未能出險三與初爻皆陰柔才不

足以濟險九二剛中才足以濟險時未可九四貞吉悔進守貞則吉以此推之三非利涉可知矣

亡震用伐鬼方三年有賞于大國

以九居四不貞而有悔也能勉而貞則悔

亡矣然以不貞之資欲勉而貞非極其陽剛用
力之久不能也故為伐鬼方三年而受賞之象
纂註徐
曰下履乎坎有難未濟亦有伐鬼方之象臨事而懼不
恃剛以急取至于三年之久還師論功受賞問國此其
所謂貞
愚謂乘坎故亦有鬼方象滿離三爻
六五貞
吉也
則未濟終須濟故有三年有賞之象

吉无悔君子之光有孚吉

以六居五亦非貞也然文明之主居中應剛虛心以求下

之助故得貞而吉且无悔又有光
輝之盛信實而不妄吉而又吉也
纂註蔡氏曰文明之
光下得二四恭順剛
明之臣故有孚吉
上九有孚于飲酒无咎濡其首有

孚失是

以剛明居未濟之極時將可以有為而自信自
養以俟命无咎之道也若縱而不反如狐之涉

水而濡其首則過於
自信而失其義矣

附錄

總論六爻大槩未濟之下卦
皆是未可進用濡尾曳輪皆

是此意六三未離坎體便也不好到四五已出乎險方
好上六又不全好通論既濟未濟兩卦各自說濡尾濡
首不必拘說在此言尾在彼言首大槩既濟是那日中
銜哺時候盛了只向裏去未濟是那五更初時只是向
明去聖人當初見這個意思便說出這一
爻來又曰它曳輪濡尾在既濟為无咎在未濟則或各
或貞吉這便有不同淵未濟與既濟諸爻頭尾纂註蔡
相似中間三四兩爻如損益模樣顛倒了淵
曰五為濟主三四助之已成濟功矣已獨處上无所用
力惟于飲酒自樂不妄生事乃為无咎徐氏曰濡坎象
首上象通論既濟未濟蔡氏曰既濟之後必亂故主在
初卦而亨取二未濟之後必濟故主在上卦而亨取五
又曰坎者陰陷陽而陽難離者陰麗陽而陽明是坎雖
陽卦而陽不得用離雖陰卦而陽猶得用故既濟未濟雖
名義主坎以坎陽卦也其亨主離以離陽得用也劉壽
翁曰未濟下三爻未出險初濡尾二曳輪三征凶上三

爻已出險矣四志行五有孚吉上有孚飲酒而已既濟
吉少凶多未濟吉多凶少雖吉未嘗不戒也通論上下
經隆山李氏曰陰陽之氣往來乎天地之間或不能无
過差故聖人作易大過之後繼之以坎離者陰陽之中
所以救大過之弊也小過之後繼之以既濟未濟者即
坎離之中所以救小過之弊也厚齋馮氏曰過之大故
繼之以坎離之全過之小故繼之以坎離之交西谿李
氏曰上篇首乾坤終坎離下篇首咸恒終既未濟亦坎
離也天地之道不過陰陽五行之用莫先於水火上篇
首天地陰陽之正也故以冰火之正終焉下篇首夫婦
陰陽之交也故以
水火之交終焉

易附錄纂註卷二